






*John Carter Brown.*















Thy. 1st. 1840

1840

1840

1840

The estate in the other section are  
connected in this in. But  
in first section.

1840

1840

1840

1840

1840

1840

1840

1840

1840

1840



22  
IOANNIS  
DE LAET  
Antuerpiani  
NOTÆ

AD  
DISSERTATIONEM  
HVGONIS GROTH  
*De Origine Gentium Americanarum*

ET  
OBSERVATIONES ALIQVOT  
ad meliorem indaginem difficil-  
limæ illius Quæstionis.



*J. Gale*

PARISIIS;  
Apud Viduam GVILIELMI PEE  
viâ Iacobæâ sub signo Crucis aureæ.  
M. DC. XLIII.



JOHANNES

DE LAET

iniquitatem

ET

AD

DISSEMINATIONEM


HUGONIS GROTII

De Originibus Gentium

ET

ORRECTIONES ALIQUOT

ad editionem indicis



PARISIIS

Apud Ludovicum GAILLARDUM

M. DC. XIII.





## P R Æ F A T I O.



Vum Descriptionem v-  
triusque Americæ in lu-  
cem darem, & oculis ob-  
uersaretur tanta homi-  
num multitudo vbique  
obuia, (etiam nunc, postquam His-  
panorum sæuitia tot myriadas dele-  
uit) mirabar vnde in illam orbis par-  
tem, tandiu Europæis nostris igno-  
tam, potuerint penetrare: & vide-  
bam nihil adhuc certi de origine aut  
transmigratione illarum Gentium ab  
Authoribus proditum esse, aut sal-  
tem non tale quid, quod curiosis in-  
geniis plene posset satisfacere. Quan-  
quam autem meum argumentum vi-  
debatur postulare, vt hanc nobilissi-  
mam quæstionem non præterirem;  
deterrebat tamen rei difficultas, &



aliorum irriti, ut mihi quidem videbatur, conatus, & quum mihi met ipsi non possem satisfacere, perineptum fuisset velle aliis persuadere. Unus erat Iosephus de Acoſta è Societate Ieſu, qui aliquam viam ad veritatem indagandam monſtraret, cuique ob inſignem illarum regionum cognitionem & multiplicem experientiam, fides haberi quodammodo poſſet. Sed erat quoque alia non minus difficilis diſquiſitio de animantibus quadrupedibus, priori illi connexa, quam ſimul expediendam iudicabam. Accedebat pene infinita non modo dialectorum, ſed & linguarum ipſarum diuerſitas, & inter vicinos quoque populos, tanta varietas, ut nihil fere inter ſe commune oſtenderent, moribusque & inſtitutis toto cælo inter ſe diſcreparent. Quo fiebat, ut uſitatae indagandi viæ per linguarum aut morum inſtitutorumque ſimilitudinem, hic nullum haberent locum. Itaque tandem in animum induxi quæſtionem hanc omit-



## P R Æ F A T I O.

tere & alteri operæ, maturiorique  
indagini seruire. Verum cum nuper  
ad manus meas peruenisset, Claris-  
simi viri Hugonis Grotij *Dissertatio de  
Origine gentium Americanarum*, cuius  
excellenti ingenio, iudicio & summæ  
eruditioni plurimum tribuendum non  
ignorabam, sperabam aut rem iam  
perfectam me inuenturum, aut sal-  
tem certiores vias ad veritatis in-  
daginem: itaque auide illam arripui;  
Verum dum accuratius illam exami-  
no & momenta rationum expendo,  
nihil fere in illa repperi, vt verum  
fatear, quod quenquam vel medio-  
criter rerum Americanarum gnarum,  
in assensum posset trahere; itaque vi-  
sum breuiter annotare quæ in Dissertatione illa desiderem, quæque incerta & quæ vero absimilia iudicem; futurum sperans, vt vir Clariss. repetita opera, diligentius hanc difficilissimam quæstionem expendat, & certiora, verisque similia de origine gentium Americanarum nobis tradat. Persequar autem non singula,



## 6 P R Æ F A T I O.

sed tantum ea quæ proprie hanc quæ-  
stionem attingunt, propositis pri-  
mum eis quæ ab ipso tractata, eis-  
dem verbis, quibus edita sunt, iis-  
que meas Annotationes subiungam.  
Lectoris erit iudicare, quid perpe-  
ram, quid recte in utroque Scripto se-  
habeat.





7

HVGONIS GROTH  
DISSERTATIO  
DE ORIGINE GENTIVM  
AMERICANARVM.



*Ideo veteres, tum qui terras, tum qui res gestas descripserunt, multum in eo posuisse opera, ut aut ex monumentis antiquis, si possent, aut si ea deessent, ex fama, aut coniecturis, nos docerent, unde venissent qui terras quasque primi habitauerant. Sic Dionysius Halicarnassensis, multum prætergressus omnium Italorum diligentiam, ex Græcorum monumentis, ad quæ aggressus & alia argumenta, nobis ostendit unde origo fuerit populis qui primi Italiã tenuêre. Sic Salustius, qui Africam, Tacitus, qui Britanniam primi insederint, inquirunt diligenter: ille ex veteri fama, hic partim ex fama, partim ex coniecturis, quas suppedibat lingua, habitus, mores. Apud Strabonem, magni iudicii virum, multe sunt inquisitiones eius generis. Hæc cum ita se habeant, miratus sum sæpe, quod ex tot nostri sæculi viris eruditis nemo solícite inquisierit, unde ortum habuerint gentes illæ quæ ante Hispanorum aduentum illas habitauerunt terras, quas incognitas veteribus, alij à Vesputio Americam, alij occidentalem Indiam appellamus: Eam dico quæ ab Oceano Se-*



3 DE ORIG. GENTIVM

pretrionali, ad Magellanicas maris fauces  
longis ac plurimum latis etiam spatiis se inter  
mare Atlanticum & alterum quod Sinas ab-  
luit, aliis Pacificum, aliis del Zur dicitur,  
extendit. Ego cum legissem nonnulla scripta  
Hispanorum, Gallorum, Britannorum, Ba-  
tanorum, qui in illis fuere oris, putavi me  
rem facturum non inutilem, si qua mihi ma-  
xime videntur probabilia, communicarem &  
nunc viventibus & posteris; eo animo, ut alios,  
quibus per peregrinationes in eo orbe, aut etiam  
per libros qui in meas manus non venerunt,  
maior earum rerum contigit notitia, excita-  
rem ad nostra hac aut confirmanda, aut bonis  
rationibus refellenda.

ANNOTATIO.

**Q**Uum in sequentibus multos sibi re-  
fellendos sumat vir Clarissimus, qui  
omnes eos populos venisse putent e Scy-  
thia, non video quare hic dixerit, se saepe  
miratum, quod ex tot nostri saeculi viris  
eruditis, nemo solcite inquisuerit unde  
ortum habuerint gentes illae Americanae;  
praesertim cum non opiner Clarissimum vi-  
rum ignorasse, Iosephum de Acosta hoc di-  
ligenter & ex instituto egisse in Historia sua  
naturali & morali Indiarum: & apud plures  
alios (de quibus postea) multa in hanc aut  
aliam sententiam reperiri. Sed pergamus.



## H. GROTIUS.

**V**ideo multos esse qui omnes eos populos venisse putent ex ea Scythia quam Tartariam magnam nunc vocamus. Argumētum habent quod ad Anianum siue fretum siue sinum (utrum enim sit nondum constat) non magnum sit inter Tartariam, Americamque intervallum. Quod si is sinus sit, terras esse contiguas, ac ob id facilem transitum: si sit fretum, id quo magis intratur angustius fieri, ac proinde fauces illas, quales sunt Hellespōti, aut in Thracia Bosphor, in nullo negotio navibus potuisse transmitti. Hac ita summa, ut ita loquar, in cute spectata, speciem veri habent: introspecta tamen mihi se non persuadent.

## A N N O T A T I O.

**S**I quid video, duo hīc consideranda sunt, qui & quomodo in has terras venerint: nam etiamsi forte aliqua communio aut similitudo morum & linguæ ostendi possit, & non aliqua commoda ratio iniri, qua ab sua regione in hanc venerint, nihil hac conjectura profectum æstimari potest; neque locorum, per quæ forte transineauerunt, hodierni aut etiam superiorum temporum incolæ, quicquam ad hanc rem faciunt. Qui autem credunt è Scythia, quæ nunc magna Tartaria dicitur, & longissime atque latissi-



me pater, gentes in Americam transiisse, non propterea dicunt aut tenentur dicere, illos qui primi in hanc Americam Septentrionalem transmigrarunt, Scythas aut Scythicæ originis fuisse: satis enim constat gentes in omnibus Europæ, Asiæ atque Africæ partibus, alias ab aliis veluti impulsas, & quum in vicinorum fines inuasissent alij, priores incolas longius procedere atque aliò commigrare coëgisse: cuius rei omnes historiæ faciunt fidem, & eiusmodi transmigrationum exempla passim obuia sunt apud authores, quos Clariss. vir supra commemoravit. Quare quæ sequuntur argumenta ab ingenio, & institutis Scythicæ gentis, quæ à multis iam sæculis regionem illam Tartariæ incoluit, petita, sententiam illam non possunt euertere.

## H. GROTIVS.

**C**onstat enim in omni America ante Hispanorum aduentum equos fuisse nullos. Scythia autem plena semper equis, & Scythæ fere omnes equis vehi, & in equis ingentia terrarum spatia conficere, etiam sanguine equorum, si alia deessent, in potum verso uti soliti.

## A N N O T A T I O.

**V**T hodie Scythia illa, quæ magna Tartaria dicitur, plena sit equis, atque



adeo olim fuerit, non tamen propterea sequitur semper plenam fuisse; aut Scythas illos qui illam regionem tenuerunt, equis usos, cum hæc transmigratio fieret, quam à multis seculis factā fuisse satis arguit, quod Americæ regio quæqua patet, superiori sæculo quum Europæi illam primum adierunt, tam numeroso populo plena fuit inuenta, vt nihil Europæ aut Asiæ cederet, atque etiam in Insulis huic Septentrionali Americæ obiectis multæ myriades hominū fuerint inuentæ, tam diuersis ingeniis, linguis, moribus & institutis, quales vix in Europa vniuersa demonstrare possis. Vt inde facile concludi possit, transmigrationem illam iamdiu & statim post dispersionem illam in Asia propter linguarum confusionē esse factam: neque à paucis longe posterioribus sæculis orsam, quum ratione inita tam immensus numerus propagari non potuerit nisi multis seculis. Et sane par est ratio Americæ, atque Europæ & aliarum orbis partium; eadem propaginis, vitæ, morisque, bellorum & pacis imago: neque ibi aut fœcundiores sunt fœminæ, aut homines longæuiore.

H. GROTIVS.

**Q**uod si cohererent America & Tartaria, equi aut fugitivi, aut libere pascē-



res, ex Tartaria in Americam olim penetrassent; sicut equos ex terris America aliis in alias magnis diuisas montibus penetrasse constat. Hispanorum relatu, ex quo Hispani equos illuc aduexere. Si vero perpetuum intercedit fretum, quod magis credo, Tartari numquam nauigatores fuere, & si fuissent, non magis transissent sine equis, aut diu esse sine equis voluissent, quam Galli veteres, qui in Britanniam, aut Hispani qui in Americam transiere.

## A N N O T A T I O.

**V**T de equis dubitari possit, facit Relatio Dauidis Ingrami Angli, qui interiora continentis Septentrionalis peragrauit & equos à se visos prodidit: Sed quia incertæ fidei est auctor, neque ab aliis ante Hispanorum aduentum ibi fuisse prodūtur, nolo hoc argumēto vti. Porro vtrum magis credibile sit, Americam & Tartariam cohærere, an vero perpetuum intercedere Fretum, vti non definiuerim, tamen magis inclino in eam sententiam quæ cohærere credit, aut angusto tantum Freto diuisas esse: neque tamen propterea necesse fuerit equos transituros fuisse: non enim omnes terræ æque illis opportunæ, aut pabulo eorundē abundantes, & ab altissimis montium iugis impeditos fuisse, excipi merito potest, aut à crebris intercurrentibus fretis coercitos.



Vellem autem Clariss. vir notasset in qua parte Hispani retulerint, equos ex aliis terris Americæ in alias magnis diuisas montibus penetrasse. Scio in regione quæ à flumine Argenteo versus meridiem inclinatur & fere plana & campestris est, multoque gramine præta, infinitos equorum greges reperiri ab origine Hispanica, sed iuxta noui in montosis partibus paucos, alibi etiam nullos reperiri, & Hispanos quum per montana iter facerent, etiam eos quos adduxerant, amisisse: neque omnem tellurem quæque animalia alere. Ita ut argumentum ex prima dilemmatis parte non sit demonstratiuum; nam potuerunt illi qui primi transmigrarunt, equos non habere, aut si habuerunt, difficultate locorum à transducendis detereri. Quod autem in secunda dilemmatis parte dicitur, Tartaros nunquam nauigatores fuisse: præterquam quod dicimus non fuisse Tartaros qui primi transierunt, non video quomodo probari possit Tartaros nunquam nauigatores fuisse: nam & Sineses qui origine Tartari esse creduntur, iam diu nauigasse constat, & ita quoque de aliis Scythicæ originis gentibus haud difficulter probari posset. Sed accedit, quod ad transueundum angustum fretum, non magna nauigandi industria opus sit, neque etiam nauibus, quum ratibus fieri potuerit; & supplet sæpe industriam necessitas aut cupidi-



tas locum mutādi. Quod autem addit Clarissimus vir, si Tartari nauigatores fuissent, non magis transiissent sine equis, aut diu esse sine equis voluissent, quam Galli veteres, qui in Britanniam, aut Hispani qui in Americam transiēre : Id vero facile refelli potest, neque enim primis illis seculis naues eiusmodi fuerūt vt equos traducere possent: & hoc idem argumentum magis locū haberet in Norvvagis, à quibus originem harum gentium accersit, qui & equorum multitudinem habuerunt & necessariū eorum vsum non ignorarūt, vt eodem modo iure objici possit, Norvvagos non fuisse transituros sine equis, aut etiam bobus, quod animal homini adhuc magis necessarium, aut diu sine illis esse voluisse. Constat autem in tota illa continente America ab Hispanis non magis boues quam equos inuentos, ne quidem sues generis Europæi. Ita vt ne hoc quidem argumentum quicquam vetet gentes Americae per Scythiam introducere. Præsertim quum ad promontorium Tabin aut Cathaiam omnino verisimile sit angusto freto continentes diuidi, & ab Armenia vbi Arca constitit, iter neque valde impeditum, neque admodū longum sit ad Cathaiam, vt tabulæ Geographicae faciunt fidem. Iterque illud agi possit extra circulum Arcticum, quum è Norvvagia per glacies & adusta frigore loca fuerit eluctan-



dum. Sed videamus porro Clariss. viri sententiam.

H. GROTIUS.

**E**Go, ut dicam quæ mihi maximè se probant, primam dispeciam America populos, in eos qui sunt ad Septentrionem, cis Isthmum qui est inter Nomen Dei & Panamam, & eos qui ultra id fretum ad Austrum se porrigunt, donec in Fretum Magellanicum desinant.

ANNOTATIO.

**C**Ur necessarium fuerit hoc loco hanc diuisionem facere, fateor me non capere: nam quum Continens hîc nullis montibus dispecatur, qui migrantes ultra procedere vetent, aut freto se committere cogât, non video cur hic limes iis qui ab Arcto venerunt, statuendus fuerit: cum Hispani in has partes venerunt, qui cis & ultra Isthmum incolebant, & lingua & institutis multum inter se conueniebant, ut hoc loco finem transmigrandi factum minime verisimile sit: neque vllum Fretum prohibet, sed terra quam commodissimè quaquaversum etiam ad extremum Austrum progredi licet. Non tamen propterea nego aut ambigo etiam ab Austro in Americam gentes descendisse: vtrunque enim venisse concedo, quamquam vbi potissimum occurrerint, incer-



tum sit, vt cætera omnia. Sed concursum illum ad hunc Isthmum statuere, id vero superuacuum puto. Vt autem idonea aliqua ratio reddi possit quomodo tot hominum myriades has vastissimas regiones impleuerint, omnino admittendum puto, ab illis partibus immigrasse, quæ angustis saltem fretis disjungitur. Constat autem Americam vtramque & Septentrionalem & Australem vasto Oceano inde ab Groenlandia ad Fretum vsque Magellanicum ab Europa atque Africa dirimi; nullam coniunctionem cum Asia nisi in Arctoïs illis partibus inueniri posse: vltra Magellanicum fretum primum sunt Insulæ angustis fretis diuisæ, quæ se exporrigunt versus Orientem, & rursus freto haud admodum lato interluuntur, quod Lemairium vocamus; quo pacto se habeant terræ quæ vltra illud jacent, nondum satis compertum est, licet communis & verisimilis opinio sit cum Noua Guinea coniungi. Ab altera parte simili modo America vasto illo Oceano Pacifico ab Asia dirimitur: vt ab illa parte ad Americam nisi longa & permolesta nauigatione non sit accessus.

## H. GROTIUS.

**O**Mnes ferme populos qui cis Isthmum sunt Panama, ex Norvvagia ortos arbitror; his ductus rationibus.

AN



## ANNOTATIO.

**M**iror sane quo pacto hæc sententia Clariss. viro tantopere potuerit probari, vt sperauerit se illam cæteris posse persuadere. Quæ si vera esset, oportuisset longe maximam Americæ partem, incolas suos accepisse è Norvvagia: nam pars Americæ Septentrionalis, si à Groenlandia ordiari & ad Asiam extendas, & longe maximo gyro ad Isthmum illum Panamæ producas, magnitudine Australem aliquantum superat, præsertim si Insulas illas maiores, minoresque, quæ obiacent, adjunxeris. Sed ea non potuit ab vna regione non admodum populosa (nisi Norvvagiam latius extendas) tam breui tempore impleri. Qui superiori sæculo regionem illam, quæ ad Arctum pertinet, primi adierunt, longe aliam hominum faciem obseruarunt, quam vt à Norvvagis oriundi videri possent. Forbisherus anno cId Io Lxxvi ad fretum sui nominis vidit barbaros, lata facie, depressis & simis naribus, capillis nigris & prælongis, colore oliuastro. Quæ Norvvagis minimè conueniunt. Qui illum secuti sunt, magis Tartaris aut Samoedis similes iudicarunt: præsertim quia ipsis barbæ admodum erant raræ. Alij quoque obseruant illos Solem venerari, quem vocent Ilyout, quod à Græco nomine non abludat.



Hispani autem obseruarunt barbaros qui iuxta Quiuiram degunt, quæ ad Californiam pertingit, Nomadum more agere, & loca sæpe mutare prout arimentorum pastura inuitat. quæ magis Scythicam, quam Norvvagicam originem arguunt. Sed audiamus rationes.

## H. GROTIUS.

**I**slandiam à Norvvagis habitatam eui-  
scunt utriusque populi monumenta, tradi-  
tio, lingua, & imperium antiquissimum  
Norvvagiæ in Islandos. Creduntur autem eò  
migrasse multi ante annum Christi millesi-  
mum, cum adhuc Paganica religionis esset  
Norvvagia.

## ANNOTATIO.

**I**slandia primos incolas è Norvvagiæ ac-  
cepisse creditur, & quidem, vt tradit  
Angrimus Ionas, anno post Christum na-  
tum I c c c l x x i v. Sed paucas tantum  
primò familias, quæ tyrannidem Regis fu-  
giebant: postea plures accesserunt; siqui-  
dem Insula satis ampla pluribus opus ha-  
buit vt coletetur. Originem adhuc linguæ  
communio & alia testantur. Sed ab hac  
aut per hanc à Norvvagia incolas ferme  
omnes Americæ Septentrionalis petere,  
hoc verò mihi nimis longè quæsitum,  
neque satis verisimile videtur. Quanto



procliuius esset credere, Norvvagos, Danos, & alios Septentrionales populos his vicinos: Cambros quoque & vel maxime Hybernos, quos omnes Oceanum etiam ante illa tempora nauigasse constat, rectà ad Continentem fuisse delatos; (nam & Cambros nouas terras quæsiuisse & adiisse ex ipsorum monumentis docemur:) quam Islandos, qui ad Insulam suam implendam multo tempore eguerunt, longo & difficili ambitu circumductos. Ethnicos autē tum fuisse Norvvagos cum in Islandiam migrarent, idem Angrimus Ionas tradit, paulo tamen post Christianos factos: sed quis præstet Islandos ante Christianam religionem acceptam aliò emigrasse, aut Insula sua nondum perculta, quod paucis annis fieri non potuit, alias sedes & quidem maiori frigori obnoxias quæsiuisse? Nemini sane qui rem recta reputabit via, hoc facile persuaseris; aut rationem reddideris, quare non & equos statim traduxerint aut postea quæsiuerint: neque enim Insula lato freto à Groenlandia dispescitur. Neque video quare in Groenlandia, aut aliis illis regionibus, potius quam in Islandia, sermō Norvvagicus penitus exoleuerit. Sed pergamus.



**A**B *Islandia* ventum est in *Groenlandiã*; quam alij *Insulam* putant, alij partem continentis *Americanae*: Ibi quoque eadem lingua, idem iam olim imperium. Vicina ei *Frislandia* de qua extat commentarius *Zenonum Venetorum*: nisi ea forte pars est aut *Islandia*, aut *Groenlandia*.

## A N N O T A T I O.

**F***Rislandia* dudum *Insula* credita, iam *Groenlandiæ* pars censetur, & *Insula* in *Tabulis Geographicis* expuncta est. *Groenlandiam* autem *Continents Americanae* partem esse, superioribus annis, *Anglorum* nauigationibus compertum est. Verum ingentes sinus & patentia maria penetrant in illam *Continentem*, ad summam altitudinem *arctoam*, quæ cum pene omni anni tempestate glacie horreant, haud facile trahi possunt: & regiones illæ adeo incultæ atque horridæ, tamque profunda niue oblitæ sunt, vt non sit verisimile, hac parte homines iter ad vicinas regiones tentasse, aut si tentarunt, tam vastam *Continentem* intra sex aut septem sæcula implere potuisse. Quæ autem *Zenones* illi *Veneti* prodiderunt, suspectæ fidei merito habentur; neque hodie tale quid in illis regionibus deprehenditur, quale ipsi tradiderunt. Sed



non est nobis propositum illorum relationes examinare aut refellere. Notissimum est omnibus, quam familiare sit iis qui longinqua itinera siue terra siue mari obeunt, multum sibi permittere, interdum & aliorum relationibus accepta, tanquam visa eradere: neque opus est exempla passim obuia producere, in quibus eiusmodi itinerantes, & ipsi falsi fuerunt & alios fefellerunt, (ne dicam licenter mentitos), quia haud facile argui poterant, nisi ab iis qui ad easdem regiones penetrassent. Sed prosequamur Islandorum & Norvvagorum iter, prout Clarissimus Vir nobis præit.

## H. GROTIUS.

**H**ic proxima Estotilandia, pars continentis America; quam & Frislandia piscatores adibant, duobus sæculis priusquam Hispani in nouum orbem venêre. Hæc omnia nomina eandem habent desinentiam, ex voce regionem denotante lingua Germanorum, quorum olim pars Norvvagi, ut ex Plinio, Tacito, imò & ex ipsa lingua & moribus apparet.

## ANNOTATIO.

**S**ensum proficimus in itinere nostro ad Americam: à Norvvagia in Islandiam; ab Islandia per Frislandiam in Groenlandiam.



promouimus : E Groenlandia iam tendimus in Estotilandiam. Hæc omnia, vt verum dicamus, nullum authorem habent nisi Zenos illos, & si qui fortè post eos errarunt. Sed animaduvertere debuit vir Clariss. magnum hic saltum fieri è Frislandia aut Groenlandia in Estotilandiam : nam Zenorum fabula diserte tradit, piscatores illos Estotilandiam illam non adire solitos, sed tempestate iactatos per multos dies, eò inuitos fuisse delatos : atque adeo Estotilandiam illam à Frislandia abesse milliaria supra mille versus Occidentem; Insulam adhæc multo amœniorem & Islandiæ magnitudine parem : cuius Rex in Bibliotheca sua multos libros Latinos habuerit (mirum si non & Germanicos) licet incolæ peculiari lingua & literis aut characteribus vterentur : Porro Islandiam, Groenlandiam, Estotilandiam, eandem habere desinentiam ex voce regionem denotante lingua Germanorum, palam est, vtpote à primis inuentoribus qui Germanicæ originis erant, imposita; nam ipsos incolas suas terras ita nominasse nequaquam liquet. Sed hoc ferri potest, quæ sequuntur, nimis longe à probabili ratione discedunt. Et magnus fit saltus ad fretum Panamæ.



## H. GROTIUS.

**S**ic & quæ inde ad fretum Panama extenduntur terra, similis soni habent nomina; Cimatlan, Coatlan, Guescostlan, Artlan, Quaxutatlan, Zeiorlan, Icatlan, Tapatlan, Cinacatlan, Cinantlan, Tenuchtitlan, Comitlan, Metzitlan, Guatitlan, Necotitlan, Curcatatlan; quibus omnibus in vocibus, Hispanorum pronuntiatio ultimam literam extriuit.

## ANNOTATIO.

**I**N Cimatlan & aliis illis vocibus eiusdem terminationis, ultimam literam n ab Hispanorum pronuntiatione extritam, non facile persuadebitur iis, qui Mexicanæ linguæ aliquam notitiam habent: nam præterquam quod pleraque eorum nominum quæ hîc exempli causa producuntur, non sint regionum nomina, sed vicorum aut oppidorum: terminatio illa *tlan* etiam aliis vocabulis additur, quæ cum regione aut terra nihil habent commune; vt cum dicunt, *in puer-tatitlan* ad portam: Item *Ocachi tlatzintlan* magis infra: & *Itzintlan* infra, & similia: ad eundem modum *Tenoxtitlan*, quod est genuinum metropoleos nomē, (Mexico enim dicitur à conditore *Mexi*) interpretantur *Tunale super petram*. Mirum autem cuius merito videri possit, eas gentes hoc vnum



nomen Germanicum retinuisse, quum nulla alia vestigia linguæ Germanicæ apud ipsas reperiantur. Fateor transponas aut adimas literas aut interdum syllabam, siue ab initio, siue à fine, varia linguarum inter se commercia fieri posse; nec ullam esse linguam tam peregrinam à nostro orbe, quin, si cui placeat otio suo abuti, in ea vocabula possint reperiri, quæ si ad eum modum agas, à nostra aut aliis Europæis linguis non abluant. Sed vereor ne hoc pacto nihilo propius ad veritatem originis harum gentium accedamus. Præterquam quod noui Domini statim aliquid de lingua sua affricant, vt & in noua Francia est obseruare & in noua Hispania; cuius vel indicium sit quod supra posuimus *puertatitlan*, nam *puerta* merum est Hispanicum, pro latino porta.

H. GROTIUS.

**M**exicani & eorum vicini cum eo primum venere Hispani, dixere se non esse indigenas, sed venisse à Septentrione maiores suos. Quam autem primum post Estotilandiam insedere regionem, ea nunc quoque originis sue nomen retinet: dicitur enim Norimbega quod nihil aliud est quam Noruega, sono ab Hispanis emollito, qui pro VV solent B ponere.



## ANNOTATIO.

**A**Gnosco Mexicanos & eorum vicinos dicere, se aliunde & à Septentrione venisse in illas terras, quas hodie tenent: postea autem est compertum aut probabili conjectura creditum illos venisse ex illa prouincia; quæ hodie ab Hispanis appellatur Noua Mexico; ea autem à Mexico hodierna intra continentem sita est, haud longe à California, quæ aut cum Tartaria conjuncta creditur, aut angusto freto ab ea diuisa. Venerunt tamen potius ab occasu aut Coro quam Septentrione. Longissime autem distat Noua Mexico ab illa regione in qua Norimbegam fuisse prodiderunt quidam Authores: quæ à barbaris Agguncia dicta fuit, non Norimbega: prout autem designant, oporteret eam esse in ea parte Nouæ Franciæ, quam hodie Angli tenent. Fabulosa autem esse quæ de illa narrant, satis patet; nam hodie in illis partibus neque hoc oppidum, neque vllum omnino oppidum aut oppidi vestigium reperitur. Et incolæ totius illius tractus viciatim habitant, neque diu vno loco; habitationum autem suarum sedibus à ducibus suis dant nomina. eaque cum ipsis mutant. Sed ne multa dicamus de fabuloso hoc oppido siue prouincia, & conuenientia nominis Norumbega cum Norvagia: rem ipsam videamus.



mus. Primum, non video quomodo primū illi Americæ Septentrionalis incolæ, si quidem ex Islandia in Groenlandiam, inde in Estotilandiam venissent, Norumbegnam hanc potuerint adire: nam secundum litus incedere non potuerunt, quod propter crebros sinus & freta longe lateque in continentem penetrantia iter terrâ non admittit. Præterquam quod ij, qui superioribus annis conati sunt in illa Americæ parte fretum aliquod peruium ad Sinam reperire, tam graphice nobis illius regionis faciem inde ab Insula, quam Terram novam vocant, descripserunt, ut nemo facile in animum possit inducere Norvvagos illos per illas regiones iter habuisse. Ita ut quod Vir Clariss. hîc dicit post Estotilandiam, Norumbegnam primum insedissee, minime fidem mereatur. Deinde iidem Mexicani qui se à Septentrione venisse dicunt, prouinciam illam quam hodie incolunt, non vacuam, sed ab aliis populis, puta Chichimecis inhabitatam inuenisse fatentur, atque etiam ab aliis barbaris, cum quibus diu ambiguo Marte bella gesserunt: quos omnes, si & è Norvvagia accersas, diu ante immigrasse oportuit. Non autem tantum ibi, incolas inuenerunt, sed & in vltioribus prouinciis ad Isthmum vsque Panamensem; licet suum imperium eousque non extenderunt. Chichimecæ autem illi



qui ante Mexicanorum aduentum in illis partibus egerunt, & adhuc in vicinis agunt, valde barbari & feri fuerunt, solo venatu vitam tolerantes, sine vllis politicis institutis, sine religione aut vllis cæremoniis, præterquam quod feram primum captam Soli immolarent; de cæteris alibi diximus ex fide authorum. Chichimecas autem primum in partes illas circa Mexico venisse tradit Gomara anno à Christo nato 10cxxi. Mexicanorum autem Annales memoriam Regum suorum tantum conseruarunt ab anno c I o c c c x x i i. Sed de Mexicanorum rebus abunde à nobis dictum in lib. 5. Descriptionis nostræ. Porro nouæ Hispaniæ incolæ infinita pene idiomatum varietate inter se discrepant, quæ non tantum dialectis variant, sed plane diuersæ sunt linguæ: nam & Otomies, & Mechua-cani, (quos Hispani hodie vocant Tarascos) & plurimi alij suas proprias linguas habuerunt. Inter vniuersas autem excellabat Mexicana, quæ & vicinis nationibus, etiam remotis, postquam Mexicani, imperij sui fines longe lateque produxerunt, communis esse cœpit, quemadmodum in Europa olim latina, & in Asia græca: ita vt in singulis prouinciis interpretes illius haberentur, quos *Nagvatlatas* vocabant. Quis autem credat gentes illas omnes, si quidem è Norvvagia originem duxissent



intra septingentos annos, ita potuisse matricis linguae obliuisci ut nullae reliquiae aut vestigia illius in illis potuerint deprehendi: quum contrarium plane in Europaeis linguis videamus, quae licet multum mutatae sint, tamen adhuc vestigia quamplurima originis suae seruant? Aut quis possit rationem reddere, qua factum sit, ut ex vna lingua, tam multae & pene innumerae, non solum vocabulis rerum, sed & construendi modo diuersissimae, propagarentur intra tam breue temporis spatium?

H. GROTIUS.

**E**T *versus Californiam est populus linguae eiusdem & institutorum cum Mexicano: & populus Alauardi, id est Longobardi.*

ANNOTATIO.

**Q**Vis sit ille populus eiusdem linguae cum Mexicano ignoro, nec satis capio quem Clariss. Vir designet; nisi forte intelligit illum qui in Noua Mexicana degit. Sed & in hac prouincia quam plurimi populi degunt lingua & moribus discreti: de quibus in descriptione nostra diximus. Apud nullum autem authorem Hispanum inueni, hic populum vllum esse eiusdem linguae cum Mexicanis. Qui porro sint illi



Alauardi, aut quomodo hoc nomen conueniat cum Longobardis, à Clariss. Viro explicatum oportuit: multa sunt nomina barbarorum quæ pari licentia in Europæa possent conuerti, sed mihi eiusmodi licentia non placet. Suspikor autem Clariss. Virum pro Aluarado substituisse Alauardos, quia non memini me Alauardos apud Hispanos authores inuenisse: verum iste Aluaradus Hispanus fuit qui multas prouincias in America peragrauit, vnde & loca quædam & flumina hodièque nomen eius seruant.

## H. GROTIUS.

**H**ispani nouam Mexicam vocant, cum vere hac sit vetus Mexica, vnde in alteram ventum est ante annos, ut ajunt, octingentos.

## ANNOTATIO.

**V**Nica ratio, propter quam Hispani crediderunt, Mexicanos ex illa quam vocant Nouam Mexicanam, in Nouam Hispaniam venisse, fuit, quia ibidem inuenerunt ædificia grandia qualia non alibi reperiuntur. Porro ratio temporum apud authores rerum Mexicanarum vacillat, neque satis constat quo anno Mexicani ad lacum, aut in illas prouincias venerint, quas tenebant, quum Hispani illos oppresserunt. Si autem



verum est, ante 800. annos venisse, vt hic asseritur, quomodo è Norvvagia per Islandiam eodem pene tempore migrare potuerunt, & tanta cum multitudine in has tam longinquas regiones permeare, quo Norvvagi primum in Islandiam venerūt? Id nos doceat necesse est Clariss. Vir, si assensum coniecturæ suæ velit impetrare. Nam non esse supra octingentos annos à prima migratione in Islandiam iam supra diximus. Sed posito vno absurdo, sequuntur plura.

H. G R O T I V S.

**A**ccedunt vocabula quæ multa apud illos fuisse Germanica, id est Norvagicæ, indicio sunt pauca quæ casu ad nostram notitiam peruenere. Tent Deus Germanie, sic & illis populis: Pagod Bygod Deus minor, imaginarius: Guaira vuayer flabellum. Top-hos capitis tegmen: Lame Lam agnus. Loca ad-sita torrentibus desinunt in Peke pro Beke quod est torrens Germanis. Plura haud dubie reperient qui in ista volent inquirere.

A N N O T A T I O.

**E**Sto sane vocabula rerum congruentia magnum indicium originis dare: (quam in omnib. linguis multa reperiri communia vocabula notum sit, licet gentes quæ illis vtuntur, non sint vnius originis; & sæpe casu illud fiat, interdum & alias ob causas)



non satis est, paucula vocabula siue integra, siue paululum, secundum varias dialectos, detorta reperiri, sed oportet ipsum linguæ aut dialecti genium, pronuntiandi rationem, constructionis modum, & imprimis nomina earum rerû quæ domesticæ & maxime communes illi genti sunt, attendere, nam aliàs non difficile est in omnibus linguis reperite vocabula, conuenientia aliquo modo cum aliis linguis: & multi iam Viri eruditi id in nostra quoque lingua obseruarunt; & Clariss. vir Goropius Becanus magna volumina de ea re scripsit: vti & Schrieckius vnum: quos si audias, omnium linguarum originem trahere procliue est à nostra, aut Cimmerica: atque porro secundum Clariss. viri argumentum omnes nationes fere eisdem originem generis sui debebunt. Porro quæ hîc vocabula exempli causâ producuntur, & paucissima sunt, & nihil facilius est quam dicere, *Plura hand dubie reperient qui in ista volent inquirere.* Ego quum illud argumentum in animo haberem, & vocabula è gentium Americanarum linguis obuia studiose attenderem, nō potui originis Germanicæ (nisi forte paucissima) vestigia deprehendere. Quum autem Clariss. vir asserat multa apud illos vocabula fuisse Germanica, debuisset saltem aliquanto plura annotare, neque nos ad difficilem, prolixam atque incertam indagi-



nem mittere. *Apud illos*, Mexicanos opinor intelligit, nisi forte omnes qui Septentrionalem Americam incolunt: parum interest, si omnes originis sunt Norvvagicæ. Dico porro, ne vnum quidem eorum vocabulorum quæ hic producuntur, ad Mexicanos pertinere, ne ad alias quidem eius Continentis nationes, nisi forte vnum de quod dicam suo ordine. *Tent* pro Deo nõ agnoscunt Mexicani, qui licet plures Deos colerent, nullũ commune nomen pro Deo usurparunt: vnde necesse fuit Hispanis suum *Dios* ipsis suggerere. Sic dicunt *Ma Dios motlan moyetzte*, Deus sit tecum. (Mexicani quidem primum Regem habuerunt *Teuch*, sed illum pro Deo cultum non inuenio.) Neque alios eius Continētis populos vocabulũ *Tent* pro Deo usurpare hætenus obseruavi. Sed grauior apud me est auctoritas Iosephi de Acosta: qui lib.v.c.3. Aunque, inquit, es cosa que mucho me ha marauillado, que con tener esta noticia que digo, no tuuiesseñ vocabulo proprio para nombrar à Dios. Porque si quremos in lengua de Indios hallar vocablo que respõde à este, Dios, come responde en Latin Deus, y en Griego Theos, y en Hebræo El, y en Arabige, Alà, no se halla en la lengua del Cuzco, ni en la lengua de Mexico: por donde los que predicán, o escriuen para Indios, vsan el mismo nostro Espanol, Dios, &c. Licet  
multum



multum mirer, quum habeant eam notitiam quam dixi, non habuisse vocabulum proprium ad Deum nominandum; quare si quæramus in Indorum linguis vocabulum quod Dios respondeat, vt in Latino Deus, in Græco θεός, in Hebræo El, in Arabico Alá; non reperiemus in lingua Cusensi, neque Mexicana, &c. Nec *Pagod* in vniuersa America notum, populorum qui inter Indum & Gangem & vicinis regionibus habitant id proprium est. *Guayra* Peruanorum proprium est, (quanquam dubito Hispanicum esse) *El que es metal rico se beneficia por fundicion en aquellos hornillos, que llaman Guayras*, inquit Acosta libro quarto, capite nono. Est ergo furnillus, non flabrum. *Llame* quoque Peruanorum vocabulum est, non autem significat ouem aut agnum: nam neque ibi neque in tota America repertæ fuerunt oues ante Hispanorum aduentum, qui illas traduxerunt. Animal autem quod vocant *Ilama*, diuersi est generis, quod accuratè describitur à Iosepho de Acosta libro 4. cap. 41. Nihil commune habet cum nostro Lam, nisi quod quadrupes sit & lanam gestet sui generis. De *Top-hos* nihil iam occurrit, neque enim memini me illud vocabulum ea significatione apud barbaros illos inuenisse. Lego quidem apud Ciezam quosdam Peruanorum fibulas quibus mantilia sua connecte-



bant appellasse Topes; sed hoc nihil ad capitis tegmen. Nec *Pek* Mexicanis notum pro torrente, quem ipsi vocant *Atlaubili*: multa quidem nomina locorum, montium, fluminum, aliarum rerum ipsis desinunt in *pec* & *peque* seu *peke*, quæ ad torrentis etymon referri non possunt: credo terminationem ipsis esse communem in pluribus vocabulis. Denique habeo vocabularium Mexicanum in ciuitate Mexicana ab Hispanis excusum, & sæpe tentavi an possem aliqua vocabula reperire, quæ vel leuem similitudinem haberent cum aliqua lingua Europæa mihi nota, sed nullum hæcenus potui deprehendere, ne quidem in iis quæ maximam spem possent facere, vt in nominibus partium corporis & similibus. Idem & in aliarum gentium quæ Septentrionalem Americam incolunt, tentavi, sed irritò conatu. Ipse Clariss. Vir id tentet, inueniet enim in descriptione mea plurima annotata variarum gentium vocabula: sed nolim illum vti ea licentia, quam in vocabulo Alauardi vsurpauit. Conclúdo itaque nec apud Mexicanos nec vicinos illorum populos nec vllas nationes (nisi forte pauca) quæ Continente illam incolunt, vocabula reperiri Germanicæ originis, non magis quam Hebraicæ aut Græcæ, aut Latinæ, quæ linguae olim latissime patuerunt: faciat peri-



culum qui volet vel in Canadensibus qui  
 longe viciniore sunt Groenlandiæ, & fa-  
 cebitur me verum dicere. In Groenlandia ad-  
 quam adhuc Islandi & alij Germani inter-  
 lum commeant, fortassis pauca inuenien-  
 tur. Si literas mutare, Syllabas transpo-  
 nere, addere, demere velis, nusquam non  
 inuenies quod ad hanc aut illam similitudi-  
 nem cogas: sed hoc pro indicio originis  
 gentium habere, id vero mihi non pro-  
 batur.

H. GROTIUS.

**N**on leue originis indicium etiam in mo-  
 ribus.

ANNOTATIO.

**N**isi mores in omnibus aut saltem in  
 plerisque & præcipuis congruant, in-  
 dicium hoc omnium leuissimum autumo.  
 Nam multa sunt quæ omnibus gentibus  
 barbaris communia sunt, vtpote ab vlti-  
 ma antiquitate descendencia, qualia plera-  
 que quæ hic exempli causa producuntur.  
 Sed singula videamus & examinemus.

H. GROTIUS.

**I**ndices apud illos XII. ut olim apud Go-  
 thos aliasque gentes Scandia & apud vi-  
 cinos eorum Saxones, unde in Angliam id  
 venit.



## ANNOTATIO.

**N**illos apud gentes illas Americæ Septentrionales, ne quidem eas quæ proxime ab origine absunt, quam Vir Clariss. hic statuit, Iudices inueni, aut vllam ciuilis iudicij formam. Mexicani soli Iudices ordinarios qui lites dirimebant & iustitiam administrabant, habuerunt, eos appellabant *Tequixquinahuacatl*: Sed certus numerus eorum non proditur, neque memini me legisse qui duodecim facerent. Petrus Martyr decad. quinta c. 4. *domus est in maioris plateæ lato campo senatoria ingens. Vbi perpetuò sedent autorati longæui decem aut duodecim viri, ut Iureconsulti de rebus emergentibus indicaturi.* Si Vir Clarissimus nobis ostenderit, duodecim fuisse, magnam inibit gratiam. Sed vereor ne hic laboraturus sit. Et si forte ostenderit, erit quod responderi possit.

H. GROTIUS.

**V**Ita olim in venatu, ut de maioribus suis narrabant Mexicani. Temporum putatio per noctes: infantium recens natorum in amne ablutio: alea fides ad libertatis usque iacturam; quæ omnia moris esse Germanici, ex Tacito & Germanis scriptoribus cognoscas.



## ANNOTATIO.

**V**Ita olim in venatu non solis Germaniæ populis fuit, sed & multis aliis, & maxime Scythis; quare hic nullum indicium est originis, magis Germanicæ, quam Scythicæ, aut alterius gentis. Neque hoc de maioribus suis narrant Mexicani, sed de Chichimecis quos in illis regionibus inuenerant, ipsi cultiores erant & iamdiu sementem faciébant. Temporum putatio per noctes etiam multis populis in Oriente familiaris, quod ab Hebræis venit. Infantium recens natorum in flumine ablutio, haud solis Germanis propria fuit, sed & aliis gentibus usurpata: Mexicanis autem usitatam fuisse non inuenio: quarto demum à natiuitate die obstetrix infantem nudum in aream domicilij iuncis stratam efferebat: in medio vasculum aqua plenum positum erat, in quo illum abluebat. De Alexæ fide non memini me legere; sed & hoc multis & diuersis nationibus familiare.

## H. GROTIUS.

**V**iris singulis uxores singula, exceptis nobilium paucis: quod Germanis tribuit idem Tacitus, ita ut eos hac nota ab aliis barbaris discernat: cum contra apud Scythas



*ab omni aetate usitatum fuerit plures uni viro esse uxores. Mulieribus ut Germanicis una tantum nuptia.*

# ANNOTATIO.

**V**iris singulis, singulae uxores: neque hoc Germanis proprium, licet forte proprium inter alios barbaros, quos propterea Tacitus à ceteris barbaris distinguit; non ab aliis qui à Romanis pro barbaris non habebantur. Mexicanis autem aut ceteris illis gentibus, singulas fuisse uxores, exceptis nobilium paucis, à vero abludivit; siquidem omnibus illis gentibus familiarissima est polygamia, uti & Scythis. Id de novae Franciae incolis tradit Quarterius, qui proximi sunt ab origine Norvvagica: de Cinaloanis Martinus Perez è Societate Iesu, de aliis alij. An Mexicani aliquid peculiare in hoc habuerint, non observavi. Mulieribus quidem una nuptia in quibusdam provinciis, non in omnibus. Legantur scripta eorum qui de illis gentibus sunt commentati, & deprehendentur quamplurima à moribus veterum Germanorum discrepantia, praesertim apud illas quae viciniores sunt Groenlandiae & Islandiae, unde Clarissimus Vir profectus vult.



## H. GROTIUS.

**T**ribunalia in Florida ad experimentum altissimi æstus, qualia Cauchos habuisse Plinius nos docet.

## ANNOTATIO.

**V**trum Floridani tribunalia habeant ad experimentum altissimi æstus, neque affirmaverim neque negaverim. Sed quomodo Cauchi hîc cum Norvvgis componuntur, quorum regio fluctibus non est obnoxia vt Cauchorum; & longo terrarum interuallo distant. Sed quid hæc ad indicium originis faciunt? eiusmodi tribunalia solers hominum genus ad sui conseruationem inuenit vbicumque ab aquarum illuione periculum est: omnes etiam barbarissimi solliciti sunt de vita conseruanda, & facillimum est tumulos egerere æstu superiores, non necesse hoc à Cauchis discere.

## H. GROTIUS.

**A**nimas corporibus superstites ab omnino credidere; quod Lucanus tribuit populis quos Arctos despicit. Corpore infames graniter puniti: habes & hoc apud Tacitum de Germanis: quo & illud Quintiliani pertinet in oratione pro Mariano milite qui Tribunum occiderat; Sanctius apud Ocea-



40 DE ORIG. GENTIVM

num viuitur. Sella singulis & mensæ ad focum : Sororum filij heredes. Corpora fere nuda, nisi qua pudor id vetat, aliæque similia, quæ Tacitus de Germanis prodidit, in iis autem locis de quibus agimus, reperta constat, Germanicam non Scythicam ostendunt originem. Etiam diis mactare homines, Germanicum, unde feritate longius procedente, natus apud quosdam populos mos etiam humana carne vescendi.

ANNOTATIO.

**Q**Uæcumque hic afferuntur, non sunt veteribus Germanis propria, sed etiã aliis nationibus communia, vt nullum ex iis indicium sumi possit Germanicæ potius originis quam alterius cuiuscumque. Et hæc quoque multis nationibus conueniunt, quæ alteram partem Americæ incolunt, qui propterea originis Germanicæ non censentur. Et operæpretium fuisset hæc omnia de Mexicanis aliave natione Septentrionalis Americæ probare, quod difficillimum iudico. Pudicitiam sancte coluisse aut hos aut cæteros, qui mores eorum propius inspexerit, nemo dixerit. Sane corpora fere nuda, nisi qua pudor id vetat, ab Hispanis apud Mexicanos non sunt inuenta, sed potius aliquis cultus etiam in vestibus; nomina quoque vestium propria habent in sua lingua. Incolæ quoque Virginie longis in-



duſiis vtuntur: Floridani pellibus ferarum,  
de iis qui propius ad Arctum degunt, certū  
eſt totum corpus pellibus ferarum tegere:  
ita & de multis aliis probari poſſet. Apud  
quos ſororum filij hæredes ſint, explicare  
oportuiſſet; apud Mexicanos hoc non re-  
peritur, & neſcio an apud vllos illius Con-  
tinentis incolas, præter Hurones, de quibus  
poſtea dicemus. In Peruuia vicinis prouin-  
ciis id obſeruatū docet nos Petrus de Cieza;  
ab aliis contra. Et notat Acoſta de Peruanis.  
Ingarum filios patribus ſucceſſiſſe, è princi-  
pali vxore natos, quæ dicebatur *Coya*, quæ  
ab Inga Ypangui ſoror fuit. Tamen ſi Rex  
haberet Germanum legitimum, ille ſuccede-  
bat ante filium Regis. Eundem ordinem  
obſeruabant & Curacæ & primores Regni.  
Cibum capiendi ratio plurimum apud illos  
variat, vt & apud cæteras gētes, neque hoc  
ſatis certum eſt originis indicium. Nec diis  
inactare homines Germanis propriū; neque  
hoc antiquum apud Mexicanos: feritatē  
illam ipſos docuit dæmon, vt & alias gen-  
tes: nec in America Septentrionali inuenti,  
qui humana carne veſcerentur, niſi admo-  
dum pauci; feritas iſta maxime viguit & ad-  
huc viget in parte Meridionali.

## H. GROTIUS.

**Q**uod autē modo dixi hos citra Iſthmum  
Panama populos fere omnes Norvva-



*gica esse originis non dixi frustra. Nam qui Iucatanem & vicina quadam loca tenent, eos alterius esse originis docet reperta apud eos circumcisio. Multi ob id & quod ex mari servatos se dicerent, Hebraeos esse credidere, ex decem scilicet tribubus in Mediam auctos, inde per Tartariam progressos, in Americam longo illo itinere, de quo agi putant quarto libro qui Esdra dicitur.*

## ANNO TATIO.

**M**Irabar primum cum legerem in diuisione Americæ, quid sibi vellet illud, *ferme omnes*, sed quum ad hanc periodum peruenissem, tum demum causamprehendi: quæ tamen minus necessaria visa ad exceptionem hanc formandam, si cætera bene fuissent probata: nam satis constat, à primis illis inuentoribus harum regionum multa fabulosa aut perperam linguæ ignorantia intellecta, fuisse prodita, inter quæ & illud fuisse potuit, quod scribunt de circumcissione apud Iucatanenses inuenta: & quod se ex mari servatos dicerent. Atque hîc primum obseruo, mihi non probari, Iucatanenses qui longissime ab Isthmo illo absunt & Nouæ Hispaniæ proximi, à communi sorte originis, qualiscumque demum sit, eximi. Sed audiamus quid Authores scribant de hac Iucatanensium circumcissione, & aliis institutis. Petrus Martyr decad. 4.



cap. 1. *Templa frequentant, ad quæ primarij vias ex propriis domibus sternunt lapidibus. Idolorum culturæ indulgent. Sunt, sed non omnes, recutiti. Legibus viuunt & summa fide commerciantur, permutando sine pecuniis. Cruces videntur. Vnde id habeant interrogati per interpretes, dicunt aliqui: transisse virum quendam formosissimum per eos tractus, qui eis id insigne in sui memoriam reliquerit. Alij obuisse lucidiorem sole hominem quendam in eo opificio. Certi nihil habetur.*

Idem cap. 3. de Cuzumel Insulæ incolis: *Sunt recutiti. Idem c. 4. De Insula versus No-uam Hisp. Pueros puellasque diis suis immo-lant. Sunt recutiti. Extant & in huius Colua-canæ (inquit paulo post) lateribus aliæ sitæ sunt Insulæ, in quibus solæ mulieres habitant sine virorum commercio. Putant aliqui. Ama-zonico viuere more. Qui prudentius rempon-derant, cœnobitas esse virgines secessu gau-dentes, uti apud nos, & multis in locis apud veteres, Vestales aut Bonæ Deæ sacra. Certis anni temporibus trajiciunt viri ad eas, non coitus causa, sed moti pietate camp os illis & hortos composituri, quo cultu queant vitam ducere. Atque hæc quidem P. Martyr alio-rum fide, tum vel maxime linguæ illarum gentium ignarorum, & quiduis temere cre-dentium. Franciscus Lopez de Gomara in Historia Indiarum hæc tradit. *Alli se halla-ron cruces de laton, y palo, sobre muertos.**



*De donde arguyen algunos, que muchos Españoles se fueron à esta tierra quando la destruyon de Espanna, hecha per los moros en tiempo del Rey don Rodrigo. Mas no lo creo pues no las ay en las Islas, que nombrado auemos. En alguna de las quales es necessario, y aun forcoso tocar antes de llegar alli, yendo de aca. Dicit ibidem cruces esse inuentas super monumenta mortuorum. Vnde quidam crediderint multos Hispanorum eò fugisse, quum Mauri tempore Roderici Regis Hispaniam destruerent. Sed se illud non credere, quia in Insulis nullæ reperiantur, ad quas necessarium fuerit primum appellere. Antonius de Herrera decad 2. lib. 3. c. 1. dat rationem, vnde cruces primum in has partes venerint. Sed circumcisionis ne verbo quidem meminit. Idem Gomara post dicit: *Retajanse, aunque no todos. Circumcidunt se, licet non omnes. Ibidem. Mas todos ydolatran, sacrificando algunos hombres. Sed omnes idololatræ sunt, immolantes quosdam homines. Idem pene dicit de incolis Insulæ Cozumel. Post hunc etiam alij pene eadem retulerunt. Valde autem credulos fuisse oportet, qui ex hisce in animum induxerint credere, Hebræos esse, ex decem scilicet tribubus in Mediam auctos, &c. nam licet Authores hi dicant quosdam eorum fuisse circumcisos, tamen nemo eorum prodit quibus cæremoniis & per quos cir;**



cumcisionem administrauerint. Nemo autem ignorat quam retinentes semper fuerint suarum caeremoniarum Hebræi, atque etiam linguæ suæ. Vnde mihi persuadeo Hispanos in his deceptos, & Iucatanenses hos non fuisse reuera circumcisos: sed quosdam tales ipsis visos, quia gentes hæ maxime procliues in venerem, fere omnes lue venerea laborant, à qua præputium ipsis arrosus fuerit. Hæc mea coniectura est, credant qui volent, saltem minime verisimile est origine Hebræos fuisse, sed videamus quid Clariss. Vir de his iudicet.

## H. GROTIUS.

**H**æc quamquam ita congesta, multos possunt in assensum trahere, mihi tamen se non probant. Scriptor Esdræ quarti plenus est inanum somniorum, ideoque ab omnibus reiectus. Nec America est quo ille Hebræos iuisse dicit, ipsi non minus illo tempore quam omnibus aliis incognita; sed regnum quod sibi confinxere Iudæi, ultra amnem, ut aiunt, Sabbaticum, ad portas Caspias, unde nullus unquam nuntius, nulla litera peruenire, quod nec vidit quisquam, nec videbit unquam; in hoc tantum repertum à Rabbiniis nugiuendulis, ne promissa de mansuro semper regno in semine Davidis, in Iesu Christo impleta, & adhuc impleri credantur. Neque verum est, in Tartaria fuisse Iudæos. Et quæ quidam



reperisse ibi se putant tribuum Hebraicarum nomina, vetera sunt Scythica: ut Eutalitæ non Nepthtalitæ, & sic cetera quemadmodum Viri eruditi abunde manifestum fecerunt. Iam verò ad Iucatanem & loca vicina quod attinet, qui eò primum venere, circumcisionem ibi repertam tradunt, non etiam ceteros Hebraicæ legis ritus, nec litterarum eam scripturam quæ à multis temporibus penes Hebræos fuit. Circumcisio autem multo latius patet, patuitque semper quam Iudaismus. Et quod ortos se dicerent ab hominibus è mari servatis, non ad Mare Rubrum, sed ad memoriã uniuersalis diluuij, cuius apud omnes gentes reperiuntur vestigia, recte referas. Vide quæ de ea re diximus in Annotatis ad Librum primum pro veritate Religionis Christianæ.

## A N N O T A T I O.

**A** Ssentior sanè his quæ Vir Clariss. obseruat de Hebræis; neque enim verisimile est, si Iudæi huc peruenissent, solam circumcisionem conseruatam fuisse, ceteros Legis ritus omissos. Interea mihi non persuaderetur Circumcisionem hic inuentam fuisse, & credo primos illos Hispanos fuisse deceptos. Quare & cæteri scriptores Hispani, re iam melius comperta, nullam eius faciunt mentionem: etiam hoc de crucibus fabulosum iudicat Ouiedus lib. 17. c. 3. Et Acosta lib. 1. c. 23. diserte negat, circumci-



tionem vsquam apud Americanos inuen-  
tam.

## H. GROTIUS.

**R**Em tetigit Petrus Martyr, cum dixit  
non dubitare se quin ex Æthiopia Ocea-  
no adiacente nonnulli eò delati sint; quod fa-  
cile euenire potuit prouectis nonnihil ab ora  
sua piscatoribus, deinde per ventos illos vehе-  
mentes qui rectà in Americā ferunt, abreptos:  
quale quid euenit nautæ illi à quo Columbus  
noui orbis notitiam accepit: & Indis illis, quos  
delatos ad Sueuorum littora tradit Plinius.

## A N N O T A T I O.

**V**Bi hoc dixerit Petrus Martyr, ignoro,  
neque enim in meo exemplari Parisiis  
anno 1587. excuso illud inuenio. Sed si di-  
xit, non dubitare se quin ex Æthiopia Ocea-  
no adiacente nonnulli eò delati sint; non uti-  
que rem tetigit: nam incolæ Iucatanes non  
sunt Æthiopes, sed colore similes cæteris  
Americanis. Nec facile euenire potuit pro-  
uectis nonnihil ab ora sua piscatoribus, dein-  
de per ventos illos vehementes qui rectà in  
Americam ferunt, abreptos. Nam primo  
inufitatum prorsus est, piscatores quum ad  
piscatum exeunt, tantum com meatum se-  
cum ferrè, ut iis ad tam longam nauigatio-  
nem potuerit sufficere. Aduertat modo  
Clariss. Vir intervallum inter Africæ oram



& Iucatanem, & videbit hoc non modo non facile potuisse euenire, sed omnino impossibile esse. Deinde si ab ora prouecti & à vehementibus illis ventis, qui recta in Americam ferunt, abrepti fuissent; (quod tamen nauigationum gnari non facile admittent, quia magnæ industriæ est ab illa Africæ ora in Altum prouchi) potius in Americam Meridionalem fuissent delati, aut saltem in Canibalum Insulas, quas vitare non poterant antequam in Fretum Mexicanum abriperentur. Duorum ad minimum mensium nauigationem fuisse oportuit ab Africæ ora ad Iucatanem. Qui hoc facile euenire potuisse credit, procliuus credet quod de Iudæis traditur: id enim facilius potuit fieri terrestri itinere licet longiore, quam pisces huc abreptos fuisse à ventis. Dormitasse suspicor Clariss. Virum quum hæc scriberet; nam ista facilia credere in vigilantes non cadit. Nec tale quid euenit nauæ illi à quo Columbus noui orbis notitiam accepit: nam & hoc fabulosum & ab Hispanis qui Italo gloriam inuenti noui orbis inuidebant, temere fictum, vt iam ab aliis obseruatum. Columbus habuit alias rationes quæ illum induxerunt istam nauigationem suscipere, à scientia Geographiæ profectas, vt alibi dixi. Et longè alia est ratio Indorum illorum, de quibus Plinius libro II. c. 67. dicit enim ex India commercii causa nauis



naugantes, tempestatibus abreptos in Germaniam, idque Septentrionali circuitu: longè alia est ratio piscatorum.

## H. GROTIUS.

**C**ircumcidi autem mos vetus *Æthiopum*, ut ante alios testatus est *Herodotus*: cuius rei de causis egimus in dictis iam annotatis. Nec qui *Æthiopum* Christiani facti sunt veterem hunc gentis suæ morem deseruere: ut *Aluarez* & alij nos docent. Ab *Æthiopibus* est pronuntiatio litera quæ in *Hebræo* respondet. Non est autem vetus ista ex *Æthiopia* in illas terras deducta colonia: sed ab annis, ut ipsi dicebant, quingentis.

## ANNOTATIO.

**I**am paulo ante dixit *Clariss. Vir*, nonnullos eo delatos piscatores; nunc dicit ex *Æthiopia* coloniam eo deductam: quod longè aliud est, quam paucos casu potius quam de industria eò fuisse abreptos. Sed iam dixi *Æthiopes* haud fuisse *Iucatanenses*. Addit, non esse illam coloniam veterem, sed ab annis quingentis, & quidem, ut ipsi dicebant. Num ergo meminuerant se ex *Æthiopia* missos in coloniam? non meminime tale quid apud *Hispanos* authores legere.



**A**byssinorum autem eo tempore Imperium ad Oceanum pertingebat. Et Christianos fuisse qui illuc venere Æthiopas, colligimus ex Baptismo; quem administrabant Incatanenses infantibus post annum tertium ut Græci & Asiatici; vocabantque regenerationem: & infantis parentes ad eum piè celebrandum parabant se precibus, ieiunio, castimoniis. Trahit nos eodem celebrata in Incatane unctio in fronte: peccatorum confessio in morbis: honesta sepultura: & certa de promissis pœnisque post hanc vitam persuasio. Neque vero mirum videri debet si alia ad Christianismum pertinentia, lapsu temporū, nullis ibi sacerdotibus, & populo negligente, interciderint: cum idem evenisse videamus in Dioscoride Rubri maris, Insula, quam nunc Sacotoram vocant, ubi de Christianismo, sane vetere, præter Baptismum & signum crucis nihil reliquum repererunt qui ibi post Paulum Venetum fuerunt.

## ANNOTATIO.

**P**osito vno falso multa falsa consequi solent, quod & hîc Clarissimo Viro evenit. Nam ne iam hîc de fide Alvarez aut religione Æthiopum siue Abyssinorum contendamus. Quis præstet Abyssinorum imperium tum aut unquam ad Oceanum At-



lanticum pertigisse; ad Indicum vulgo creditur. Et si detur aliquando & ad Atlanticum pertigisse, non potuerunt soluere piscatores illi ab vlllo loco Africæ, vnde vento secundo ad Iucatanem abriperentur. Illa pars Africæ in qua Abyssini imperium habent, è regione opponitur Americæ meridionali. Si autem colonia fuit missa, vt videri vult Clariss. Vir, Sacerdotes vna missos probabile est. Sin nullos sacerdotes habuerunt, quinam tandem illis circumcisionem aut Baptismum administrarunt; aut etiam vnctionem in fronte; coram quibus peccata confessi fuerint? Hæc omnia gratis dicuntur: nam Iucatanenses non magis Baptismum habuerunt, aut vnctionem in fronte, aut confessionem, quam circumcisionem. Martyr Baptismi aut vnctionis aut confessionis non meminit, neque vllus alius idoneus author quem viderim. Acoſta quidem scribit, Peruanos habuisse genus quoddam confessionis: de quo videndum cap. 25. lib. v. Mexicani autem sacerdotes se vngebant à capite ad calces, vt notat cap. 26. idque tæda, quia diis erat sacra. Conficiebant & bituminis quoddam genus quo infirmos inungebant. Eosdem quoque Mexicanos dicunt habuisse baptismi quoddam genus. Vnde si hæc quoque apud Iucatanenses fuere, à Mexicanis accepisse planum est. Contrà posteriores Scriptores Hispani



vident illos qui aliqua Christianitatis vestigia hîc reperta retulerant. Iucatanēses enim absurdissimi erant Idololatæ, & homines idolis suis immolabant, eodem pene modo quo Mexicani; vt omnino probabile sit ab iis oriundos fuisse. Quid quod & sacerdotes suos illos habuisse liquet. Quam autem vero ab simile vnam aut alteram Cymbam piscatorum ad Iucatanem delatam, omnem Peninsulam in consensum traxisse, & ex piscatoribus sacerdotes factos, Sacramenta administrasse Ethnicis. Franciscus Aluarez scribit Abyssinos circumcidi, qui velint, sine vlla cæremonia: mares baptizari quadragesimo post natiuitatem die, fœmellas sexagesimo, non agnoscere Chrisma aut extremam vñctionem. In eo non conuenit Iucatanēnsibus cum Abyssinis, si baptismum administrarunt infantibus post annum tertium. Sed dicit Vir Clarissimus hunc morem esse Græcis & Asiaticis: quid hoc ad Æthiopas Africanos? Quid multa? Religionem & ritus sensim mutari, & lapsu temporum multa intercidere nimis verum est, neque ita mirum, sed homines à Christianis oriundos intra quingentos annos, ita religionem mutasse vt etiam homines idolis immolarent, merito cuius mirum videri potest: neque hoc in Dioscoride insula obseruatum.



## H. GROTIUS.

**L**ingua autem quod nec plane *Æthiopica*, nec plane *Norvugica* est in illo tractu à Septentrione ad Isthmum *Panamae*, inde euenisse credo, quod primum permixti fuerint diuersæ originis homines: deinde quod ex iis plurimi sine communi imperio vixerint *Cyclopum* more; ut nunc quoque fit in *Florida*: Et ante sexcentos annos in *Mexicana* aliisque regionibus factum est: cui consequens fuit ut singula familia propria sibi finxerint vocabula.

## A N N O T A T I O.

**V**nde hæc permixtio linguarum euenit, non satis liquet, nec pauci pisces ex *Æthiopia* aduenæ hoc efficere potuerunt, ut neutra lingua ibidem agnosci possit. Debuisset autem Clariss. Vir vel vno vocabulo demonstrare, quod hic asserit linguam in illis partibus ex *Æthiopica* & *Norvugica* mixtam fuisse: aut nunc vllum vocabulum vtriusque linguæ adhuc comparere. Nemo autem facile iniuerit numerum linguarum, (non dico dialectorum, nam hoc parum esset,) quæ in illa parte *Americæ* vsurpantur, quum ferme tot sint linguæ diuersæ quot populi: atque ita diuersæ ut nihil commune habeant, neque quid Germanici aut *Norvugici* in illis deprehenda-



tur. Scio aliis multis linguis accidisse vt multum mutarentur quantum ad pronuntiationem & scribendi modum, sed nihilo secus origo prima haud difficulter obseruari potest, maximè in Germanica. Habemus & nobile huius rei exemplum in vicina Britannia; nam quum primi illius Insulæ incolæ ex Britannia Armorica originem duxerint tam longo tempore, vt eius transmigrationis memoria perierit; tamen adhuc hodie Idioma suum pertinaciter seruant Cambri, ab Anglis iam olim in vltimum angulum & montana pulsi: vti & Britones illi quos vocant Brettonantes in Armorica. Siue contra se res habeat, vt volunt Cambri, & Armorici ab Insularibus originem acceperint. In illis linguis, & vel maxime in Mexicana nihil Germanici inuenitur. Inter alia, nomina membrorum humani corporis solent aliquod saltem vestigium suæ originis seruare, apud Mexicanos tantum abluunt à Germanicis aut Norvvagicis, quantum quæ maxime. Caput ipsis dicitur *Tzon-recontli*, capilli *Tzontli*, frons *Ixcuatl*, Lingua *Nenepilli*, & sic de cæteris. Eadem quoque ratio est in numerorum nominibus, & numerandi modo: eadem in temporum mensura & aliis: de quibus dixi in Americæ descriptione, & paulo post dicam. Fiat periculum etiam in aliis nationibus illius partis Americæ, è quarum linguis vocabula ad



nos peruenerunt, & idem iudicium necesse est. Hochelagensibus in Canadensi regione, vt prodidit Quarterius, caput dicitur *Aggonzi*, capilli *Agonifcon*, Lingua *Ofnach*, Frons *Hergeniascon*. Souriquosis, qui his vicini sunt, Caput dicitur *Menongi*, Capilli *Monzabon*, Frons *Tegoeja*, Lingua *Nirnou*. Sankikanis haud longe ab illis distitis, Caput *VVyer*, Capilli *Mitrach*, Frons *Nachkaronck*, Lingua *VVeyeranon*. Quid multa? quot ferme diuersi populi, sunt autem innumeri, tot diuersæ plane linguæ, neque aliter fieri potuit in tanta barbarie: & vt forte concedi posset, aliquos in illa Americæ parte esse Norvvagicæ originis, tamen de Mexicanis & eorum vicinis ne-  
tquam verisimile est: neque sana ratione cuiquam persuaderi posse autumo, intra octingentos aut etiam mille annos, Norvvagos tanto numero in illas partes venire potuisse, à quibus tanta multitudo propagari potuerit, & tam immensa regio impleri. Quod autem addit Vir Clariss. plurimos sine communi imperio vixisse Cyclo-  
pum more: id licet de quibusdam dici possit, tamen neque de Floridanis, neque aliis quam plurimis dici potest; nam apud plerosque aliqua communis imperij forma adhuc hodie manet. Sed defungamur iam Septentrionali Americæ parte.



H. GROTIUS.

**V**enio nunc ad alteram America partem, qua ab Isthmo Panama ad fretum usque Magallanicum excurrit.

ANNOTATIO.

**I**am supra dixi nihil causæ esse cur ad Isthmum Panamæ separatio fiat: & Meridionales omnes alterius originis statuantur: sed sequamur hanc diuisionem, & videamus an Clariss. Vir melius se hîc expediat. Nimis autem breuiter hac parte defungitur: nam hæc pars quoque amplissima est, habitaturq; ab innumeris pene gentibus & populis; qui non minus quam Septentrionales diuersissimis vtuntur linguis, moribus & institutis: præterquam quod mediterranea huius continentis nondum satis sunt cognita. habet autem hæc pars amplissimam basim ad mare Septentrionale, ad fretum Magallanicum desinit in obtusum veluti conum. Ultra quod multæ iacent insulæ angustis fretis diuisæ.

H. GROTIUS.

**E**os qui prope sunt fretum Magallanicum, eodem fuisse corporum habitu, moribus ac lingua, quo illi qui ultra id fretum sedes habent, omnes qui de eo tractu scripsere, consentiunt, quare cisfretanos à transfretanis ortos credi par est: eoque magis quod Peruanis



*semper dixerint in ea orbis parte homines fuisse sui generis extraneos.*

## ANNOTATIO.

**A**B extremis populis hic orditur Vir Clariss. & dicit Cisfretanos à transfretanis ortos: ratio est, omnes qui de eo tractu scripsere, consentiunt, eodem utrosque fuisse corporum habitu, moribus ac lingua. Vt de moribus concedam (sunt enim utrique incultis, feris atque adeo immanibus) de corporum habitu minime consentiunt omnes qui de eo tractu scripsere; uti nec de lingua; quæ & hic diuersa reperitur pro populorum diuersitate. Rationi quod additur, *eoque magis quod Peruani semper dixerint in ea orbis parte homines fuisse sui generis extraneos*; quid sibi velit non capio: id enim & de multis aliis qui illam partem Americæ incolunt, dicere potuerunt, & quidē verissime, sunt enim plurimæ & pene innumerabiles gentes etiam in illo tractu, quæ nihil neque lingua neque moribus cum Peruanis habēt commune, ita ut hoc de solis iis qui Fretum utrimque accolunt, accipi non possit, aut ex eo concludi cisfretanos à transfretanis ortos. Peruuia quoque quamuis longē lateque pateat, tamen à reliquis partibus multum superatur, neque ipsa per se, cum Hispani illam primum adierunt, ab vna gente



fuit habitata: sed fuerunt in illa varij populi, diuersa lingua, diuersis moribus & institutis, quos tamen omnes Peruuia Monarcha sensim sub iugum miserat, & tum seruitute premebat. Vnde factum erat vt quemadmodum multi Nouæ Hispaniæ incolæ communem haberent Mexicanam linguam, præter suam propriam, ita etiam hi Cuscensem linguam vsurparent. Interea non nego è transfreranis partibus Americam hanc Meridionalem incolas accepisse, non solum qua fretum illud attingit, sed etiam longè lateque intra continentem. Obseruatum enim multos populos ab austro ad arctum promouisse; & Toupinambas illos qui iuxta Fluuuium Ianuarij degebant tempore Ioannis Leri, nunc magnam partem iuxta Marannonem inueniri, maximum terrarum spatium emensos.

## H. GROTIUS.

**I**llam autem orbis partem qua trans Fretum est, & qua inde longo tractu partim continuis terris, partim modicis fretis intercurrentibus, sub Noua Guinea nomine, ad usque Giloli, Iana & aliarum Indici Oceani Insularum conspectum se porrigit, Australem dictam, in Tabulis, non aliunde quam ab ipsa Iana aut Gilolo habitatores veteres accepisse, credibile est.



## ANNOTATIO.

**S**uperioribus annis nostrorum & aliorum nauigationibus compertum est, trans fretum Magallanicum plures Insulas esse, modicis fretis intercurrentibus, extra quas est patentissimum mare, & per id aditus ad mare Pacificum, vt vocant: transitus quoque inuentus per fretum Lemairium. Terræ autem illæ quæ fretum hoc ab Arcto ingredientibus sinistræ sunt, an cum noua Guinea contiguæ sint, an modicis intercurrentibus fretis dirimantur, adhuc incompertum est: qui orbis delineationem ad Globū exactam inspexerit, deprehendet maximam esse distantiam, & omnia incerta: ita vt incolas illos Americæ Meridionalis ad fretum Magallanicū, ab Iaua aut Gilolo aliisque maris Indici insulis accersere, coniectura haud satis certa nitatur; ita vt malim iudicium suspendere, quam ferre. Licet videam omnino necesse esse à pluribus partibus accersere, vt tantæ multitudinis propaginem deprehendamus.

H. GROTIUS.

**A**t Peruanorum ingenia multo elegantiora, iustique & magni imperij capacia, aliam testantur originem: quæ, si quid video, non aliunde quam à Sinensibus, paris elegantia, parisque imperij gente.



## ANNOTATIO.

**H**Æciam secunda Helena, quam Clar. Vir in sua Dissertatione commendandam suscepit. Apud Peruanos imperij iusti formam ab Hispanis inuentam haud dubiū est, eosque elegantioris esse ingenij, quam cæteri qui in illa parte Americę degunt. Sed illos cum Sinensibus conferri posse, haud facile admittent qui vtrorumque ingenia & mores accurate inspexerint; nec apud Peruanos industria & artium mechanicarum studia tantopere florere: alia fuit politiæ ratio, alia ædificiorum forma, alia oppidorum structura: nihil quod Sinensium industriam sapit aut velleuiter æmulatur. Deinde si ex Oriente accersendi sint Peruani, plura & in continenti & in Insulis ingenia iusti ac magni imperij capacia, nec inelegantia. Cur autem hic prætereuntur Chilenses; natio non minus industria quam Peruana; & propinquior freto à quo Clariss. Vir orsus est? non enim ij originem suam Peruanis debent.

H. GROTIUS.

**C**onfirmant id reperta ad oram Pacifici maris reliquia nauigiorum Sinensium, ut Hispani tradidere.



## ANNOTATIO.

**O**Ra Pacifici maris in immensum patet, qui ad oram Peruvia, quamvis satis longam, reliquias nauigiorum Sinensium repertas tradiderint, ignoro, nondum aliquem Hispanum idoneæ fidei legi qui hoc traderet. Neque cuiquam verisimile fiet vastum illum Oceanum intuenti, & auram semper aduersam, nauigationemque pariter longissimam & difficillimam: Ita vt facilius recta ex India per mare Atlanticum potuerint venire Sinenses. Sed neque illi tam longinquas nauigationes suscipiunt, vicinas prouincias & Insulas maris Indici adire contenti. Neque naues eorum eiusmodi sunt vt iactationem procellosi maris ad Californiam ferre possint, quas Hispanorum vastæ naues vix tolerant. Notum enim quæ discrimina sæpe adeant quæ à Philippinis ad Acapulcum veniunt. Et cum valido exercitu venisse oportuit Sinenses, vt tam numerosam gentem aut conderent aut subjugarent. Accedit quod apud Peruanos ante Hispanorum aduentum nulla nauigia maiora, veliferaue fuerunt inuenta, aut quicquam armorum quibus Sinenses vtuntur: quum Peruani etiam ferri vsum ferè ignorauerint. Non est autem credibile aduenas è Sina omnem nauigandi artem ita penitus obliuisci potuisse, aut patriæ me-



moriam deponere, vt non illam aliquando, quod longè facilius erat, inuiferent.

H. G R O T I V S.

**N***Ec mirum si multum nauigatu exercitos Sinenses, in terras vno mari diuifas aut quarendi curiositas aut magnus humani generis propagator casus, pertulerit.*

A N N O T A T I O.

**O**Mnino mirum esset Sinenses, terras tam Vasto mari, licet vno, diuifas, aut studio petere aut casu in eas incidere potuisse: de California aut etiam Noua Hispania si hoc diceretur, aliquam fidem posset reperire: de Peruua incredibile est. Primum casu illud non potuit fieri, nam comatus ipsis defecisset, qui non nisi ratione itineris instituti imponi in naues solet: & si distantiam consideres, ventosque aduersos aut alicubi instabiles, non potuit ea nauigatio nisi octo aut nouem mensibus absolui: ipsi vero propinquiores nauigationes suscipiunt. Deinde si studio illam tam longinquam nauigationem suscepissent, omnino necesse fuisset mercium Sinensium reliquias in Peruua reperiri. Nec semel cœptâ postea omisissent. Denique nulla idonea ratio reddi potest, cur non potius Nouam



Hispaniam adiissent, quæ tanto propinquior erat: sed neque inter hanc & Sinam ante Hispanorum tempora ullum fuit commercium: aut quicquam Sinensium mercium ibi repertum.

## H. GROTIUS.

**S**olis cultus apud Peruanos fuit ante Hispanorum aduentum: Idem ab omni ævo præcipuus apud Sinenses: & quomodo Rex Sinensium filium se dicit Solis; sic & Incha Peruanæ imperij Reges se dixere.

## ANNOTATIO.

**S**olis cultus apud multas gentes viguit; Omnibus pene gentilibus is fuit familiaris, ut id non arguat necessariò originem Sinensem, non magis quam Græcam aut Latinam. Peruani ut tradit Acoſta, potissimum colebant *Pachacamac*, id est Creatorem. Huius enim templum erat principale Peruiæ Sanctuarium. Eundem appellabant *Viracocha*, id est creatorem omnium: quidam & *Ticebiracocham* ut Guancæ qui Xauxam incolebant: atque etiam Collæ. Secundo demum loco Solem. Tertio Tonitru, quod vocabant tribus nominibus, *Chuquilla*, *Catuilla* & *Intullapa*. Vni enim dæmoni & pluuias & grandinem & tonitrua attribuebant: Idolis autem suis infantes im-



molabant. Vide plura lib. 5. c. 4. Sinenses autē, si Trigautio credimus, qui diligentissime & oculatus testis de ipsorum religione vel potius superstitione est commentatus, solem præcipue non venerantur, ac ne colunt quidem, sed cœlum & terram, aut etiam (nam in varias sectas sunt diuisi) cœli & terræ Regem: ita ut Peruani in hoc cum Sinen- sibus non conueniant: sicuti nec in cære- moniis & reliquo Solis cultu: quorum ni- hil apud Sinenses reperitur. Sed dices; *quo- modo Rex Sinensium filium se dicit Solis, sic & Incha, Peruuiani Imperij Reges, se dixere.* Quid tum? etiam Mexicani Solem adora- bant; & Cortesium vocabant filium Solis, per excellentiam. Bene autem obseruat Aco- sta, dæmonem eadem arte vsum in seducen- dis Americanis, qua in Græcis & Romanis & aliis gentilibus. Sed cætera videamus.

## H. GROTIUS.

**S**criptura Peruanis non per literas, sed per rerum notas, idque à summo chartæ ad- imum, ut in Sinis.

## ANNOTATIO.

**M**iror quis Clar. Viro hoc persuaserit, aut vnde id hauserit: Peruanis char- tam aut characteres siue rerum notas fuisse; aut



aut Scripturam à summo chartæ ad imum,  
vt Sinis. Certe nihil magis alienum à vero  
dici potuit. Qui nobis rationem tradide-  
runt qua Peruani rerum memoriā con-  
seruabant, nihil tale, sed longè contrarium  
tradunt. Consulere debuisset, aut Iosephū  
de Acosta, aut Incam Garcilassum de la Ve-  
ga, qui natione fuit Peruanus, & quidem  
è familia regnantium, vt ipse profitetur;  
alter autem diu in illis terris vixit, ita vt  
vterque idoneus testis sit eorum quæ in Pe-  
ruuia sunt obseruanda. Nulla ibi charta,  
nullæ rerum notæ vt Sinis, nulla scribendi  
industria. Nemo hoc hætenus prodidit,  
quod quidem sciam, & si quis prodidisset  
fortè, vanitatis & erroris facile conuince-  
retur. Non debebat hoc viro Clarissimo  
excidere, neque par erat coniecturam hanc  
suam de origine Peruanorum tanti facere.  
Authores illi, quos dixi, nobis exactè dede-  
runt rationem qua Peruani rerum gesta-  
rum memoriā conseruabant, quam in de-  
scriptione nostra retulimus. Habuerunt ad-  
hæc cantilenas etiam suas, quibus maiorum  
& imprimis fortium virorum res gestas ce-  
lebrabant: quæ vltimam antiquitatem sa-  
piunt. Prior illa admodum laboriosa ratio  
& multum incerta, nusquam alibi, quod  
quidem sciam, quam in Peruuia fuit inuen-  
ta. Argumentum itaque hoc vt manifestè  
falsum, nihil pro sententia Clariss. Viri fa-



cit: malo autem credere hoc ab aliquo ipsi persuasum, quam ipsum de industria commentum: ita sæpe ab aliis falsi, etiam alios fallimus; & eiusmodi fallaciæ quo maiores authores habent, ita facilius fidem inveniunt. Quare potius quid dicatur, quam quis dicat, est attendendum, quandoque bonus dormitat Homerus. Si Clarissimus Vir id dixisset de Mexicanis, potuisset tolerari, licet eorum pictura & characteres multum differant à Sinensibus, neque à summo chartæ ad imum descendant. Videndus Acosta lib. vi. aliquot prioribus capitibus ubi hanc rem plenissime explicat. Vbi & notat Mexicanos contrario à Sinensibus modo, ab inferiori parte ad superiorem notas suas & characteres collocasse.

## H. GROTIUS.

*S*inensem quoque Mancacapacum fuisse arbitror, qui cum esset admirandi Vir & ingenij & animi, ac comperisset suæ gentis homines trans mare bonas obtinere terras, sed nullo communi imperio Regi, eò se transtulit, dispersos in corpus collegit, principatumque sibi ac posteris suis ad imperij Sinensis instar constituit.



## ANNOTATIO.

**M**Ancocapacum, siue vt aliis dicitur, Mangocapum fuisse Sinensem & aduenisse è Sina postquam iam sui in Peruuia sedes fixerant, non magis verum, quam Peruanos à Sinenfibus ortos. Et mirum vnde id Clarissimo viro persuasum fuerit, nam hæc cum monumentis Peruanorum minime conueniunt; aut cum sana ratione. Si comperit suæ gentis homines trans mare bonas terras obtinere, oportuit utique commercium inter vtramque gētem fuisse, neque enim aliter hoc comperire poterat, nisi ex iis qui in Peruuia terras illas bonas vidissent: Id autem nullo vel probabili indicio patere iam supra diximus. Nec Peruanæ nauigia habuerunt quibus Sineses aduenirent; & Sinenfibus arduum atque difficile erat Peruuiam adire. Qui Regum Peruanorum seriem nobis dederunt, Hunc Regem quidem primum in ordine ponunt: fuerit sane admirandi vir & ingenij & animi: num propterea Sinensem fuisse necesse est? etiam aliæ nationes, licet aliàs barbaræ, produunt interdum viros excellētes; atque hinc esse tyrannorum origo. Nemo antehac aut aduenam dixit, aut suspicatus est. Cœpit autem imperare, & quidem satis angustis limitibus circiter quadringentis annis antequam Hispanorum in Americam: dici-



turque oppidum Cusco condidisse: neque ille imperio suo vsquam mare Pacificum attigit. Est enim id oppidum situm in Mediterraneis, quamlongissimè à mari. Eius posterius imperium sensim auxerunt, vt ex iis constat quæ ab authoribus, ipsorum Peruanorum relatu & fide, sunt tradita. Abnepos illius Capacypanqui primus imperium ad valles mari adjacentes promouit. Credo autem fuisse & alios regulos, qui communi imperio gentes illas regerent, ante hunc Mancacapacum, hunc autem propterea primum nominari quia conditor fuit vrbs dominatrix & primus monarchiam in illis partibus ausus est attentare. Verisimile enim videtur, hîc vt & in noua Hispania & alibi plures regulos fuisse, qui deinde ab vno potentiore fuerunt absorpti, aut aliqua graui occasione superiorem ascuerunt: cuius rei ipsorummet relationes faciunt fidem.

## H. GROTIVS.

**Q**uod verò neque prope fretum Indicum Asiaticorum lingua, neque in Peruano tractu Sinensis lingua, mansit integra, eius rei causas easdem fuisse arbitror, quas de mutatione linguarum cis Isthmum Panama iam modo attuli.



## ANNOTATIO.

**L**inguas lapsu temporis mutari certum est. neq; mirum; causæ notissimæ sunt: sed ita penitus aboleri quadringentorum annorum lapsu potuisse Sinensem inter Peruanos, præsertim quum iisdem rerum notis vterentur, & scriberent, (loquor ex Clarissimi viri hypothese) id vero incredibile est, si elegantia Peruanorum ingenia aduertamus. Clarissimus vir; quasi certo constaret, Indorum Asiaticorum linguam prope fretum esse, licet non integram, & in Peruano tractu Sinensem, reddit rationem unde hoc factum sit. Sed primum probandum fuerat Indorum Asiaticorum linguam prope fretum aliqua vel minima parte esse: & ad eundem modum Sinensem in tractu Peruano. Tum facile daretur nihil esse cur hic integram desideremus magis, quam alibi. Fateor autem mihi nihil admirabilius visum in illis Regionibus, quam tantam multitudinem diuersissimarum linguarum: nam præter Mexicanam, Cuscensem, & Brasiliensem vix aliam vllam reperias quæ vnâ prouinciam excedat: venitque in mentem hostem humani generis, qui inter illas gentes potentissimè dominatur, hanc difficultatem Europæis & Christianis objicere voluisse ne ad salutem conuertere miseros possent. Ex hac autem multiplici lingua-



rum varietate, imprimis autem literarum  
& Scripturæ defectu fit, vt nihil certi de  
harum gentium originibus & migrationi-  
bus cognosci possit.

H. GROTIUS.

**H**æc sunt quæ de Americanarum gen-  
tium origine, partim ex traditione,  
partim ex coniectura colligere potui: quibus  
si quis habeat certiora, fruâr lucro permuta-  
tionis & pro eo lucro reddam gratias.

ANNOTATIO.

**E**X iis quæ dixi, puto satis liquere, Cla-  
rissimum Virum non bene vsum tradi-  
tione, aut coniectura in origine gentium  
Americanarum explicanda. Alios autem  
iam magis verisimilia dixisse. Hoc tantum  
Epilogi loco addam, laudandum esse ipsius  
conatum & gratiam habendam, quod de  
quæstione difficillimæ indaginis suam sen-  
tentiam voluerit aperire. Ego autem ita  
iudico, quum America tam late pateat  
quam noster orbis, & non minus habi-  
tata fuerit, quam aut Europa aut Asia, aut  
Africa, omnino credendum esse non ab  
annis quingentis aut mille primum habita-  
ri cœpisse, sed statim post confusionem lin-  
guarum & dispersionem illam familiarum



etiam in Americam migratum fuisse: nam aliàs non video quomodo idonea ratio reddi possit tantæ ubique per Americam incolarum multitudinis: & infinitarum ferme diuersarum linguarum, & à se inuicem & ab Europæis toto cælo discrepantium. Neque tamen negandum puto, etiam subsequentibus seculis novos aduenas accessisse, siue casu, siue ex instituto in has aut illas partes successerint. Post Christi fidem susceptam id accidisse in animum inducere non possum, quia ne leuissima quidem Christianismi vestigia in hisce partibus, usquam inuenta. Caret autem vt puto, exemplo, nationem aliquam aut populum post sacra Christiana rite accepta, ita ea denuo oblitterasse, vt nihil eius esset reliquum. Quod autem aliquæ prouinciæ aut regiones quæ aliquando Christianos habuere nunc nullos habeant, id factum quia aut locum mutarunt incolæ, aut penitus ab aduenis excisi sunt. Deinde imprimis dispiendum existimo per quas vias intrare potuerint; nam aut terrâ venerunt aut mari, & quidem mari illis primis temporibus aut dudum post, venire non potuisse arguit nauigandi primis illis seculis imperitia; quare terra potissimum venisse credendum, & diligenter inquirendum, diuortium inter Asiam & Americam vtrum vllum sit, aut quantillum sit: itemque in illam connexio-



nem terræ Australis cum noua Guinea. Nam aliis partibus nimis vastum diuortium facit Oceanus vterque. Ad hæc obseruandæ historicorum indicationes, quum de gentium aliquarum migrationibus, seu voluntariis, seu coactis agunt. Coniecturis hîc minime fidendum puto, nisi quæ valde probabiles sunt. Cæterum licet nondum gratias à Clarissimo viro mereri possim ob certiora tradita, tamen spero non ingratum futurum, quod ea quæ certa esse sibi persuaferat, partim incerta, partim falsa ostenderim, neque illum diutius decipi passus sim. Sed vt maiorem gratiam mereri possim, adjiciam & aliarum sententiarum examen; & aliquot obseruationes quæ ducere possint ad pleniorum huius difficillimæ quæstionis solutionem.

*Sententia P. Iosephi de Acosta,  
lib. 1. cap. 16.*

1. Necesse est Americæ incolas in illas regiones venisse, per vnâ harum trium viarum: nam aut venerunt terra aut mari: & si mari, aut casu aut animo deliberato.

2. Si casu, vi tempestatum in illam fuerunt eiectioni aut propulsi: si deliberata voluntate, propositum habuerunt nouas terras inquirendi.



## ANNOTATIO.

**O**Mnino assentior aliam viam ordinariam non dari, neque necesse esse aut miraculum comminisci aut fabulosa sectari; Deus qui orbem incolis impleri voluit, etiam vias illis aperuit, quibus possint aditū ad omnes partes inuenire: nam cum mundum in aridum siue terram, & humidum, id est maria distinxisset: terram hominibus & animalibus inhabitandam dedit, sicut aquas piscibus. Sed non est necesse vnā aliquā viam harum trium eligere, cum omnes tres hīc locum habere possint; nam quod nobis casu fieri videtur, etiam prouidentia diuina ordinatur.

3. Rationes idoneæ reddi possunt Americanos nauigando, sicut hodie, in illas terras aduenisse. Potuit enim tunc fieri quod hodie factum videmus, & quod quotidie adhuc tentatur. Siquidem S. Scriptura refert, Regem Solomonem accepisse à Tyriis & Sidoniis nauas, & gubernatores nauigandi peritos, & ipsorum auxilio nauigationem trium annorum perfecisse.

## ANNOTATIO.

**D**E Regis Salomonis & aliorū veterum nauigationibus paulo post dicemus.

4. Verum, *inquit Acosta*, alterius sum opinionis, neque mihi possum persuadere, pri-



mos incolas in Americam venisse navigatione ordinaria & ex proposito instituta.

5. Neque enim concedo, antiquos eam industriam nauigandi habuisse, quam hodie habemus: non inueni apud illos notitiam magnetis aut vsum illius in nauigando, sine quo impossibile videtur Oceanum penetrare.

6. Plinius enim quum in Historia sua Naturali lib. 36. c. 14. & alibi, commemoret admirandas proprietates Magnetis, nusquam facit mentionem illius quæ vel præcipua est, quod ferrum contactum respicere faciat Arctum. Sicuti neque Aristoteles, neque Theophrastus, neque Dioscorides, neque veterum authorum quisquam.

7. Accedit, quod neque Plinius neque quisquam veterum meminit pixidis nauticæ aut magneticæ huius virtutis. Solummodo notam artem obseruandi sidera inter nauigandum à Phœnicibus esse acceptam.

8. Certum autem est veteres tantum in nauigando obseruasse sidera, notasse orarum ductum, promontoria & terrarum faciem. Vbi horum conspectus se subduxerat, à ventis se agi patiebantur.

#### ANNO TATIO.

**S**cientiam nauigandi multum profecisse posterioribus hisce seculis, neque vsum



Magneticæ pixidis veteribus notum fuisse, in confesso esse existimo, neque tamen propterea omnino incredibile est, veteres, ante usum illius cognitum, Oceanum nauigasse: nam ad siderum conspectum etiam cursus suos direxisse manifestum est, & terras petiisse longe à conspectu remotas, cuius rei fidem facit, quod insulas petierint ducenta, trecenta & plura milliaria à continente remotas; in quo & venti eos ducere potuere, postquam semel compererant ad quam mundi plagam à continente distarent. Et hominum curiositas, cum audacia coniuncta, semper ultra tendit & nihil fere relinquit inausum. Itaque nulla ratio nos vetat credere, veteres ex instituto terras alias, etiâ longius sitas, quam forte opinabantur, nauigando Oceanum petiisse. Neque velim hanc viam omnino nobis adimi. Deinde non est satis validum argumentum, quia veteres illi Græci & Latini ignorarunt usum Magnetis in nauigando, propterea etiam Orientalibus omnibus ignotum fuisse: fatetur enim Acoſta, à Vasco de Gama illius usum fuisse obseruatum, apud Æthiopes ad oram Mozambique habitantes, neque prodi à quibus illum acceperint: quod mihi haud leue indicium videtur, iam à multo tempore Africanos istos usum illum nouisse: atque idem haud improbabiler dici posset de Asiaticis. Videmus enim Asiaticos



vel remotissimos multas artes sciuisse antequam Europæi eas vel leuiter attingerent, vti Typographicam & Tormentariam & similes. Non autem est dubitandum quin experientia & industria posterioribus seculis multum adiecerit, quemadmodum omnes omnino artes ætate proficiunt. Vnde factum, vt etiam obseruatum sit, quibus locis Magnetica linguula recte Arctum designet, quibus autem ad ortum aut occasum declinet; quod superiori seculo debemus. Quod autem ibidem c. 18. P. Iosephus de Acosta ad obiectionem de classe Solomonis respondet, magis rationi consentaneum esse, rum nauigatum fuisse in conspectu terræ & secus oram; eadem facilitate refelli potest, qua asseritur: præsertim cum certum sit veteres illos nauigasse ad Insulas etiam longè à continente remotas, vt ad Fortunatas, ad Hesperidas & alias. Denique veteres non nisi remis nauigasse plane est contra Historiarum omnium fidem, quæ & antennarum & velorum sæpe meminerunt: & semper distinguunt inter veliferas naues & eas quæ remulco trahebantur.

9. Porro primos illos Americæ incolas casu & tempestatibus actos ad illas regiones peruenisse nō est incredibile, licet Oceanus immensum pateat. Eo enim modo nauta, ille qui Columbo præiuit, nouum illum orbem inuenit; atque ad eundem modū etiam alij.



10. Idque non nostro tantum seculo, sed & antiquioribus seculis: siquidem Plin. narrat lib. II. c. 67. in Arabico sinu res gerente C. Cæsare Augusti filio, signa nauium ex Hispaniensibus naufragiis feruntur agnita.

## ANNOTATIO.

**Q**UOD hîc dicitur de nauarcho illo seu gubernatore, qui Columbo præiunxit, id narrat Gomara, & imprimis Mariana, lib. 26. c. 3. *Nauis quadam, inquit, in Africa commercio occupata superioribus annis ventorum violentia abrepta ad ignotas terras & littora appulit. In reditu vectoribus & nauis fame extinctis, Nauarchus cum tribus aut quatuor sociis Maderam insulam, quæ in ditione Lusitanorum erat, tandem tenuit mortuo quam spiranti similior. Agebat forte in ea insula Christophorus Columbus natione Ligur, (nam & uxorem in Lusitania duxerat) ingentis animi vir singulari industria; quod erat præcipuum rei nauticæ imprimis peritus. Excepit is hospitio Nauarchum; qui longinquæ nauigationis laboribus fracto corpore, breui extinctus commentaria quæ de tota nauigatione confecerat, Columbo reliquit. Quæ si vera causa fuit; siue ex Astronomica disciplina, aut à quodam Marco Polo medico Florentino edoctus: statuit quasi rem minime dubiã trans noti orbis terminos, etiam*



*ad occidentem Solem, magna terrarum spatia  
patere, &c. Caute ille, quæ si vera sunt: nam  
nihil certius est quam Columbum ex Geo-  
graphiæ atque Astronomiæ scientia, & glo-  
bi orbe iudicasse, omnino necesse esse Ocea-  
no enauigato in terram incidere: & Hispa-  
nos extranei gloriæ inuidentes hanc fabu-  
lam finxisse, quemadmodum ante nos Rha-  
musius, & Benzo; atque adeo Franciscus  
Ouiedus obseruarunt. Vt mirum sit Aco-  
stam id aut non animaduertisse aut dissimu-  
lasse. De nauibus Hispaniensibus in sinu  
Arabico agnitis par est ratio; neque enim  
verisimile Hispanos tum temporis tam lon-  
ginquas nauigationes suscepisse; sed hæc  
auide arrepta à Castellanis vt Lusitanorum  
gloriæ detererent. Sin autem quis credibile  
hoc putat, multo facilius Hispani in Ameri-  
cam potuerunt peruenire.*

ii. Et adjicit postea; idem Nepos de Se-  
ptentrionali circuitu tradit, Q. Metello Ce-  
leri, C. Afranij in consulatu collegæ, sed  
tum Galliæ Proconsuli, Indos à Rege Sue-  
uorum dono datos, qui ex India commercij  
causa nauigantes, tempestatibus essent in  
Germaniam abrepti.

12. Certe si Plinius verum dicit, non nau-  
gant hodie Lusitani longius quam illis duo-  
bus naufragiis factum, vno ab Hispania ad  
mare Erythræum, altero ab India Orientis  
in Germaniam.



## ANNOTATIO.

**P**Otestne cuiquam verisimile videri quod hîc è Nepote profert Plinius? ingentem & longissimam tempestatem fuisse oportet, quæ Indos illos à mari Indico in Atlanticum & deinceps in Germanicum expulerit. Sed astu quodam ab Acoſta hæc duo naufragia, vt vocat, coniunguntur, vt priore Columbo, altero Lusitanis gloriam tam nobilium & longinquarum nauigationum adimat. Prætermittit enim media quæ magis verisimilia sunt, sed Hispanis non fauent. *Et Hanno*, inquit, *Carthaginis potentia floreſcente, circumuectus à Gadibus ad finem Arabia, nauigationem eam prodidit ſcripto: ſicut ad extera Europe noſcenda miſſus eodem tempore Himilco.* Præterea *Nepos Cornelius* author eſt, *Eudoxum* quendam ſua atate, cum *Lathyrum Regem* fugeret, *Arabico ſinu egreſſum Gades uſque peruectum: multoque ante eum Cælius Antipater, vidiffe ſe, qui nauigaſſet ex Hispania in Æthiopiam commercij gratia.* Quæ ſi ex fide ab illis authoribus narrata fuerunt, Carthaginenſibus, vt à *Sidonii* ortis, ea gloria debetur, quod *Africam ambiuerint nauigando.* Quum autem ſuperiori ſeculo id *Lusitanis* acciderit, vt eadem nauigatione *Indiam petentes Braſi-*



liam casu inuenirent, potuit & primis illis temporibus euenisse vt in Americam abducerentur, qui illam colerent & incolis augetent.

13. Idem author scribit lib. 6. cap. 22. de Taprobane. *Haëtenus à priscis memorata; nobis diligentior notitia Claudij principatus contigit, legatis etiam ex insula aduectis. Id accidit hoc modo. Anny Plocami, qui maris rubri vectigal à fisco redemerat, libertus circa Arabiam nauigans, Aquilonibus raptus præter Carmaniam decimo quinto die Hippuros portum eius inuectus, &c. Taprobane autem hodie dicitur Samatra.*

#### ANNOTATIO.

**T**Aprobanen veterum; esse hodie Samatram, vulgo creditur: quamquam illa quæ Plinius ibidem scribit Samatrem non bene conueniant, Samatra enim maxima sui parte iacet intra Æquatorem & Tropicum Cancræ: non poterant itaque incolæ mirari umbras suas in nostrum cælum cadere Sole existente in Tropico capricorni, aliaque quæ ibi legatos aut narrasse aut miratos commemorat. Sed esto Samatra, hæc nauigatio haud ita mirabilis. Gaspar Varrerius in Commentario suo de Ophyra regione: *Vt à nobis, inquit, in quibusdam nostris Geographicis obseruationibus satis disputatum est, constat eam esse insulam Taprobanam, quæ*  
his



his temporibus eodem ipso pene nomine Scitlam appellatur, quo iam olim, auctore Ptolomeo fuerit nuncupata. Et sic nauigatio ista adhuc minus mirabilis esset.

19. Narrant quoque, vnam Carthaginensium nauem è mari Mauritaniæ à ventis orientalibus eò vsque fuisse abductam, vt in conspectum noui orbis veniret.

## ANNO TATIO.

**Q**ui hoc narrent, non adscribit Acoſta, credo illum innuere locum in Admirandis Auscultationibus, quæ Aristoteli tribuuntur. Vbi ita legimus: *Extra columnas Herculis, aiunt in mari à Carthaginensibus insulam fertilem desertamque inuentam: vt quæ tam siluarum copia quam fluminibus nauigationi idoneis abundet, cum reliquis fructibus floreat vehementer, distans à continente plurimum dierum itinere: in qua cum Carthaginenses quidam ob soli fertilitatem conubia agitare ac habitare cœpissent, ferunt Praesides Carthaginensium, nequis deinceps insulam ingrederetur, pœna capitis interdixisse, incolasque eiecisse, ne coitione (si illic habitare pergerent) facta insula principatum consequerentur, & Carthaginenses ea foelicitatis parte priuarent.* Hæc quidam de Hispaniola acceperunt, verum alij affirmât de aliqua alia Oceani insula accipiendam; neque enim verisimile est Pœnos crebro tam



longinquam nauigationem suscepisse. Alij opinatur Pœnos illos delatos fuisse in Brasi-  
liã, & Barbaros illos esse Punicæ originis.

15. Non est res noua, iis qui aliquam ha-  
bent experientiam maris, interdum currere  
tempestates tam vehementes & duras, abs-  
que vlla remissione. Accidit mihi quum in  
Indiam tenderem, primas ab Hispanis habi-  
tatas terras attingere, decimo quinto die  
postquam à Canariis solueram, & sine du-  
bio adhuc breuior fuisset nauigatio, si vela  
dedissent orientali vento qui perflabat. Ita  
vt mihi valde verisimile videatur, præteri-  
tis temporibus ad Indias venisse homines à  
furore ventorum superatos, sine suo pro-  
posito.

#### ANNOTATIO.

**F**Ateor id omnino verisimile esse, post-  
quam Oceanus extra Europam & Afri-  
cam nauigari cœpit, ita vt hac via etiam in-  
colæ in Americæ continentem & insulas  
venire potuerint. Sed omnes ea via venisse  
mihi non videtur verisimile, vti neque  
Acoftæ.

16. Multa memoria est in Peruuia Gigan-  
tum, qui in illas partes venerint, quorum  
adhuc ossa deformis magnitudinis reperi-  
tur iuxta Mantam & Porto Vieyo; & secū-  
dum proportionem fuerint isti homines  
triplo proceriores quàm hodierni Indi. Aiunt



illos Gigantes venisse per mare, & bellum intulisse indigenis, & superba ædificia struxisse, & monstrant hodièque puteum factum è lapidibus magni pretij. Dicunt præterea illos homines enormia peccata committentes, & potissimum illud contra naturam, ab igne è cælo deciduo cõsumptos & abolitos.

## ANNOTATIO

**G**igantes in hisce terris Americæ fuisse satis probabile videtur: idem enim narrant Tlascaltecæ in noua Hispania de Chichimecis gigantibus. Acosta lib. 7. c. 3. Nemo, inquit, miretur quod dicitur de istis gigantibus, quia etiam hodie inveniuntur ossa humana incredibilis magnitudinis. Quum Mexica agerem anno 1586. inciderunt in eiusmodi gigantem sepultum in nostrorum prædio, quod dicitur Iesus del monte, & ostenderunt nobis molarem, qui superabat pugnum humanum, & eadem proportione ceteros, quem vidi, & miratus sum eius deformem magnitudinem. Quin etiam hodie in variis partibus Americæ produnt homines, qui proceritate multum superant homines nostri orbis. S. Scriptura etiam gigantum meminit in Cananæa. Vnde mihi venit in mentem transmigratio- nem in Americam non diu post dispersionem gentium esse factam, sed mari in Americam venisse, vt Peruani volunt, id neutrquam



verissimile videtur. Nam magis probabile videtur Chichimecas illos contiguitate terrarum in vltiora penetrasse, & conueniunt mores & vitia.

17. Adhæc narrant incolæ Ycæ & Aricæ, consueuisse se olim nauigare ad insulas remotas, & nauigabatur pellibus luporum marinorū inflatis. Ita vt non desint indicia, mare meridionale nauigatum fuisse, antequam Hispani illuc venissent. Et liceat suspicari nouum orbem habitari cœpisse ab hominibus, qui à tempestatibus, & Aquilonibus in eum fuerint abrepti, quemadmodum demum factum est nostris temporibus. Et serio animaduertendum etiam, res naturales maximi momenti, maximam partem, magis casu repertas sine proposito, quam hominum industria aut diligentia: maxima pars herbarum salutarium, lapidum, plantarum, metallorum, vnionum, auri, magnetis, ambari, adamantis & similium rerum: earumque proprietates & facultates vsusque magis innotuerunt per accidentia & casu, quam arte & industria humana, vt appareat laudem & gloriam talium mirabilium, attribuendam esse magis diuinæ prouidentiae Creatoris, quam ingenio hominum. Nam quæ nobis casu videntur fieri, Deus ex proposito ordinat.

18. Concludo itaque, (inquit Acoſta cap



20.) esse probabile opinari, primos incolas in Americam naufragio & tempestate maris actos.

19. Sed offert se hîc difficultas, quæ me valde exercet, nimirum, licet demus, homines per mare venisse ad terras tam remotas, & ab iis nationes multiplicatas, quas videmus; verum de bestiis, quæ nascuntur in nouo orbe multæ & grandes, non video quomodo aggressi fuerint illas in naues imponere, & per mare vehere in Americam. Ratio est, quia cogimur dicere homines Americanos venisse ex Europa aut Asia, ne contradicamus S. Scripturæ, quæ manifestò docet, omnes homines descendere ab Adamo, itaque non potest dari alia origo Americanis. Et quum eadem diuina Scriptura dicat, omnes bestias & animalia terræ periiisse, præter illa quæ in Arca fuerunt conseruata: necessarium quoque, propagationem eorundem animalium deducere ab iis quæ ex Arca prodierunt, in montibus Ararat, vbi illa constitit.

## ANNOTATIO.

**E**ST itaque hæc hypothesis necessaria, quam qui diuinæ Scripturæ credunt, in dubium vocare non possunt; omne genus humanum, omniaque animantia terrestria, denuo in orbe vniuerso propagata fuisse, ab illis hominibus & animalibus quæ



Deus in Arca Noachi voluit superesse dilu-  
uio. Et sane hæc hypothesis indaginem hu-  
ius quæstionis reddit duplo difficiliorem:  
æquā non facile nos expediemus, nisi ter-  
restris via inueniatur aut saltem angusto  
freto dirempta.

20. Quare necessarium est viam reperire  
non minus per quam bestię, quam per  
quam homines è nostro orbe in nouum  
venerint.

21. S. Augustinus tractans hanc quæstio-  
nem, (lib. 16. de Ciuit. Dei, cap. 7.) quomo-  
do in quibusdam insulis reperiantur lupi,  
tigres, & alię ferę, quę hominibus nulli  
vsi sunt; nam elephantes, equos, boues,  
canes & animalia alia quę hominibus ser-  
uiunt, non est difficile credere, industria  
humana esse traducta per mare in nauibus,  
quemadmodum hodie videmus ex oriente  
in Europam, & ex Europa in Peruiam tam  
prolixa nauigatione fieri: verum animalia  
quę nulli vsum seruiunt, sed potius damno-  
sa sunt, vt sunt lupi, quomodo venerint in  
insulas, si verum sit, vti est, diluuium totam  
terram obruisse. Tractans hæc quæstionem  
sanctus & doctissimus Vir conatur se expe-  
dire ex hisce angustiis dicendo; eiusmodi  
bestias transisse ad insulas, aut aliquem ve-  
nationis cupiditate traduxisse, aut Dei ordi-  
natione, terrā iussam illa producere, quem-  
admodum in prima creatione Deus dixit:



Producat terra animam viuentem in suo genere, iumenta & animalia reptantia & feras campeſtres ſecundum ſuas ſpecies.

22. Verum ſi applicemus hanc ſolutionem ad noſtrum propoſitum, magis impeditur negotium. Nam incipiendo à poſtremo, non eſt conueniens ordini naturali, neque conforme gubernationi à Deo conſtitutæ, animalia perfectæ, qualia leones, tigres, lupi, producantur è terra ſine generatione. Eo modo producantur ranæ, glires & apes, & alia animalia imperfecta. Sed quare Scriptura ſacra ita particulatim dicit; Accipies de omnibus animalibus & aui-  
bus cæli ſeptem & ſeptem, mares & fœminas, vt generatio earum ſeruetur ſuper terram, ſi mundus poſt diluuium illas habiturus erat per nouum modum productionis extra conjunctionem maris & fœmellæ? & adhuc alia quæſtio ſupereſt, ſi ſecundum hanc opinionem terrâ nata fuerunt eiuf-  
modi animalia, cur non reperiantur in omnibus terris & inſulis? quia iam non conſideratur ordo naturalis multiplicandi, ſed ſola liberalitas Creatoris.

#### ANNOTATIO.

**R**Ecte rejicit hanc ſolutionem, ſed cur ranas aut mures numeret inter animalia imperfecta, non video, quum cer-



tum sit hæc ordinario more & coire & gestare & parere : illas quidem vt pisces ; hos vero vt alia animalia terrestria.

23. Traducta fuisse eiusmodi animalia ad venatum , ( quæ est altera responsio ) non puto incredibile , quia millies videmus Principes & magnates magnificentiæ tantum causa alere in caueis leones , vrsos & alias feras , præsertim quum à longinquis regionibus sunt petitæ. Verum credere de lupis & vulpibus , & de aliis eiusmodi animalibus vilibus & inutilibus , quæque tantum faciunt ad damnum inferendum pecoribus , ad venatum accersita esse per mare , omnino caret ratione. Quis sibi persuadeat , homines navigatione tam longinqua studuisse in Peruiam ducere vulpes , maxime eas quas vocant Annas , genus tam obscœnum & fœtidum quam vnquam viderim ? Quis dicat traduxisse leones & tigrides ? Difficillimum & mirabile fuerit homines in tam prolixo itinere tempestatibus actos , vt diximus , vitam potuisse conseruare , quanto magis vehere vulpes & lupos & illos alere in mari ; ridiculum fuerit illud vel imaginari. Porro si venerint per mare , solum restat vt tranauerint. Id possibile est & facile , quantum ad insulas quæ parum distant ab aliis , aut à continente ; constat enim experientia eiusmodi animantia



dies noctesque integras aliquando in graui necessitate natare, & tandem in terram euadere. Verum hoc intelligendum de minoribus fretis. Nam Oceanus noster rideret eiusmodi natatores, siquidem & auibus maximi volatus deficiunt alæ ad transeundum tantum abyssum. Videntur quidem aues, quæ volant centum leucas, vti sæpe nauigantes conspeximus, sed totum Oceanum volando transire impossibile aut saltem difficile.

29. Hæc cum ita se habeant, quam viam aperiemus bestiis & auibus in Americam? quo pacto transire potuerunt ab vno orbe ad alterum? Hic discursus suggerit mihi grandem coniecturam, opinari nouum orbem quem vocamus Indias, non esse omnino diuisum & diremtum ab altero orbe. Et vt meam opinionem proferam, credo iam diu, vtramque terram alicubi coniungi, aut saltem valde vicinas esse. Haftenus saltem non liquet contrarium.

## ANNOTATIO.

**H**Æc sane via insistenda est ad homines & animalia terrestria in vastam hanc continentem introducendum: de auibus non est quod solliciti simus. Nam vt nauigationibus siue ex instituto siue casu aliquid tribuamus; illis viis tanta hominum multitudo propagari non potuit; neque quadru-



pedum variæ species in illas regiones traduci: neque antiquioribus seculis tam visitare nauigatum fuisse comperimus. A Tyriis & Sidoniis & ab eorum colonis Pænis hæc industria cœpit & successu temporis creuit.

25. Nam versus polum Arcticum, quem vocant Septentriones, non est detecta aut cognita tota longitudo terre, & non desunt multi, qui affirmant supra Floridam terram latissimè patere ad Arctum & pertingere ad mare Scythicum aut etiam ad Germanicum.

#### ANNOTATIO.

**Q**Vo vsque orarum ductus ab Cornu Floridæ cui Cuba obiacet, versus Arctum se portendat, multorum nauigationibus iam satis cognitum est; & superioribus annis, Anglorum imprimis industria & diligentia, patuit Continentem septentrionalem Americæ, illa regione, nullo freto diuisam esse, per quod ad Asiam penetrari possit (quod quærebatur imprimis) sed coniunctas esse terras illas omnes, vtcunque vasti Sinus in illas incurrant, & continentem multis locis magno interuallo separent. Sed hoc simul experientia docuit, illas regiones tanto frigore aduri, tam alta niue fere omnibus anni tempestatibus opprimi, vt non nisi difficillimus ea parte transitus imaginari possit. Ad hæc iam satis exploratum



omnem illam regionem, & imprimis Gronlandiam, quæ proxime ad Europam accedit, satis lato freto diuisam esse ab extremo Norvvegiæ, qua latissime ad mare Germanicum patet, promontorio, quod vocant *de Northcaap*, vt omnino coniunctio, magno citra polum Arctoum gyro, apud Cathayam, & extra circulum Arcticum sit quærenda. Atque hæc via mihi semper maxime procliuis, neque difficilis visa, atque adeo compendiosa, si animaduertamus vbi Arca Noæ constiterit, vbi primi illi gentium propagatores habitarent, vnde ad orbem habitatoribus implendum fuerint profecti, quò illos qui orienti Soli obuiam ire in animum induxerant, erat procliue proficisci: nam mediam regionem inter calorem nimium & frigus lectatos omnino probabile est, & aspera quæque, atque horrida vitasse: & quum nauigandi scientia nondum inuenta esset, terrestri itinere processisse, vbi cumque mare alienius latitudinis erat obuium, in latera se diffudisse, vbi breue & angustum, ratibus aut aliis adminiculis quæ necessitas inuenit, industria postea auxit, traiecisse. Ab extremo autem Europæ cornu, quod iam diximus, ad promontorium vsque Bonæ-spei maximus abyssus interest inter Europam atque Africam, & Americam vtramque.

26. Alij suggerunt, fuisse, qui nauigantes



secus has oras retulerint *Bacalaos* (ita vocat terras post Floridam), excurrere pene ad fines ipsius Europæ.

#### ANNOTATIO.

**I**ta est, nam Gronlandia quæ continua est cum reliquis Americæ Septentrionalis prouinciis, ex aduerso respondet promontorio Arctoo Europæ ad extremum limitem Lappiæ vt ante diximus, sed ibidem satis lato interuallo, an alibi propius Asiæ accedat, hoc adhuc quærimus.

27. Porro vltra Promontorium Mendocinum ad mare meridionale non magis scitur quo vsque terra procedat, nisi quod omnes dicant in immensum currere.

#### ANNOTATIO.

**H**æc demum regio est, quam verisimile est cum Asia se coniungere. Promontorium quidem *Mendocinum* (quod notum est, quia venientes à Philippinis id solent velificando adire, & deinceps secus oram cursum versus nouam Hispaniam instituere) adhuc longius abest ad ora Asiæ, & Californiæ continens (nisi forte sit Insula, vt tabulæ quædam Hydrographicæ ostendant) ab illo magis magisque declinat versus Corum & ad illud, non magis famosum, quam incertum, fretum Anian. Si tamen audiamus eos qui inquisitioni eius operam



dederūt, fretum illud quo magis ad Arctum promoueris, eò magis se cogit in angustias; vt maxime credibile sit è regione extremæ Africæ haud admodum latum esse & forte non latius quam Gaditanum fretum aut Magallanicum. Præterea multis exemplis doceri potest, freta successu temporis latiora fieri, æstu vtriusque littora arrodente: ita vt non liceat dicere multa olim ita fuisse vti hodie sunt. Multum vbiq; Oceanus sibi sumit, & nunc altum æquor est vbi quondam terra fuit. Quid multa? omnino mihi persuadeo, hac potissimum parte hominibus & animantibus ad Americam aditum esse factum.

28. Sed conuertamus nos ad polum antarcticon, nemo est qui sciat, vbi desinat terra, quæ iacet vltra fretum Magellanicum. Episcopi Placentiæ nauis enauigato Freto retulit, se semper vidisse terram; idem affirmavit & gubernator Fernandus Lamerus, qui tempestate actus fuerat duos aut tres gradus præter Fretum.

## ANNOTATIO.

**V**eram huius regionis faciem nostrorum nauigationes tandem aperuerūt; Freto ad Austrum obiacent plurimæ insulæ, extra eas patentissimum est mare & versus Austrum & versus Fauonium. Nusquam



terra coniungitur aut angusto freto diuiditur nisi versus orientem & nouā Guineam, quam vocant; in Indico mari etiam plurimæ insulæ obseruatæ, aliæ latioribus, aliæ angustioribus fretis à se inuicem & à continente Asiæ diuisæ. Proximè ad continentem Asiæ accedunt Philippinæ è regione Sinæ. Bornea & Samatra ex aduerso Malaccæ. Madagascar quidem & Africæ proxima est, sed extra eam patentissimum est mare nec satis exploratum. Ita vt nullus aditus hac parte ad Americam pateat nisi per terras illas quæ fretum Lemaire, ingredientibus ab Arcto, ad sinistram sunt.

29. Ita vt non sit ratio in contrarium, aut experientia, quæ destruat coniecturā meam aut opinionem, totam terram coniungi in aliqua parte, aut saltem propius accedere. Si id verum est, quemadmodum mihi videtur: facile est respondere ad dubium tam difficile, quod proposuimus, quomodo primi incolæ in Americam transuerint: respondebitur enim, non tam nauigando per mare, quam ambulando per terram eo transiisse: idque mutando loca pedetentim, ita enim sine cura aut incoluerint iam inuentas terras, aut alias quæsiuerint, atque ita successu temporis impleuerint Americam tot nationes, gentes & linguæ.



## ANNOTATIO.

**O**Mnino necesse est ita credere, & prouidentia Creatoris hoc maxime congruum est, quum vniuersum orbem incolis impleri voluerit, commodam viam reliquisse qua illud perficeretur. Mare nauigare magis ab audacia hominum natum est quam ab instituto Dei, qui terram hominibus dedit, vti piscibus mare: licet nusquam eius prouidentia absit.

30. Adiuvant sententiam hanc quam exposuimus, indicia quæ se offerunt iis qui attente aduerterint quomodo India habitentur. Nam vbicumque reperitur insula paulo remotior à continente aut aliis insulis, qualis Bermuda, omnino sine incolis reperitur. Ad id allegatur, quod in nulla parte Americæ repertæ fuerint naues grandes, quales requiruntur ad trajiciendum patentius mare. Reperiuntur ibidem rates, piragnæ, Canoæ, quæ omnes minores sunt lembis, quos vocamus chalupas: talibus solis utebantur Americani, cum quibus in altum prouchi non poterant sine manifesto discrimine: & etiam si grandes naues habuissent, ignorabant vsum pixidis magneticæ, astrolabij atque quadrantis. Si octodecim dies fuissent sine conspectu terræ, omnino perire necesse fuisset. Videmus quasdam insulas incolis



Americanis frequentissimas & nauigationes ipsorum vsitatissimas : sed quales dixi, quas perficere poterant minoribus illis cymbis sine pixide nautica.

21. Quum Americani degentes iuxta Tumbez (*vallis est in Peruvia*) primum viderent Hispanos nostros allabentes & conspicerent grandia vela expansa, nauesque grandiores, stabant attoniti : & quum non possent in animum inducere esse naues, quia nunquam eius formæ aut inolis viderant, credebant primo esse rupes extantes in mari : sed cum viderent promouere, neque absorberi, præ metu obstupescabant aliquandiu, donec animaduernerent homines barbatos in illis discurrere, tum vero crediderunt esse dæmones, aut gentem è cœlo delatam. Ex quo satis apparet quam alienum sit ab Americanis habuisse aut naues aut vllam earum cognitionem.

#### ANNOTATIO.

**A**t tendat hæc Vir Clarissimus, qui è Sinis incolas in Peruiam nauibus adducit. Et consideret præterea à Lima & omni pene ora illius Americæ meridionalis, ad insulas Philippinas quæ Sinis obiacent, interuallum esse duarum millium & sexcentarum leucarum, neque nauigationem illam hodie, ventis semper secundis, tantaque nauigandi industria minus quam duobus



duobus mensibus absolui. A Philippinis ad Americam longe aliam rationem esse in-  
eundam, cum venti intra tropicos semper  
sint aduersi, & varij extra tropicum quæ-  
rendi sint, & longissimo gyro oræ obeun-  
dæ. Ad ipsam Peruuia oram pene omnibus  
anni mensibus regnant venti Australes, ita  
vt & à Panama ad Limam longa & difficilis  
sit nauigatio præterquam tribus ad sum-  
mum mensibus.

32. Est & alia ratio quæ confirmat opi-  
nionem iam dictam, animalia nimirum illa  
quæ diximus, non esse credibile nauibus ad-  
uecta ab hominibus, quia reperiuntur qui-  
dem in Continente, non autem in Insulis,  
quæ distant à Continente vel quatruidi na-  
uigatione.

33. Inquisui hanc rem diligentissime,  
quia videbam sententiam meam eâ maxime  
confirmari, Americam, Europam, Asiam,  
Africam alicubi contiguas esse aut saltem  
vicinas. Reperiuntur in America multæ fe-  
ræ, vti leones, licet neque magnitudine ne-  
que ferocia, ne colore quidem cum Africa-  
nis sint comparandi: item tigres, admodum  
fæuæ, licet Americanis magis sint infestæ,  
quam Hispanis: sunt ibidem & vrsi licet  
pauci, Iauales & vulpes pene innumeræ. Si  
hæc animalia quæsiueris in Insulis, Cuba,  
Hispaniola, Iamaica, aut Margarita, Domi-  
nicaue, frustra fueris. Accedit quod ne qui-



dem istæ Insulæ licet amplæ & fertiles, antè Hispanorum aduentum habuerint etiam alia animalia grandia, quæ vsui seruiunt: & iam possident innumerabiles equos, tauros, vaccas, canes, porcos: & tam excessiuo numero, vt vaccæ hodie dominos non habeant, quia in immensum multiplicantur: Hispani tantum coriis eorum commercia exercent, carniū nulla cura. Canes quoque ita multiplicati sunt, vt turmatim vagentur, atque ita feroces sunt facti & sæui, vt pecori maximam cladem inferant, haud minus quam alibi lupi. Non solum autem carent feris, sed & multis auibus. Habent quidem multos Psittacos & alias quasdam auiculas quæ longe volant, verum paucas. Perdices non memini ibi vidisse aut audiuisse ibi reperiri, cum sint in Peruuia: multo minus Peruuia familiaria animalia, Guanacos & vicunnas, caprearum genus celerimum; aut oves illas Indicas, quibus in Peruuia pro iumentis vtuntur: Cum horum omnium in Continente maxima sit copia.

34. Fateor, quendam sociorum nostrorum asserere se in insula quadam vidisse tigres: verum cum quærerem quantum ista distaret à Continente, respondit sex aut octo ad summum leucas: ita vt non sit dubium tranare potuisse.

35. Ex quibus indiciis colligi potest,



incolas in Americam transisse potius terrâ quam mari, aut si vlla nauigatio intercessit, non fuisse longam aut difficilem, cum reuera vnus orbis alteri continuus sit aut saltem aliqua parte vicinus.

## ANNOTATIO.

**H**Æc ergo P. Iosephi Acoſtæ ſententia, quam & maxime probabilem puto, nam cæteræ viæ per mare minus ſufficientes videntur ad tantam Continentem & Inſulas implendum. Refutat deinceps cap. 22. eorum opinionem qui volebant incolas in Americam tranſiſſe, per inſulam illam Atlanticam, de qua Plato in Timæo. Locus Platonis ita ſe habet.

*Scripta enim illa narrant, quantas olim vires veſtra ciuitas compescuerit, eorum hominum qui e mari Atlantico erumpentes, uno impetu vaſtitatem in vniuerſam Europam & Aſiam importabant. Peruium enim tunc erat Atlanticum mare. Inſulam autem in ora maris adituque ad eas anguſtias, quas vos Herculis columnas vocatis, extitiſſe. Illam vero inſulam Libya & Aſia maiorem atque amplio- rem, e qua ad alias inſulas facilis eſſet traiectus: ex inſulis vero illis ad eam quoque continentem, quæ e regione ſita eſt, & in illa quidem mari, quod proprio & peculiari nomine Pontus nuncupatur: nam ad eum locum, intra*



maris illius angustias, apparet portus arcti  
quodam & tenui aditu: ea vero terra quæ  
mare illud quod proprie Πέλαγος voca-  
tur, cingit ambitque, vere Continens ap-  
pellatur.

Posteriora hæc in Græcis ita se habent,  
Ἡ δὲ νῆσος ἅμα Διούης καὶ Ἀσίας μείζων ἐξ ἧς  
ἐπιβατὸν ἐπὶ τὰς ἄλλας νήσους τοῖς τὸτ' ἐνίχτο  
πορθομεύοις. ἐν δὲ τῇ νήσῳ ἐπὶ τῷ καταντικρὺ  
πᾶσαν ἡπείρου, τῷ περὶ τὸν ἀληθινὸν ἐκείνον πόντον.  
τάδε μὲν γὰρ ὅσα ἐντὸς τῆς σόματος οὐ λέγεται,  
φαίνεται λιμὴν γενὸν πρὸς εἰσπλοῦν ἔχον. ἐκεῖνο  
δὲ πέλαγος ὄντως, ἥτε περὶ αὐτὸ γῆ παντε-  
λῶς ἀληθῶς, ὁρᾷται αὐτὸ λέγεται ἡπείρου. Sen-  
sus est mare illud quod extra angustias il-  
las ad columnas Herculis est vere Pontum  
& Pelagus esse, quum illud quod intra est  
potius portus angusto aditu videri possit;  
& vere Continentem dici vniuersam illam  
terram quæ vnde quaque Pontum illum ve-  
rum ambit. Ex quo apparet antiquitus  
creditum, Pontum illum verum, quem ho-  
die Oceanum dicimus, vndique à terra am-  
biri, quæ vere Continens dici debeat.  
Quod conuenit cum sententia Acoſtæ.  
Deinde videri ex his Antiquos aliquam sal-  
tem cognitionem habuisse illius continen-  
tis quæ est vltra Oceanum è directo Europæ  
atque Africæ opposita. Commemorat  
deinde bella quæ Atheniensium maiores  
cum insularis Atlanticæ & aliarum insula-



rum regibus gesserant. Et adiungit denique. Post autem quum terræ motuum & diluuiorum intemperies extitisset, vnius noctis & diei spatio, omne illud bellicorum hominum genus in terram abruptum fuit, illaque etiam Atlantica insula maris fluctibus plane obuoluta omnino disparuit. Vnde & illud mare traiectu difficile est, quum lutum adhuc copiosum ex Insulæ illius reliquiis remanserit. Dixerat ante : τὸτε γὰρ πορῶσιμον ἦν τὸ ἐκεῖ πέλαγος. nunc dicit; ἀπορρον καὶ ἀδιερεύνητον γέγονε. Animaduertendum autem Critiam hæc referre à Solone accepta, narrata autem ab Ægyptio Sacerdote, facta denique ante diluuium illud quod Athenienses tempore Deucalionis & Pyrrhæ factum meminerant. Dicit ergo Ægyptius ille aliam fuisse orbis faciem ante diluuium, quam sit hodie. Nihil itaque hæc narratio, licet vera esset, nos adiuuaret, qui hominum propagationem post diluuium quærimus. Quomodo autem Acoſta opinionem illam refellat, apud ipsum requiratur.

Refellit deinceps illorum opinionem, qui è loco Esdræ libri quarti capite 3. colligebant Americanos originem traxisse à Iudæis. cap. 23. Argumenta eius in contrarium sunt hæc :

1. Hebræi vsi sunt literis, inter Americanos nullum earum vestigium apparet.



2. Hebræi erant cupidi nummorum, Americani illos contemnunt.

3. Iudæi si non circumciderentur, non habebant se pro Iudæis: Americani se non circumcidunt, nec hanc cærimoniam unquam vsurparunt, vti multi in Æthiopia atque Oriente.

4. Iudæi semper studiose conseruarunt linguam & antiquitates suas, in tantum vt hodieque in omnibus partibus, quibus viuunt, ab aliis omnibus differant: quomodo fieri posset vt in sola America, obliti fuerint generis sui, legis, cæremoniarum, Messia & totius Iudaismi?

Prosequitur deinde cap. 24. Quare tam difficile sit primam Americanorum originem probare. Verum, inquit, facilius est refellere quæ falso traduntur de origine Americanorum, quam determinare veritatem. Quia inter illos non reperiuntur scripta, aut certa monumenta primorum fundatorum. Et in libris eorum quibus literæ fuerunt, nullum vestigium noui orbis apparet, siquidem antiquioribus multis neque homines, neque terra, ne quidem cælum videbatur, nisi quod erat in hisce partibus: pro temerario itaque habendus, qui audeat promittere se veram originem Americanorum traditurum. Interea superficialiter & per coniecturam possumus colligere ex iis quæ dicta sunt, genus hominum paulatim commigrasse, do-



nec peruenerit ad nouum orbem, adiuuante continuitate aut vicinitate terrarum: & aliquando nauigatione; & hunc ordinem procedendi fuisse; non autem classe ex instituto parata, neque magno naufragio. Quanquam & horum aliquid ex parte esse potuerit; nā quum regiones istæ amplissimæ sint & innumeræ in illis nationes; credibile est vnos hoc, alios alio modo in illas terras venisse. In eo tamen potissimum acquiesco, continuitate aut vicinitate omnium terrarum factum esse vt America incolas acciperet. Persuadeo autem mihi, non esse multa millia annorum, ex quo America habitari cœpit, & eos qui primi illam sunt ingressi, fuisse potius homines siluestres & venatores, quam è Republica & politos. Et quod intrarint in nouum illum orbem, quia à patria sua aberrauerant, aut quia angustias patiebantur & cogeantur nouas sedes querere: quibus inuentis sensim illas terras colere cœperint, non habentes legem præter paululum lucis naturalis, idque multum obscuratæ; & forte aliquas consuetudines patrias reliquas.

## ANNOTATIO.

**S**I recte mentem Acoſtæ capio, vult haud supra mille aut ad summum duo millia annorum Americam habitari cœpiſſe. A di-



diluvio vniuersali non sunt nisi 3935 anni. In continente autem Americæ & in Insulis illi adiacentibus innumerae pene repertæ fuerunt hominum Myriades. Et licet Hispanorum sæuitia plurimas Myriades deleuerit, (de quo videndus Bartholomæus de las Casas) tamen pleræque Continentis partes adhuc incolis sunt frequentissimæ. Quare magis persuadeor statim post dispersionem posterorum Noachi etiam in hanc orbis partem incolas venisse: adductus inter cætera mirandis illis & vastis ædificiorum molibus, de quibus authores Hispani in Mexicana; sed potissimum in Peruuia faciunt fidem.

Quanquam, inquit Acoſta, non sit incredibile, licet venissent è terris politicis & bene gubernatis, oblitos fuisse omnium tam longo tempore & exiguo vsu: si quidem notum est, etiam in Hispania & Italia reperiri greges quibus præter gestum & figuram nihil humani est reliquum. Ita vt per illum modum infinita barbaries in nouo mundo obtinuerit cap. 25. Intelligere ea quæ ipsi Americani de suis principiis & origine solent narrare, non est magni momenti, siquidem magis somnia videntur, quam historiæ. Communiter viget inter illos grandis notitia & plurimus sermo de diluvio; verum non bene determinari potest, vtrum diluvium de quo loquuntur sit vni-



uersale cuius sancta Scriptura meminit, an aliquod aliud particulare diluuium seu inundatio illarum regionum in quibus ipsi habitabant: præsertim quum quidam viri experientia singulari dicant, ibidem clara signa videri alicuius magnæ inundationis. Magis accedo ad illorum sententiam, qui putant vestigia & signa diluuii, non esse eius quod tempore Noachi accidit, sed alicuius particularis, quale id quod prodit Plato, aut Deucalionis de quo Poetæ.

## ANNO TATIO.

**N**On video cur Americani non potuerint habere aliquam obscuram memoriam diluuii vniuersalis: nam si viris doctis credimus, quæcunque Poetæ & alii Scriptores Græci de diluuiio Deucalionis scripserunt, ea quoque ex obscura notitia illius vniuersalis manarunt, quam ipsi suis fabulis inquinarunt. Quanquam haud ignorem etiam grandes inundationes in variis partibus postea fuisse.

Quomocunque se res habeat, inquit Acoſta, dicunt Americani, illo suo diluuiio omnes homines fuiſſe deletos, narrantque è grandi lacu Titicaca prodiſſe Viracochã, qui ſedem fixerit in Tiaguanaco, vbi adhuc viſuntur ruinæ & rudera antiquorum & mirabilium ædificiorum, atque inde tranſiſſe ad oppidum Cuſco, & ita genus humanum



denuo cœpisse multiplicari. Ostendunt in eodem lacu parvam insulam, in qua Sol se abscondit & seruauit, & propterea antiquitus ipsi ibidem immolabant non modo oues, sed & homines. Alii narrant è quadam specu per fenestram exsiliisse sex aut nescio quot, homines, eosque initium dedisse generi humano, in loco qui ob eam causam ipsis *Pacari Tambo* dicitur. Atque ideo opinantur *Tambos* antiquissimos hominum esse. Hinc aiunt ortum *Mangocapam*, quem authorem & caput Ingarum agnoscunt; & ab eo duas familias ortas. vnā Hanan Cuzco, alteram Vrincuzco, Referunt reges Ingas, quum bellum inferrent & plures prouincias subiugarent, hanc rationem attulisse, omnes gentes illis obsequium debere, quia ex suo genere & patria totus mundus erat restitutus. Et quod ipsis reuelata erat è cœlo vera religio & cultus. Et quid opus plura addere, siquidem omnia scatent mendacio & carent ratione?

#### ANNOTATIO.

**Q** Vanquam hæc fabulis anilibus sint inquinata, ostendunt tamen illos obscuram quandam diluuii cognitionem habuisse; & ne Græci quidem melius de diluuiio sunt commenti. Nam qui sex aut plures è quadam specu prodiisse asserunt,



haud longe abeunt ab historia, nisi quod malè applicant ad suas terras. Idem & à Græcis factum: quare multi credunt Deucalionis diluuium Græciæ peculiare fuisse: in quo eos falli credo.

Homines docti, inquit Acoſta, affirmant & ſcribunt, omnia monumenta & relationes Americanorum, non ascendere ſupra quadringentos annos, ſuperiora eſſe meras tenebras, è quibus nihil certi poteſt erui. Neque mirum hoc videri poteſt: nam cum deſtituantur libris & Scriptura, cuius loco habent ſibi familiares Quipocamayos, multum & difficile eſt, quod quadringentorum annorum rationem poſſunt reddere. Quum diligenter inquirerem in ipſorum originem, & ex ipſis quærerem, è quibus terris & à qua gente, in illam regionem veniſſent, in qua agunt, tantum abſuit vt mihi rationem redderent, vt plane profiterentur, ſe in illo nouo orbe creatos; quod aliter ipſis perſuaſi ex noſtra fide, quæ docet omnes homines ab vno deſcendere. Coniecturæ ſunt admodum claræ, illos diu viſſe ſine Regibus aut Republica iuncta, ſed egiſſe per vicos vt hodie Floridani, & Chiriguanæ & Braſilienſes, aliæque multæ nationes, quæ non parent Regibus, ſed occasione aliqua pacis aut belli, eligunt ſibi duces. Verum ſucceſſu temporis aliqui qui aut viribus, aut induſtria cæteros anteibant,



cœperunt dominari & imperare, vt antiquitus Nembroth: & senſim augmentum accipientes, fundarunt regna Peru & Mexico, quæ noſtri Hiſpani inuenerunt: vtrique autem Peruani & Mexicani licet & ipſi barbari eſſent, præcellebant tamen multum cæteris nationibus.

*Sententia MARCI LESCARTOTI in  
Historia Nouæ Franciæ lib. I. c. III.*

**S**Cio multos poſtquam terræ noui orbis, quas appellamus Indiam Occidentalem, eſſent inuentæ exercuiſſe ſe in inquirendo, per quas vias, hæ terræ incolæ poſt diluuium acceperint; quod eo difficilius eſt, quia ab vno polo ad alterum orbis iſte diſiunctus eſt à noſtro, patentiſſimo mari, ita vt non videantur homines aut potuiſſe aut auſi fuiſſe illud tranſire ante poſteriora hæc ſæcula: ſaltem non extat vlla eius rei mentio in libris & monumentis quæ antiquitas nobis reliquit.

PRIMA OPINIO.

**Q**uidam vſi ſunt quibuſdam prophetiis & reuelationibus è Sacra Scriptura arreptis vt docerent, quidam Hiſpanos, alii Iudæos ad incolendum hunc nouum orbem veniſſe.



## ANNOTATIO.

Citat primò locum Abdiæ, qui in Vet. Translat. ita se habet: *Et transmigratio exercitus huius filiorum Israël omnia loca Chananeorum, vsque ad Sareptam & transmigratio Ierusalem quæ in Bosphoro est, possidebit ciuitates Austri.* Annotant autem Sareptam positum pro Zarphat; & esse Galliam. Et Bosphorum pro Sepharad, id est Hispania. Iosephus de Acosta lib. i. c. 15. Non desunt, inquit, qui affirmant, ante in diuinis literis esse prædictum nouum orbem conuersum iri ad Christum, idque per Hispanos: & citant ad hoc propositum prophetiã Abdiæ sub finem: *Et transmigratio, &c.* Et citat in hunc finem, Guid. Boderianum ex epistol. ad Philippum Catholicum Reg. in Quinto Tom. Sac. Bibl. & Zumarragam in Hispan. Histor. Guido autem Fabritius hoc tantum dicit: Ex vniuersi orbis terrarum nationibus duas tantummodo gentes diuinus Spiritus in Abdię vaticinio commemorauit, quibus potissimum vteretur ad exteras quasque nationes Austri in ordinem sub se redigendas, Gallicam scilicet & Hispanicam, vt ex sequentibus Abdiæ verbis constat: *Et transmigratio exercitus huius filiorum Israël, qui Cananæi sunt (hoc est, humiliati & mercimoniis addicti) vsque in*



T Z A R P H A T H Galliam & transmigrationem Ierusalem, quæ est in S E P H A R A D, Hispania, possidebunt ciuitates Austri. Zamarragam videre non licuit: sed Boderianus nihil de Gentium Americanarum conuersione: quare & Acoſta recte authoritatem huius testimonij rejicit: quamquam concedat haud dubio in S. Scriptura prædictiones reperiri de toto orbe nouo etiam conuertendo ad Christum. Videat totum caput qui volet. De locis è iv. Esdræ iam supra dictum à Clariss. Grotio. Sed D. Lescarbotus hic male confundit conuersionem Americanorum cum prima eorundem origine. Supra autem iam ostendimus non esse vero simile ex Hispania iam ante multa sæcula & antequam Christi fidem fuissent amplexi, incolas in Americam venisse.

#### SECUNDA OPINIO.

**A** Lij, inquit Lescarbotus, opinati sunt progeniem esse Chami eò deductam per Dei punitionem, quum Iosua inciperet intrare in terram Chanaan & possessionem illius capere; S. Scriptura testante, incolas eius ita fuisse attonitos vt animo deficeret: & ita potuit fieri vt maiores Americanorum, ab Israëlitis fugati ascenderint naues, & à tempestatibus acti eiectione fuerint in Americam. Quod confirmari videtur ab eo quid



scriptum est in lib. Sapientiae qui dicitur Salomonis, nimirum Chananæos ante aduentum Israëlitarum in ipsorum prouincias, fuisse Anthropophagos, quemadmodum plurimi sunt in America.

## ANNOTATIO.

**C**itat Sapient. c. 12. v. 4. & 5. vbi dicitur; & liberorum occisores immisericordes & viscera comedentes humanarum carniū. De immolatione quidem liberorum meminit Dei verbum, nusquam autem de esu carniū aut viscerum humanorum: Sed quomodo Chananæi, vt se maxime mari commisissent, potuerunt expelli in Americam? totum mare mediterraneum enauigandum erat, & angustiae inter columnas Herculis superandae, & tum denique Oceanus penetrandus. Id vero nullam habet verisimilitudinem. Si ad oram Atlantici Oceani habitassent, aliquid fidei mereretur hæc coniectura. Nec opus est Anthropophagos è Cananæa accersere, etiam in Æthiopia produntur à Plinio lib. 6. c. 30. item in Scythia lib. 4. c. 12. & in eadem vsque ad promontorium Tabin lib. 6. c. 17. & alibi in eadem lib. 6. c. 2. Facilius autem terrestri itinere è Scythia Anthropophagos in Americam introduxeris; vt hoc etiam non leue indicium sit è Scythia incolas in Americam transuiss-



se, licet iam longius ab origine reperiantur, quod minime mirum si transmigrationes gentium temporum successu factas animadvertamus.

Et ut illos, inquit Lescarbotus, adhuc porro iuueni, adiungo multos Americanorum saltare super ignes, quum dæmones suos inuocant, quemadmodum & Chananaei faciebant.

#### ANNO TATIO.

**S**ed sunt rationes magis probabiles quam hæc; inter quas, non videntur à veritate aberrare, qui dicunt, quosdam nautas, mercatoresque peregrinantes, tempestate aliqua ventorum correptos in mari, cui non poterant resistere fuisse abreptos ad has terras atque ibidem naufragium fecisse; & cum penitus nudi essent & omnium rerum egeni, coacti fuerunt venatu & piscatura vitam tolerare, & se amicire pellibus ferarum captarum: qui aliquo modo repleuerint illas terras (nam fere tantum ora maritima & ripe fluminum habitantur, saltem in illis partibus quæ Galliæ ex aduerso respondent) & licet ante habuissent aliquam Dei cognitionem, ea sensim euanuit, institutorum inopia, quemadmodum & in multis partibus nostri orbis post diluvium factum videmus. Et plurima eiusmodi casu facta  
tam



## AMERICANARVM.

tam ab Oriente, quam Meridie atque Arcto,  
 & intermediis regionibus, potuerunt parti  
 illi occidentali incolas dare. Quæ res non  
 est sine exemplo, etiam familiari & domesti-  
 co. Nam anno 1598. Marchio de la Roche  
 Brito Armoricus, quum in animum indu-  
 xisset colonias in Nouam Franciam dedu-  
 cere, permissu Regis, duxit numerum ho-  
 minum secum, quos ( quia ignorabat adhuc  
 regionum situm. ) exposuit in Insulam *de*  
*Sable*, quæ sita est XX leuc. à promonto-  
 rio Britonum versus Africum: ad latitudi-  
 nem XLIV graduum. Ipse autem profe-  
 ctus est ad inspiciendum vicinas terras &  
 gentium mores & aliquem opportunum  
 portum. inuestigandum. Inde reuertens  
 vento aduerso ita fuit abreptus vt in Gal-  
 liam redire cogeretur: Captusque à Duce  
 de Mercure suos per quinquennium desti-  
 tuit, qui toto eo tempore piscibus vitam  
 tolerarunt & lacte quarumdem vaccarum  
 quæ illò ductæ fuerant tempore Francisci I.  
 Regis, à Barone *de Leri*, &c. qui Vir magni  
 animi eò colonias deducere tentaauerat: sed  
 quum nimis diu in mari oberrasset, coactus  
 fuit vacas, porcos ibidem exponere. Rex  
 demum præcepit suis qui piscatum exhibant  
 ad Terram nouam, relictos illos à Marchio-  
 ne reducere; qui circiter duodecim è nume-  
 ro quadraginta aut quinquaginta supersti-  
 tes reduxerunt in Galliam vestitos pellibus



luporum marinorum. En quo pacto bar-  
baræ illæ gentes potuerint propagari &  
multiplicari. Nam si illi ibidem fuissent  
relictæ cum fœminis, ipsi aut ipsorum po-  
steri sensim similes facti fuissent populis  
Nouæ Franciæ & cognitionem Dei amis-  
sent. Et possem hoc loco exclamare cum  
Apostolo; *O profundas diuitias sapientiæ  
& scientiæ Dei! quam incomprehensibilia sunt  
iudicia eius & inuestigabiles viæ eius! quis  
anim cognouit sensum Domini? aut quis con-  
siliarius eius fuit?* Si quis objiciat contra  
ea quæ iam dixi, id non potuisse fieri, quia  
inuisitatum est fœminas secum ducere in na-  
uigationes. Respondebo, id quidem hodie  
dici posse, sed superioribus seculis rem ali-  
ter se habuisse quibus fœminæ erant fortio-  
res, & audaciæ masculæ: quum hodie deli-  
ciæ vtrumque sexum degenerem fecerint.  
Et tamen adhuc videmus fœminas sequi  
maritos suos in mari. Et vna suffecerit ad  
mundum implendum, quemadmodum vi-  
demus ab vna prima matre totum genus hu-  
manum fluxisse.

Verum, vt redeam ad institutum, habeo  
aliud argumentum, quo doceri potest, eas  
gentes casu ad illas terras venisse, vt dixi-  
mus, & ortas esse ab aliqua gente, quæ in-  
structa fuerit è lege diuina. Id est, cum Pou-  
erincourtius quodam tempore sermones fe-  
ceret cum Capitaneo barbarorum, cui no-



men erat *Chondun*, de nostra fide & religione. respondit ille de diluuiio, se iam à multo tempore audiuisse, antiquitus vixisse homines sceleratos, qui omnes excisi fuerint, & meliores in illorum successisse locum. Et opinio de diluuiio non tantum reperitur in Noua Francia, in qua nos viximus, sed etiam inter Peruuia incolas, qui (vt narrat Iosephus de Acoſta) loquuntur de diluuiio, quod acciderit in suis regionibus, quod omnes homines deleuerit, & è grandi lacu Titicaca prodiisse Viracocham (qui est maximus inter illos Deus, quemque adorant cœlum suspicientes, vt creatorem omnium rerum) & Viracocha iste substitit Tiague-naci, vbi adhuc hodie visuntur ruinæ & reliquiae antiquorum & admirandorum ædificiorum. Inde adiit Cuscum. Ad hunc modum genus humanum denuo cœpit multiplicari.

## ANNOTATIO.

**D**E hac opinione diximus ad sententiam Acoſtæ. Non autem apud hos solum barbaros, qui hîc nominantur, sed apud plures alios inuenta fuit, qualiscumque memoria diluuij vniuersalis, sed secundum ipsorum ingenium tot fabulis inquinata, vt somnium videri posset.



## QUARTA OPINIO.

**N**Olo tamen negare etiam alia via incolis impletam fuisse Americam, nimirum homines multiplicantes super terram & continue se extendentes, ut hic factum videmus, probabile est tandem has maximas regiones attigisse, siue per Orientem, siue per Septentriones, siue per vtrumque. Credo enim omnes partes continentis concatenatas esse aut saltem, si intersit aliquod fretum, ut illud de Anian aut Magellanicum; illud homines facile potuisse transire. Sed potissimum nos suspendit transitus animalium. Sed dici potest facillimum fuisse traducere minora, maiora autem per se possunt freta transnare: quemadmodum verisimile est Alces ex Europa Septentrionali transisse ad Labrador, ad Canadam & prouinciam Souriquosiorum per Arctoam plagam; scimus enim illas non vereri transnare sinus maris, ut compendium itineris faciant. Et legimus in prima nauigatione Iacobi Quarterij Vrsos facillime transnare quatuordecim leucarum mare: cum viderit vnum transnare mare quod est inter continentem & insulam Auium.



## ANNOTATIO.

**H**Æc opinio mihi maximè probatur, licet neque superiorem omnino rejiciendam putem. Et attuli ante rationes quæ persuadent ad hanc viam potissimum insistendam.

## QUINTA OPINIO.

**V**erum quum intelligam barbaros illos per traditionem à maioribus accepisse obscuram aliquam notitiam diluuij, venit in mentem alia coniectura, quæ ab aliis nondum fuit proposita. Nam quid impedit credere Noachum, quum annos trecentos quinquaginta vixerit post diluuium, sollicitum fuisse & operam dedisse ut regiones illæ incolas acciperent vel potius reciperent? Estne credibile illum tam longo tempore nihil magni & memorabilis suscepisse? Qui tantus erat architectus & nauita, ignorabat autem fabricandi aliud nauigiū (nam ipsius constiterat in montibus Ararat, id est in magna Armenia) ut terre desolationi succurreret? Qui habuit cognitionem mille rerum quæ nos ignoramus per traducem scientiarum à primo nostro parète, cuius filios videre potuit, ignorabatne terras illas Occidentales, in quibus forte natus erat? Certè omnino præsumendum est eum qui habuit Dei Spiritum,



& qui per electionem cœlestem restabilire debebat genus humanum, habuisse etiam notitiam, (saltem ex fama) harum regionum; ad quas haud difficilius illi fuit nauigare, quam Italiae incolas dare & venire ab extremo limite maris Mediterranei ad Tiberim & construere suum Ianiculum, si prophanae historiae verum dicunt, & mille rationes suadent illis credere. In quacumque enim orbis parte erat inter suos liberos. Non fuit illi, inquam, difficilius à freto Gaditano nauigare in Nouam Franciam, aut à Promontorio Viridi in Brasiliam, quam filiis illius adire Iauam aut Iapan nomen dare: aut Regi Salomoni navigationes trium annorum instituire: quippe inter eruditissimos nostri seculi sunt & inter eos Franciscus Vatablus qui iudicent illius classem fuisse in Peruuia, vnde tantam auri copiam deduxit & quidem perfectissimum. Quod si (re ita praesupposita) Indi occidentales non conseruarant sacrum depositum cognitionis Dei, & instituta pulchra quae illis potuit relinquere, aduertendum ne nostri quidem orbis incolas melius fecisse. In summa haec coniectura nititur tam bonis, imo melioribus rationibus quam praecedentes. Plato cum huius rei leuis fama ad ipsum peruenisset, de ea differuit ad suorum modum, commemorans grandem illam Insulam Atlantida, quam non videbat, aut vllum qui ex illa venerat suo tempore, gran-



di diluuiο mari fuisse haustam in suo Timæo. Et post ipsum Ælianus in tertio lib. Histor. diuersarum narrat rem pene si-  
miliem, licet ipse fabulam putet: nimirum, se-  
cundum Theopompum, grandem familiarita-  
tem quondam fuisse inter Midam Phryga &  
Silenum. Hic Silenus erat filius cuiusdam  
Nympha. Postquam multa inter se differuis-  
sent, adiecit Silenus, Europam, Asiam & Ly-  
biam esse Insulas Oceano circumfusas, sed  
esse Continentem quandam extra hunc orbem  
infinita magnitudinis qua natriat grandia  
animalia, & homines duplo maiores & lon-  
giores quam nostri sint: ibidem esse magnas  
cinitates, diuersa vite instituta, & leges no-  
stris contrarias. Adiecit hanc terram posside-  
re grandem vim auri & argenti, ita ut inter  
illos populos minoris pretij sit quam apud nos  
ferrum, &c. Qui hæc attentè consideraue-  
rit, deprehendet non esse penitus fabulosa;  
& concludet primis seculis homines habuif-  
se notitiam Americæ, & aliarum terrarum  
& continentium, & prolixitate nauigatio-  
nis deterritos eo proficisci, hanc notitiam  
euanuisse & non nisi obscuram famam re-  
mansisse. Nam Plinius ipse (lib. 2. cap. 16.)  
queritur suo tempore homines fuisse ener-  
uatos, & nauigationem vsque adeo refri-  
guisse, ut non amplius periti nauigandi re-  
perirentur, ita ut oræ terrarum melius co-  
gnoscerentur è scriptis eorū qui numquam



illas viderant, quam è dictis eorum qui illas habitabant. Non amplius, inquit, curæ est quærere nouas terras, neque conseruare notitiam earum quæ iam sunt inuentæ, licet pace tam festa, & mari tam aperto & aperiente portus suos quibusuis. Ita Insulæ fortunatæ (quæ sunt Canariæ) quum proximis diluuiio seculis notissimæ fuissent & frequentatæ, ista notitia periit hominum negligentia, donec nobilis Picardus Vvilhelmus Betancourtius illas denuo detegeret supererori seculo, vt postea dicemus. Postremum argumentum sit eius quod dixi per probabilem coniecturam, superioribus seculis notas fuisse terras Occidentales vltra Oceanum, quod veteres Poëtæ cecinerunt de Hesperidibus, quas collocant ad occasum Solis, id meliori iure accipi posse de India Occidentali quam de Canariis aut Gorgonum insulis. Nam idem Plinius (l. 6. c. 31.) recitat, in re valde obscura, Statium Sebosum quadraginta diebus ab insulis Gorgonum (quæ sunt Promontorij viridis) nauigasse ad Hesperides. Non autem opus est quadraginta diebus, sed tantum septem aut octo, ad nauigandum à Gorgonum Insulis ad Fortunatas (vbi quidam locant Hesperides) cum tantum ducentæ leucæ intersint. Quare concludo Hesperides haud alias esse quam Cubam, Hispaniolam & vicinas alias in Freto Mexicano. Quod at



tinet ad draconem, qui dicebatur custodire aurea poma Hesperidum & nemini aditum patere, veteres voluerunt significare freta quæ serpentino gyro insulas illas interluunt, plures naues perdidisse, ita ut desitum sit ea nauigare. Herculem ibi fuisse, haud alienum fuerit ab eius virtute.

## ANNOTATIO.

**H**Æc opinio quæ Lescarboto tantopere placuit, valde paradoxa est, nititurque rationibus admodum debilibus; neque operæpretium puto quæ de Noacho hinc dicuntur operosè refellere. Cum Mida familiaritatem contrahat necesse est, qui illis frustra credat. De Canariis, Gorgonum insulis & Hesperidibus iam supra diximus ad locum Plinii. Sed hoc addendum Plinium illo loco manifeste distinguere inter Insulas Gorgonum & Hesperidas, itemque inter vtrasque has & Fortunatas. Debuisset autem animaduvertere Lescarbotus, Sebosum prodidisse tantum vnius diei iter ab Hesperidum insulis ad Hesperion Ceras: quod de insulis illis Americanis neutiquam intelligi potest: sed de promontorio Africæ & Insulis Africæ seu Mauritanicæ obiacentibus. Quemadmodum & illud advertere oportuit, quod dicit, Sebosum à Gorgonum insulis prænauigatione Atlantis dierum ii. ad



Hesperidum insulas cursum prodidisse : si autem cursum intendas ab insulis Gorgonum ad Hispaniolam aut Cubam, non Atlas prænauigandus, sed immenso interuallo post tergum relinquendus fuerit. Hîc mera est Hydrographiæ ignorantia. Neque Plinius plures Hesperidum insulas tradit quam duas. Sed mittamus hæc.

*Sententia EDV VARDI BREREVVOODE  
Angli in disquisitione Linguarum  
& Religionum.*

**E**Duvvardus Brerevwoodus Anglus inquirens in diuersitatem linguarum & Religionum, cap. 13. agens de Iudaismo, cum enumerasset regiones in quas dispersus reperitur, ita pergit. Verum, præter has & alias dispersiones nationis Iudaicæ, quæ alibi in Orbe esse possunt, est & quædam phantasia doctorum hominum, haud indigna animaduersione; Tartaros Scythiæ, qui circa annum 1200 aut paulo ante, primum eo nomine innotuerunt, & hodieque magnam partem Asiæ imperio complectuntur, Israelitarum esse progeniem; videlicet decem illarum Tribuum, quæ à Salmana-zare & illius prædecessoribus captivæ abductæ fuerunt in Assyriam (citatur Postell. Descript. Syriæ c. 1. Genebrard. Chron.



lib. 1. Boterum Relat. part. 1. lib. 2. cap. ultima patte de la Tartar. & part. 3. lib. 2. c. de Guidei.) Quæ cum sit, vti dixi, non nisi vana phantasia, nihilominus placuit quibusdam doctis & industriis viris: ratio autem & authoritas producuntur ad confirmandum. Nam primo allegatur vocem Tatari aut Totari (nam ita reuera appellantur, vt viri Eruditi obseruant, & non Tartari, Leunclau. in Pandect. Histor. Turcic.) significat in Syriaca & Hebraica lingua Reliquum aut reliquias, quales Tartari præsupponuntur esse è decem Tribubus. Secundo, quia (vt patroni huius commenti dicunt) semper circumcisionem (antiquum characterem Iudaismi) sunt amplexi. Et tertio, authoritas Esdræ (è quo fonte existimo hanc opinionem emanasse) allegatur, 4. Esd. cap. 13. vers. 40. & seq. *Hæ sunt decem tribus captivæ abductæ è terra sua diebus Hoschebæ Regis, quem captivum abduxit Salmanasar Rex Assyriorum: quæ deportatæ eis flumen postea translata sunt in terram aliam. Ipsi autem ceperunt hoc consilium, vt dereliquerent multitudinem gentium, profecti in ulteriorem regionem ubi numquam humanum genus habitavit, & ibi observarent legitima statuta sua, quæ non observauerant in regione sua. Per introitus autem fluminis Euphratis angustos introierunt (fecit enim eis tunc Altissimus signa, sistens venas fluminis*



*vsque dum transiissent.) Et in eam regionem peruenturis fuit via magna iter anni unius & dimidii: regio autem illa vocatur Harscareth.*

Sed ad primum possum respondere, Tartaros id nomen obtinuisse neque ab Hebraico neque à Syriaco etymo, sed à fluuiio Tartar, inquit Leunclau. in Pandect. Histor. Turcic. §. Boem. de morib. gent. lib. 2. cap. 10. Haitt. lib. de Tartaris cap. 16. Aut etiam à regione, vt ait Haito, in qua præcipui eorum antiquitus habitarunt. Secundo nomen תרתם aut תרתם in Hebr. aut Syr. significans residuum aut reliquias, non nisi male (vti videtur) applicari potest Tartaris in relatione ad Israelitas, quos multitudine supra modum superant, siquidem occupant mediam partem vastæ Continentis Asiæ, aut circiter. Nam nationes omnes à magnis fluminibus *Volga & Obii*, ad ortum & à Caspio mari ad fluuium Oxion, regiones Indiæ & Chinæ versus Septentriones sub nomine Tartarorum comprehenduntur: & tamen etiam extra hos fines multi sunt Tartari tam versus Occidentem quam versus Austrum. Et quid si innumerabiles populi & tam multæ nationes, quas scimus vastam Americæ continentem inhabitare, sint ab eadem origine? Certe, nisi fallor, non sunt ab alia. Nam primo originem illarum accersendam esse ex Asia liquet, quia



(vt ij qui legerint relationes & historias harum Americæ regionum facile obseruabunt) nullum habent gustum aut similitudinem artium, eruditionis, aut ciuilitatis Europæorum: & illorum color testatur non esse illos ex Africanorū progenie (non enim in tam vasta Continente fuerunt reperi vlli Æthiopes, exceptis paucis iuxta fluuium S. Marthæ, in exigua prouincia Quarequa, qui vi tempestatum creduntur eo eiecti ex partib. Guinææ aut Æthiopix.) Quare videntur originem habere ex Asia. Quod adhuc magis credibile apparebit, si obseruetur, quod Hispanorum nauigationibus verum esse constat, Occidentale partem Americæ quæ Asiam respicit, magis frequentem esse incolis, quam opposita aut orientalis est quæ adspicit Europam. Et quemadmodum ob hanc rationē valde verisimile est, Americam primas suas incolas accepisse ab orientali limitæ Asiæ: ita omnino improbabile est, illos accepisse ab alia parte illius limitis, præterquam è Tartaria. Quia in America non obseruatur vlla indicia artium & industriæ aut Chinæ aut Indiæ aut Cataiæ, aut alterius ciuilis regionis, ad omnem oram Asiæ: sed contra in crassa ignorantia literarum & artium, in Idololatria & speciebus illius, in inciuilitate morū, & multis barbaris proprietatibus, referunt antiquos & rudes Tartaros, supra omnes



nationes vniuersi. Quam meam opinionem de origine Americanorum à Tartaris potius quam ab alia vlla natione orarum Asiæ, præter vicinitatem Asiæ cum America, hæc ratio supra alias optime potest confirmare: quia certum est, Aquilonarem partem Asiæ possessam à Tartaris, esse si non continuam cum America, quod adhuc nonnihil dubitatur, saltem sine vlllo dubio, omnium minime discretam esse per mare; quia has partes Asiæ & Americæ aut continuas, aut saltem disiunctas angusto canali Oceani esse, ostendunt rapaces & damnosæ feræ, quibus America abundat, vt Vrsi, Leones, Tigres, Lupi, &c. (quas homines, vt verisimile est, ad suum detrimentum nunquam voluerint traducere ab vna continente in aliam.) Nam ex Noæ arca, quæ substitit in Asia, omnes hæ feræ originem suam duxerint necesse est, siquidem ordine naturali non potuerunt nasci è putrefactione, vt animalia imperfecta. Aut si potuerunt originem habere à putrefactione, aut ortum habere (per nouam aliquam generationem) è terra extra specialem procreationem è sua specie, non video cur necesse fuerit, speciali Dei mandato tam sollicitè in Arca Noæ conseruari (vti fuerunt) tempore diluuij. Quandoquidem itaque certum est, feras illas Americæ, esse progeniem eiusdem speciei in Asia, & homines, vt veri-



simile est, eas non traduxerunt (ad suum detrimentum) ab vna continente ad aliam, magnam habet verisimilitudinem, si non coniungantur, valde vicinas esse, & exiguo interuallo discretas: Nam etiam ad hunc diem, Insulæ Cuba, Iamaica, Hispaniola, Burichena, & cæteræ quæ tantum distant à Continente, vt ad illas transnare non possint, nullæ reperiuntur, vt Hispani affirmant. Quare, (nè longius digrediamur) apparet nationem Tartarorum tam latè sparsam non posse posteritatem esse captiuorum Israëlitarum. Neque (vt secundæ obiectioni respondeamus) ipsorum circumcisio id arguit: nam neque circumcisio apud Tartaros antiquior est Mahumetismo, sed simul cum illo ab ipsis accepta fuit, vt Michouius testatur (de Sarmatia lib. 1. cap. 5.) ita vt ad hunc diem non sit vsitata (quod sciam, aut reperiam in Historiis) nisi iis qui Mahumetismum sunt amplexi, sed pertendunt in veteri sua Idololatria, vt maximam partem faciunt, tam Tartari Cataiæ, vltra montem Imaum versus orientalem Oceanum, quam Tartari Sarmatiæ versus Arctum ad vtramque ripam fluminis *Obij*. Neque si daretur, circumcisionem ante Mahumetismum apud illos viguisse, magni momenti argumentum esset, ad probandam originem Israëliticam. Quia certum est cæremoniam & consuetu-



dinem circumcisionis fuisse hodièque esse  
 vſitatam apud multas nationes quas nemo  
 vnquam ſuſpicatus fuit ab Iſraëlitis deſcē-  
 dere: nam Diodorus Siculus meminit Col-  
 chorum, Philo Iudæus & Strabo lib. 16.  
 Ægyptios, Herodotus vtramque hanc na-  
 tionem, & præterea Æthiopas, circumci-  
 ſionem vſurpaſſe, & conſuetudinem illam  
 inter Ægyptios & Æthiopas valde antiquā  
 videri, quemadmodum adhuc hodie durat  
 apud vtramque hanc nationem. Ad hæc,  
 præter has regiones iam dictas, idem di-  
 citur de Trogloditis à Strabone & aliis. Et  
 de Phœnicibus & Arabibus à Cypriano  
 lib. de Circumciſ. in principio, & Nice-  
 phoro Calliſt. lib. 8. c. 35. Atque (vt omit-  
 tamus hæc humana teſtimonia) haud ob-  
 ſcure agnoſcitur à Propheta Ieremia cap. 9.  
 v. 26. fuiſſe vſitatam (præter Iſraëlitas)  
 Ægyptiis, Edomæis, Ammonitis, Moabitis,  
 & incolis deſerti, id eſt Iſmaëlitis aut Sara-  
 cenis Arabiæ.

☐ (Nam Iſmaëlitas & Saracenos eandem  
 eſſe nationem, manifeſtum eſt ex Hierony-  
 mo in Comm. eius loci, Sozomeno & aliis  
 qui antiquitus dicti Scenitæ) vt Ammia-  
 nus obſeruauit) nimirum à Græcis ἀπὸ τῶν  
 σκηνῶν; quia habitabant in tentoriis; nam  
 hanc fuiſſe rationem ipſorum habitationis,  
 non ſolum affirmatur ab Hieronymo loco  
 iam citato, ſed & haud obſcure innuitur à  
 Dauide



Dauidē Psal. 120. deplorante habitationem suam in tentoriis 𐤀𐤓𐤐 quo nomine Arabia deserta indicatur ab Hebræis, à qua habitatione in deserto ab ipsis Arabibus nominantur Saraceni (nam Sarra significat desertum & Saken inhabitare in lingua Arabica) aut si non à loco, saltem (vt viri docti credunt, Scaliger in Animaduers. ad Euseb. & Fuller. Miscell. Theolog. lib. 2. cap. 12.) ab ipsorum proprietate, quia plurimum viuebant rapinis (id enim apud Arabes notat vocabulum Saracke) quibus supra alias nationes semper fuere & adhuc sunt addicti. Nam deductio etymī à Sara, quasi prætenderent prosapiam ab ipsa, quum reuera sint Hagareni (progenies Hagar, merum figmentum est. Neque ipsi hoc prætendunt) de quibus nationibus Hieronymus, cui hæ regiones bene cognitæ erant (& Epiphanius Panar. lib. 1. hæres. 30. de plerisque) testatum reliquit, illas circumcisionem retinuisse ad sua tempora. Licet autem de quibusdam eorum probabiliter conjici possit eam accepisse ab Israëlitis, si non vt ipsorum progenies (quod tamen quodam modo dici potest de incolis deserti, quum sint posterī Ismaëlis filij Abrahæ: & similiter de Edomitibus progenie Esau filij Isaaci) saltem per imitationem familiæ Abrahæ, cum qua consanguinitate erant coniunctæ, vt Ammonitæ & Moa-



bitæ, posteritas Lothi, patruelis Abrahami, & qui diu eius familiaritate usus fuerat. Quanquam, inquam, conjici possit ab his nationibus circumcisionem usurpatâ, imitatione Israëlitarum: tamen eundem ritum & consuetudinem etiam ab iis ad totam nationem Arabum, (quæ erat populosissima) aut Ægyptiorum, aut alias vicinas provincias, dimanasse, non video quo pacto quis concipiat, aut si id credant, tamen aliter liquet, quia non circumcidebant octauo die, quæ est inuiolabilis consuetudo apud Israëlitas: verum Ægyptij decimo quarto anno, vt Ambrosius meminit lib. 2. de Patriarch. Abrah. c. 12. Et Arabes decimo tertio vt viri docti tradiderunt: (Sard. de Ritibus gent. lib. 1. c. 10.) Quemadmodum & Turcæ, qui ritum circumcisionis ab Arabibus acceperunt, ad hunc diem circumcidunt octauo aut duodecimo, aut decimo quinto anno, citius, tardiusve prout opportunum fuerit. Quomodo ab Israëlitis circumcisio ad has nationes peruenerit, videre non possum; non magis quam de grandi natione Anzichorum (de quibus Pigafett. Regni Cong. lib. 1. c. 5.) ad Occidentalem oram Nili præter Nubiam; aut de incolis Iucatanæ in America (de quibus Martyr dec. 4. c. 1. quorum illi adhuc sunt, & hi) donec Hispanis subicerentur) fuerunt meri idololatæ, nam eorum hi ha-



buerunt, illi adhuc habent circumcisionem in usu.

Pergit deinceps & alia argumenta refutare, & ostendit in quam multis Tartari differant ab Israëlitis, in idololatria, in neglectu legis, Sabbathi, promiscuis connubiis etiam incestis, victu etiam immundo, & aliis. Sed quia hæc non pertinent propriè ad nostrum institutum, remittimus lectores ad ipsum Authorem. Qui & testimonium Esdræ egregie refutat.

Hactenus attulimus & obiter expendimus, trium doctissimorum virorum sententias, Hispani, Galli, Angli; quæ nationes quum & nauigationibus celebres sint, & regiones illas perlustrarint, aut itinera sua suorum habeant quamplurima, optimè de hac quæstione potuerunt iudicare. Quibus si & nostræ obseruationes adiiciantur, poterit aliquod si non certum tamen valde probabile iudicium fieri de gentium Americanarum Origine, quod curiosis Lectoribus relinquimus.



## OBSERVATIONES

*Aliquot quæ nobis hanc difficillimam  
questionem aliquanto faciliorem  
possunt facere.*

**O** Peræpretium me facturum existima-  
ui si hic adjicerem observationes ali-  
quot, è quibus diuersæ viæ aperiuntur,  
per quas homines in Americæ partes venisse  
videri possunt nauigando : nam has vias  
minime negligendas opinor, si quidem ad-  
huc tam obscurum & difficile est terrestri  
itinere in ipsam homines deducere.

Atque hîc primum se offerunt Insulæ,  
quas hodie *Canarias* vocamus, & *Tercera*  
siue *Azores*, & denique quas appellant *de*  
*Cabo verde*. Plinius grauissimus & diligen-  
tissimus auctor (cui debemus plurimorum  
Scriptorum reliquias, quorum opera ho-  
die desiderantur) lib. 4. *Naturalis Histo-*  
*riæ* agens de hisce Insulis, (vti ex situ intel-  
ligimus) cap. 31. & 32. hæc tradit. Polybius  
in extrema Mauritania contra montem At-  
lantem à terra stadio octo abesse prodidit  
Cernem. Nepos Cornelius ex aduerso ma-  
xime Carthaginis à continēte passus mille:  
non ampliorem circuitu duobus millibus.  
Traditur & alia Insula contra montem



Atlantem & ipsa Atlantis appellata. Ab ea quinque dierum nauigatione solitudines ad Æthiopas Hesperios & promontorium, quod vocauimus Hesperion Ceras, Inde primum se circumagente terrarum fronte in occasum ac mare Atlanticum.

*Obscurissima hac sunt & ad rationes geographicas exigi non possunt: supra enim dixerat, à Theôn Ochema ad Hesperion ceras nauigationem esse quatruidui. Opinor autem per Hesperion ceras hic intelligendum promontorium illud quod hodie appellamus Cabo verde. Pergit Plinius.*

Contra hoc Promontorium Gorgades insulæ narrantur, Gorgonum quondam domus, bidui nauigatione distantes à continente, vt tradit Xenophon Lampfacenus. Penetrauit in eas Hanno Pœnorum imperator, prodiditque hirta fœminarum corpora, viros pernecitate euasisse: duarumque Gorgonum cutes argumenti & miraculi gratia in Iunonis templo posuit, spectatas vsque ad Carthaginem captam.

*Venit in mentem Gorgones de quibus hic agit fortassis fuisse cercopithecorum illam speciem, quæ adhuc hodie in Guinea & vicinis quoque regionibus reperitur, quorû unam fœmellam à nostris adnectam vidimus, forma pene humana, ceterum hirtam, neque sermonis gnaram.*



Vltra has etiamnum duæ Hesperides insulæ narrantur. Adeoque omnia circa hæc incerta sunt, vt Stadius Sebosus à Gorgonum insulis præ nauigatione Atlantis dierum xi. ad Hesperidum insulas cursum prodiderit, ab iis ad Hesperion Cerasvnius. Nec Mauritanix insularum certior fama est. Paucos modos constat esse ex aduerso Autololum, à Iuba repertas, in quibus Getulicam purpuram tingere instituerat.

*Autololum gens media fuit inter Salam & Atlantem, vt tradit lib. 5. cap. 1.*

Sunt qui ultra eos Fortunatas esse putant, quasdam alias, quarum numerum idem Sebosus, etiam spatia, complexus, Iunoniam abesse à Gadibus DCC L M. pass. tradit. Ab ea tantumdem ad occasum versus Pluuiariam, Caprariamque: in Pluuiaria non esse aquam nisi ex imbribus. Ab iis CCC L M. pass. Fortunatas, contra læuam Mauritanix VII I M. pass. oram Solis (Clariss. Salmasius corrigit Soliam) vocari in conualle à conuexitate, & Planariam à specie conuallis, circuitu CCC M. pass. Arborum ibi proceritatem ad centum quadraginta quatuor pedes adulescere. Iuba de Fortunatis ita inquisiuit: sub meridiem positas esse prope occasum, à purpurariis DCCXXV. (vel vt alij codices habent DCXXV)



M. pass. Sic ut ccl. supra occasum nauigeretur, deinde per Lxxv M. pass. ortus petatur, (legendū itaque foret suprā ccc xxv M. pass.) Primam vocari Ombrion nullis ædificiorum vestigiis: habere in montibus Stagnum, arbores similes ferulæ, ex quib. aquæ exprimantur, ex nigris amara, ex candidioribus potui iucunda. Alteram insulam Iunoniam appellari, in ea ædiculam esse tantum lapide extructam. Ab ea in vicino, eodem nomine, minorem. Deinde Caprariam lacertis grandibus refertam. In conspectu earum esse Niuariam, quæ hoc nomen accepit à perpetua niue, nebulosam. Proximam ei Canariam vocari, à multitudine canum ingentis magnitudinis: ex quibus perducti Iubæ duo, apparéntque ibi vestigia ædificiorum. Cum autem omnes copia pomorū & auium omnis generis abundant, hanc & palmetis caryotas ferentibus & nuce pinea abundare. Esse copiam & mellis. *Hæc Plinius.* Manifeste patet illos authores quos citat, quosque intercidisse dolendum est, agere de insulis illis quas hodie cōmuni nomine Canarias appellamus, licet vna, quæ maior, per excellentiam Canaria appelletur. Atque hîc obseruandum illos authores vestigia ædificiorum in quibusdam prodere, oportet ergo ante fuisse habitatas; è quo mihi probabile videtur insulares illos aliò profectos, & fortè in Americam,



quæ coniectura probabilis videtur, si insularum situs consideretur, & distantia à Continente Americæ. Ante tamen monendum extra has adhuc esse *Azores* insulas, quarum princeps *Tercera*, extimæ *Corvo* & *Flores*. Ad distantias quod attinet, observat Iosephus de Acosta lib. i. cap. 6. Insulas Canarias, & Azores, & del Cabo verde à fine Europæ & Africæ ora non distare supra trecentas aut quingentas leucas, à Canibalum primis Insulis vix non-gentas. Verum ab extimis Azorum brevior traiectus est ad Insulam *Terram novam* quæ angusto freto à Continente Septentrionalis Americæ dirimitur. Quum autem *Tercera* medio quasi itinere iaceat inter Hispaniam & Americam, non video cur non tam facile è *Tercera* ad Americam, quam ab Hispania ad *Terceram* potuerit nauigari. Atque ita iam multi temporis compendium fecimus, potuit enim ea transmigratio ante annos bis mille fieri, si ætatem illorum Scriptorum ad calculum reuocemus. Et fuere ea tempora in Hispania, ab eo tempore, quo illis cum Pœnis, & deinde etiam cum Romanis res fuit, quæ illis gentibus Hispanicis pene necessitatem imponerent alias sedes quærendi: Pœnorum autem naues ipsis ad hoc opportunæ erant: & Hanno mōstrator itineris & exemplum. Ab insulis



quoque quæ Promontorio viridi obiacent, haud difficulter in Brasiliam trajici posse manifestum est, & fauent huic coniecturæ Autololum mores, cum quibus Brasilienses haud male congruunt. Et fuerunt Autololes illi Gætuli, non Æthiopes: ita vt color quoque Brasiliensium ab illorum colore non abludat.

## SECUNDA OBSERVATIO.

**O**pportunæ quoque ad populū in Continentem Americæ trajiciendum sunt Insulæ Britannia & Hibernia, quæque iis adjacent Orcades, quamquam fateor distantiam longè maiorem esse, quam ab Insulis illis de quibus iam diximus. David Povvelus S. Th. Doctor in Cambriæ historia narrat, ad annum 1170. Ovveno Guyneth defuncto, dum filij inter se de Principatu contendunt & nothus armis superior, illum obtineret; Madocum vnum ex Ovveni Guynethi liberis, discordiarum ciuiliū & præliorum inter fratres pertæsum, comparasse sibi aliquot naues & idoneis com meatibus aliisque rebus in eas impositis è patria profectum vt nouas terras inuestigaret: & Hibernia post tergum relictâ, versus Zephyrum cursum instituisse, donec incideret in terras ante incognitas, vbi multa mirandaque obseruauerit. Inde ad patriam reuersus,



Cambris suis exposuit quam amœnas & fecundas terras adiisset, sine vllis incolis, & ob quam sterile & inamœnum solum fratres sui armis inter se contenderent, & in vulnera & mutuum excidium quotidie ruerent: proclive esse ipsis & domestica pericula vitare & amœnis hisce atque fecundis terris potiri. Quum non paucis persuasisset, denuo naues plures sibi comparauit, & omnibus necessariis impositis, magnum numerum viro- rum iuxta ac fœminarum, quos domesticarum calamitatum pertædebat, secum in illas terras abduxit & patriæ suæ valedixit.

Annotat ad hæc Richardus Hacklutus in tertio volumine operis sui, ipso initio: Credibile esse, hunc Madocum & Cambros, quos secum duxit, partem aliquam illius Americae continentis primum tum incolere cœpisse: eius haud leue indicium esse quod Franciscus Lopez de Gomara prodiderit in Acuzamil fuisse inuentos qui crucem venerarentur, (de quo ante diximus quum de Iucatane sermo esset:) verum quum pauci essent, mores secutos eorum quos ibidem inuenerant, & linguam quoque sensim mutasse. Addit, Madocum quum in illas terras venisset anno 1170. suis in Colonia relictis, denuo domum reuersum, vt plures ex conciuibus suis & consanguineis exciret: decem nauibus paratis, tertio ad suos



profectum : idque se inuenisse ab Gutyn  
ovven proditum, denique se omnino opi-  
nari, Madocum & Cambros illos aliquam  
partem Americæ Septentrionalis obti-  
nuisse.

Carmina *Meredith* filij *Rhesi* mentio-  
nem facientia de *Madoco* filio *Ovveni Gay-  
neda* & de ipsius nauigatione in terras inco-  
gnitas. Vixit hic *Meredith* circiter annum  
Domini 1477.

*Madocvuyf, mvvedicvudd,  
Iavun genau, ovvyn Gvynedd:  
Ni fynnum dir, fy enaid oedd.  
Nada mavur, ond y moroedd.*

quæ Anglica lingua ita sonant :

*Madoc j am the sonne of ovven Gvynedd  
Vvith stature large, an comely grace  
adorned  
No lands at home nor store of vvealth me  
pleas,  
Myminde vvas vvhole to searcho te ocean  
seas.*

Summa est, Madocum spretis domi diui-  
tiis, vnicè delectatum nauigatione Oceani.  
Quamquam hæc Madoci nauigatio admo-  
dum incerta sit, neque valde antiqua; fieri  
tamen potuit vt ante ex Hibernia similia  
fuerint tentata. Et operæ pretium foret in-  
quirere, vtrum aliqua conuenientia linguæ



deprehendi posset; magis enim promittere videtur linguæ Cambricæ idiotismus quam Norvvagicæ, non infelicem conatum successum. Vt autem quis experiri possit, subsidio hic syllogen nominum partium corporis humani, ex vtrâque lingua tum Cambrica tum Hibernica.

C.

H.

Dyn	<i>Homo</i>	Duini
Corf	<i>Corpus</i>	Colann
Enaid. Anadl	<i>Anima</i>	Anam
Cig, cnavvd	<i>Caro</i>	Fcoil
Croen, pân	<i>Pellis</i>	Craicinn
Gvvaed	<i>Sanguis</i>	Fuil
Asgvvin	<i>Os ossis</i>	Cnaimh
Gvvythen	<i>Vena</i>	Cuifli
Gevvyn	<i>Nervi</i>	Fetheach
Briger	<i>Crines</i>	Gruag.
Pen	<i>Caput</i>	Cionn
Penglog	<i>Cranium</i>	Cloiginn.
Ymmennidd	<i>Cerebrum</i>	Inchinn
Llynntro	<i>Vertex cap.</i>	Ceanu matullach
Gvvegil	<i>Occiput</i>	Culanchinn
Yriad	<i>Sinciput</i>	Eadan
Tal	<i>Fons</i>	Clatreadan
Catad. llygad	<i>Genæ</i>	Cruaigh
Llygad	<i>Oculus</i>	Suil
Amrât llygad	<i>Cilium</i>	Mogall na Sul
Mablygad	<i>Pupilla</i>	Macimreasan
Trvvyn	<i>Nasus</i>	Sron



## C.

## H.

Ffroen	<i>Nares</i>	Pollain
Gvvist	<i>Labia</i>	Puismidh
Genau	<i>Os oris</i>	Bel
Ysgittir	<i>Dentes</i>	Fiacla
Tafod	<i>Lingua</i>	Teangaidh
Ceg	<i>Guttur</i>	Sgoznach
Clust	<i>Aures</i>	Cluasa
Asgvvin grudd	<i>Maxilla</i>	Giall
Barf	<i>Barba</i>	Feafog
Elgeth	<i>Mentum</i>	Smigid
Bron	<i>Pectus</i>	Vcht
Teth	<i>Mammilla</i>	Cincha
Asen	<i>Costa</i>	Easnach
Bru. Boly	<i>Venter</i>	Bolgh
Bogail	<i>Vmbilicus</i>	Imliocan
Cysh	<i>Inguen</i>	Blen
Mordvvydd	<i>Femora</i>	Lairgeach
Cluâ	<i>Clunes</i>	Masa
Tin. Tvill	<i>Anus</i>	Ton
Clin	<i>Genu</i>	Glin
Coës, gommach	<i>Crua</i>	Loisgneach
Llygoden	<i>Sura</i>	Colpuidhe
Troed	<i>Pes</i>	Troigh
Bys	<i>Digiti</i>	Meir
Modfedd	<i>Pollex</i>	Ordogh
	<i>Index</i>	Corrinher
	<i>Medius</i>	Mermeadhon
	<i>Annularis</i>	Tanaifde



C.

H.

Sovvdl	<i>Calcaneum</i>	Sal
Gvdddf	<i>Collum</i>	Muinet
Cefn	<i>Dorsum</i>	Druim
Ysgvvydd	<i>Humerus</i>	Guala
Elin	<i>Cubitus</i>	Ville
Llavv. Adaf	<i>Manus</i>	Crobh
Llavv	<i>Palma</i>	Dearnad.
Cregin	<i>Unguis</i>	Ionga
Dyrnyn	<i>Pugillus</i>	Glac.

Addamus & consanguinitatis gradus  
Cambricè.

Pater *Tád, Tadvvys.*

Mater *Mam. Mammvvs. Mammaetb.*

Filius *Mab.* Filia *Merch.*

Frater *Bravvd.* Soror *Chvvaer.*

Auus *Taid, bendad. tádcu.* Patruus

*Evvythr fravvdtâd.*

Numerorum quoque nomina è lingua  
Cambrica.

Vnus, *Vn, Vnig, & hûncyntaf.*

Duo *Dau, dvvy.*

Tres *Tri.* Quatuor *Pedvvar.*

Quinque *Pump.* Sex *Chvvech*

Septem *Saith.* Octo *Vvyth.*

Nouem *Navv.* Decem *Deg.*



Denique nomina earum rerum quæ ubique fere sunt obuiæ.

Mons *Mynydd. Bre. Brynn. Moel. Trunn. Garth.*

Collis *Bryn. Bryncyn. Cefnen.*

Vallis *Glynn. Diffryn. Dol. Pant. Allmor.*

Arbor *Pren. Gvuydden. Coeden.*

Herba *Llysicuyn. Glasvullr. Corsen yd.*

Fons *Ffynnon. ffynbonvys. Gofar. ffynnon.*

Torrents *Angerdoll. Nertholl.*

Fluvius *Afon. Priffafon.*

Pons *Pont. Ysgol Meuvn. Rong.*

Lacus *Grellyn. Llyn. Llyn. Llvuch. Puvll.*

Anguis *Nerds. Sarph.*

Formica *Myuvionyn. Morgrugyn. Grugionyn.*

Ignis *Tân. Vfel. Serch. Puttain.*

Cinis *Lluduv. Carbo Maruvvoryn. Gloyn.*

Pluvia *Glauv. Ventus Gvuynt. Avvel.*

Gelu *Ia. Iaen. Rhevv. Durevv. Oerfel.*

Cervus *Carvv. Hydd. Eflon. Rhydain.*

Sus *Hvuch. Mochyn. Tvurch. Cunar.*

Lupus *Bllaid. Cidvvn.*

Vulpes *Cadno. Cadnavv. Llvvynog.*

Corvus *Brân. Cigfran.*

Cœlum *Cyn. Cersio.*

Sol *Haul. Heulvven. Haan. Tês.*

Lana *Lleuad. Lloer.*

Stella *Seren. Nubes Cvvmmvvl. Vvbreu.*

Tonitru *Taran. Tvurvuf. Tyrfan.*



Fulgur *Llucheden. Mellden.*

Aqua *Duur. Duufr. Aueddour.*

Piscis *Pysg. Pysgodyn.*

Sal *Halen. Disyrrvuck Digrifouch.*

Lapis *Carreg. Maen Llechen.*

Atque hæc quidem in veteri lingua atque etiam hodierna Cambrobritannorum ita se habent. Nunc eadem aut pleraque è lingua Danica quæ tantum dialecto (nisi fallor) differt à Norvvagica, adscribam.

Homo *Menniske,*

Anima *Siel,*

Sanguis *Blod,*

Os ossis *been,*

Nervus *Sene,*

Caput *Hoffuit,*

Cerebrum *Hierne,*

Occiput *Nacke,*

Frons *Stiern,*

Oculus *Oye,*

Pupilla *Oyensteen,*

Labia *Laebe,*

Lingua *Tunge,*

Maxilla *Keffte,*

Auris *Ore,*

Barba *Skeg*

Mentum *Hage*

Collum *Hals*

Corpus *Legemme,*

Caro *Kiod,*

Cutis *Hud,*

Vena *Blod aare,*

Capillus *Haar,*

Craniũ *Hoffuet skael,*

Vertex *Krune,*

Sinciput *for boffuit,*

Gena *Kindbeen,*

Cilium *oyn Hnol,*

Nasus *Naese,*

Os oris *Mund,*

Guttur *Strube,*

Dens *Tand,*

Pectus *Bryst,*

Hume



# AMERICANARVM.

245

Humerus <i>Skuldre</i>	Brachium <i>Arm</i>
Manus <i>Haand</i>	Digitus <i>Finger</i>
Vuguis <i>Negel</i>	Venter <i>Bug</i>
Dorsum <i>Ryg</i>	Iecur <i>Leffner</i>
Cor <i>Hierte</i>	Pulmo <i>Lunge</i>
Lien <i>Mildt</i>	Renes <i>Nyren</i>
Genua <i>Knæ</i>	Crura <i>Skinkel</i>
Pes <i>Fod</i>	Suræ <i>Leg</i>
Talus <i>Ankel</i>	
Pater <i>Fader</i>	Mater <i>Moder</i>
Filius <i>Soon</i>	Filia <i>Daatter</i>
Frater <i>Broder</i>	Soror <i>Soester</i>
Auus <i>Far Bader</i>	Patruus <i>Far Broder</i>
Mons <i>Bierg</i>	Collis <i>Hoey</i>
Vallis <i>Dael</i>	Arbor <i>Tra</i>
Herba <i>Vre</i>	Fons <i>Kielda</i>
Fluuius <i>Flod</i>	Pons <i>Bro</i>
Lacus <i>Poel</i>	Anguis <i>Snog</i>
Formica <i>Myre</i>	Ignis <i>Ild</i>
Pluuia <i>Regn</i>	Vetus <i>Veir, Blæst</i>
Gelu <i>Frost</i>	Cervus <i>Hiora</i>
Sus <i>Soe</i>	Lupus <i>Vlff</i>
Vulpes <i>Reff</i>	Coruus <i>Raffn</i>
Cœlum <i>Himmel</i>	Sol <i>Soel</i>
Luna <i>Maane</i>	Stella <i>Stierne</i>
Nubes <i>Sky</i>	Tonitru <i>Torden</i>
Fulgur <i>Linnet</i>	Aqua <i>Vand</i>
	Piscis <i>Fisk</i>



Commodum nactus dictionariolum  
Islandicum adjicio & eadem lingua Islan-  
dica.

Homo <i>Madur,</i>	Corpus <i>Lykame,</i>
Caro <i>Holl, kiot,</i>	Sanguis <i>Blod,</i>
Cutis, <i>Huud,</i>	Os ossis <i>Bein,</i>
Vena <i>Adur,</i>	Nervus <i>Sin,</i>
Capillus <i>Haar,</i>	Caput <i>Hofud,</i>
Cranium <i>Huitfil,</i>	Cerebrum <i>Heile,</i>
Occiput <i>Hnake,</i> Sinciput <i>Eune alt ad eyrũ,</i>	
Frons <i>Dune,</i>	Gena <i>Kinn,</i>
Oculus <i>Auga,</i>	Ciliũ <i>Augna haar,</i>
Pupilla <i>Augastiem,</i>	Nasus <i>Nef;</i>
Labium <i>Voer,</i>	Os oris <i>Munnur,</i>
Lingua <i>Tunga,</i>	Guttur <i>Barke,</i>
Dens <i>Toonn,</i>	Auris <i>Eyra,</i>
Barba <i>Skiegg,</i>	Mentum <i>Haka,</i>
Collum <i>Haals,</i>	Pectus <i>Briost,</i>
Humerus <i>Auxl,</i>	Brachium <i>Armlegg,</i>
Manus <i>Hoond,</i>	Digitus <i>Fingur, taer,</i>
Vnguis <i>Nogl,</i>	Venter <i>Kuidur,</i>
Dorsum <i>Hriggur, bak.</i>	Iecur <i>Lifur,</i>
Cor <i>Hiarta,</i>	Pulmo <i>Lunga,</i>
Lien <i>Millte,</i>	Renes <i>Nyrn,</i>
Genu <i>Knie,</i>	Crus <i>Bein, Leggur,</i>
Pes <i>Footur,</i>	Sura <i>Kaalfe,</i>
Talus <i>Onkle,</i>	
Pater <i>Fader,</i>	Mater <i>Moder,</i>
Filius <i>Sonur,</i>	Filia <i>Dotter,</i>



Frater <i>Broder</i> ,	Soror <i>Syster</i> ,
Auus <i>Afe</i> ,	Patruus <i>Faderbrodur</i> ,
Mons <i>Fiall</i> ,	Collis <i>Hool</i> ,
Vallis <i>Dalur</i> ,	Arbor <i>Trie</i> ,
Herba <i>Gras</i> ,	Fons <i>Brunnur</i> ,
Fluuius <i>Vatsfal</i> ,	Serpens <i>Higgermur</i> ,
Formica <i>Maur</i> ,	Ignis <i>Elldur</i> ,
Pluuia <i>Regn, dogg</i> ,	Ventus <i>Biir</i> ,
Gelu <i>Frost</i> ,	Ceruus <i>Hiortur</i> ,
Sus <i>Suin</i> ,	Lupus <i>Volfur</i> ,
Vulpes <i>Refur</i> ,	Coruus <i>Hrafy</i> ,
Cælum <i>Himen</i> ,	Sol <i>Sool</i> ,
Luna <i>Tuagl</i> ,	Stella <i>Stiarna</i> ,
Nubes <i>Sky</i> ,	Tonitru <i>Skrugga</i> ,
Fulmen <i>Ellding</i> ,	Aqua
Piscis <i>Fiskur</i> ,	
Sal <i>Salt</i>	Lapis <i>Steene</i> ,

Deinceps nobis tentandum erit an aliquam similitudinem possimus reperire, in vocabulis quæ obseruauimus, inter gentes quæ Septentrionalem Americam incolunt.

## Caput

Cambris *Pen*, Danis *Hoffuit*,  
 Incolæ Metæ incognitæ dicunt *Mutchater*.  
 Hurones *Scouta*. Hochelagenfes *Aggonzi*,  
 Souriquosij *Menougi*, Sankikani *Vvyer*,  
 Maquaasij *Anonsi*, Mexicani *Tcontecontli*.



## Nasus

Camb. *Truyn*, Danis *Næse*,  
Incolæ Metæ incognitæ *Cangruve*, Hurones  
*Aongya*, Hochelagenſes *Hehongueſto*,  
Souriquoſij *Cbichkon*, Sankikani *Akyvvan*,  
Maquaafij *Oneyatſa*, Mexicani *Taſtli*.

## Oculus

Camb. *Llygad*, Dan. *Oye*,  
Incolæ Metæ incognitæ *Arered*, Hurones  
*Aceinha*, Hochelagenſes *Higata*,  
Souriquoſij *Nepignigour*, Sankikani *Schin-*  
*quoy*, Mexicani *Ixtelotli*.

## Auris

Camb. *Cluſt*, Dan. *Oore*,  
Incolæ Metæ incognitæ *Chevuat*, Hurones  
*Abontta*, Hochelagenſes *Abontafcon*, Souri-  
quoſij *Seckdoagan*, Sankikani *Hyttruvack*,  
Maquaafij *Ohochtha*, Mexicani *Nacaztli*.

## Dens

Camb. *Yſgithr*, Dan. *Tand*,  
Incolæ Metæ incognitæ *Keiotot*, Hurones  
*Aſchonchia*, Hochelagenſes *Eſgongas*,  
Souriquoſij *Nebidie*, Sankikani *Vvypyt*,  
Mexicani *Tlantli*.

## Manus

Camb. *Llávun*, *Adaf*, Dan. *Haand*,  
Incolæ Metæ incognitæ *Argoteyt*, Hurones



*Shonressa*, Hochelagenfes *Aignoafcon*,  
Souriquofij *Nepeden*, Sankikani ...  
Mexicani *M a ytl.*

Pes

Camb. *Troed.* Dan. *Fod*,  
Incolæ Metæ incognitæ *Atoniagay*, Hurones  
*Achita*, Hochelagenfes *Onchidascon*,  
Souriquofij *Nechit*, Sankikani *Syt*,  
Mexicani *Iexitl.*

Pater

Camb. *Tâd.* Dan. *Fader*, Hurones  
*Ayftan*, *Aibtaha*, Souriquofij *Nonchik*,  
Mexicani *Tachtli.*

Mater

Camb. *Mam*, Dan. *Moder*,  
Hurones *Anan*, *Ondouen*, Souriquofij  
*Nexich*, Mexicani *Nantli.*

Mons

Camb. *Mynyed*, *Bre*, *Bryn*, Dan. *Bierg*,  
Hurones *Quien non route*, Hochelagenfes  
*Agacha*, Souriquofij *Pamdemour*,  
Mexicani *Quaubtla.*

Aqua.

Camb. *Dvuer*, Dan. *Vand*,  
Hurones *Aouen*, Hochelagenfes *Amo*,  
Souriquofij *Empye*, Mexicani *Atl.*



150 DE ORIG. GENTIVM  
Arbor

Camb. *Prenn. Gvnydden*, Dan. *Tre*,  
Huroncs *Tarby* aut *Yharby*,  
Souriquosij *Hitteoke*.

Cœlum

Camb. *Cyn, Cersio*. Dan. *Himmel*.  
Huroncs *Haronbiage*, Hochelagenfes *Quene-  
bia*, Mexicani *Ilhuicatl*, Ganadenfes *Onajex*.

Sol

Camb. *Haul, Hâan, Tes*. Dan. *Soel*,  
Huroncs *Andicha*, Hochelagenfes *Ysmay*,  
Souriquosij *Achtek*, Mexicani *Tonatinch*.

Stella

Camb. *Seren*. Dan. *Stierne*, Huroncs  
*Tichion*, Hochelagenfes *Stagnehoham*,  
Souriquosij *Kerkoeth*, Mexicani *Citlabin*.

Ventus

Camb. *Gvnynt, Avuel*, Dan. *Veir, Bleft*,  
Huroncs *Toquoiffe*, Hocnelagenfes *Cohoba*,  
Mexicani *Teccatl*.

Pluuia

Camb. *Glauu*, Dan. *Regn*,  
Huroncs *Tondot*, Sankikani *Soukeree*,  
Mexicani *Quiahuitzli*.

Tonitru.

Camb. *Taran, Tyrfan*, Dan. *Torden*,  
Huro nes *Inon*, Mexicani *Tlatlatzinitl*.



Ignis

Camb. *Tân, Vsel,* Dan. *Ild,*  
 Hugones *Assista,* Hochelagenfes *Azista,*  
 Souriquosy *Bucktown,* Sankikani *Tin,*  
 teyue, Ma xicani *T tetl:*

Caro

Camb. *Cig, Cnavud,* Dan. *Klood,*  
 Hurones *Anoitsa,* Mexicani *Nacatl.*

Cor

Camb. *Colon, Meddvul,* Dan. *Hiorte,*  
 Hurones *Anoiachia,* Mexicani *Tolloctli.*

Luna

Camb. *Ileuad, Iloer,* Dan. *Maane,*  
 Hurones Hochelagenfes *Assomaha,*  
 Mexicani *Mextli.*

Lapis

Camb. *Carreg,* Dan. *Steene,*  
 Hurones *Ariotn,* Mexicani *T etl.*



## TERTIA OBSERVATIO.

*De veterum Scytharum moribus & institutis, & eorum comparatio cum Americanorum moribus.*

**Q**uia vir Clar. Hugo Grotius in sua dissertatione, ut supra vidimus, negavit Americanos originis esse Scythicæ ex dissimilitudine morū, necessarium putavi paulo diligentius ipsorum veterum Scytharū mores & instituta indagare & cum Americanis comparare. Plinius Histor. Natural. l. 4. c. 12. Scytharum gentes ab Istro orsus; Scytharum, inquit, nomen usquequaque transit in Sarmatas atque Germanos. Nec aliis prisca illa duravit appellatio, quam qui extremi gentium harum ignoti prope ceteris mortalibus degunt. Ex quibus videmus nomen Scytharum latissime paruisse & illos ad extremos usque Asiæ fines incoluisse. Deinde: *A T* a Phris per continentem, inquit, introrsus tenent Ancheta, apud quos Hypanis oritur. Neuri apud quos Borysthenes, Geloni, Thussageta, Budini, Basilide, & caruleo capillo Agathyrsi. Super eos Nomades: dein Anthropophagi. Ecce hic statim Nomades & Anthropophagi. Porro lib. 6. c. 13. *Ab extremo*, inquit, *Aquilone ad initium orientis æstivi Scythæ sunt.* Commemoratis autem Hyperboreis & Arimphæis.



*Ultra eos plane iam Scythæ, Cimmerij, Cician-  
zhi, Georgi & Amazonum gens. Hæc usque  
ad Caspium & Hyrcanum mare. Deinceps  
cap. 17. Ultra sunt Scytharum populi. Perse  
illos in uniuersum Sacas appellauere à proxi-  
ma gente, antiqui Arameos, multitudo popu-  
lorum innumera, & cum Parthis ex aquo de-  
git. Prosequitur deinde; Insula toto eo mari  
multa, vulgata una maximè Tazata: à Ca-  
spio mari Scyticoque Oceano, in eam cursus  
inflectitur, ad Orientem conuersa littorū fron-  
te. Inhabitabilis eius prima pars, à Scythico  
promontorio, ob niues: proxima inculta sauitia  
gentium. Anthropophagi Scythæ insident, hu-  
manis corporibus vefcentes. Ideo iuxta vastæ  
solitudines, ferarūque multitudo, haud dissi-  
mitem hominum immanitatem obsidens. Ite-  
rum deinde Scythæ. Iterumque deserta cum  
belluis usque ad ingum incumbens mari, quod  
vocant Tabin. Hic iterum vides Anthro-  
phagos inter Scythas: ita vt maxime verifi-  
mile sit hos primos in Americam transisse  
aut trajecisse; & licet iam in Septentrionali  
parte nulli Anthropophagi reperiantur, in  
Meridionali autem multi, maxime proba-  
bile est eos sensim ad Meridiem ab Arcto  
promouisse sedes. Dicit quidem Plinius lib.  
8. cap. 42. Scythæ quidem equitatus & equo-  
rum gloria strepunt. Sed non necesse est hoc  
de omnibus Scythis intelligere, quum plu-  
rimas ipsorum gentes fuisse constet.*



Strabo lib. xi. *Plerique Scytharum qui à Caspio mari incipiunt, Daa appellantur: Orienti viciniore Massagetae & Saca, reliquos communi nomine Scythas dicunt quamquam singuli populi etiam sua nomina habent. Plerique omnes vagam degunt vitam, id est Nomades sunt. Hoc quoque optime convenit cum plerisque Gentibus quæ utramque Americæ partem incolunt; nam & ipsi sæpe loca mutant, ut satis compertum.*

*Ibidem de Massagetis, qui pars Scytharum. Solem unicum Deum agnoscunt, eique equum sacrificant. Vnam quisque uxorem ducit: interim etiam alienis utuntur: neque id occultè: qui cum aliena coit, pharetra de curru suspensa id aperte facit. Mortis genus optimum censent, si senio confecti cum carnibus ouillis in frustra concidantur, unaque deuorentur. Qui è morbo decedunt, eos abjiciunt tanquam impios & dignos qui à feris vorentur. Equites boni sunt & pedites. Arcibus utuntur & gladiis, & thoracibus æreisque sagaridibus: siue bipennes hæ sunt. Cingula iis aurea & diademata in pugnis: aurata etiam equorum fræna & lora humeralia. Argentum apud eos non nascitur, neque ferri multum, æris & auri abunde. Qui in insulis degunt, quia sementem non faciunt, radicibus vescuntur & fructibus utuntur sylvestribus: amiciunt se arborum corticibus, quia pecore etiam carent: succum bibunt*



ex arboreis fructibus elisum. Qui paludes incolunt, y piscium esu viuunt: vestiuntur vitulorum marinorum pellibus, qui e mari ad eos sursum accurrunt. Montani syluestribus ipsi quoque fructibus aluntur: habent etiam paucas aliquas oues: sed non cædunt eas, lanæ causa & lactis parcentes: vestem pigmentis illitis variant, quorum vigor non facile euanescat. Campestres agrum quidem habent, sed non colunt: sed victum ex ouibus & piscibus petunt, Nomadum ac Scythico more. Est enim communis quedam viuendi ratio omnium istorum populorum, quam sepe dixi: Sepultura quoque eadem est, iidem mores. Tota vitæ ratio libera quidem, sed praua, fera & bellicosa: ad contractus simplex & fraudis pura.

In omnibus illis quæ designauimus alio caractere facile reperire est magnam similitudinem in cultu, moribus, vestitu, victuque inter Scythas & Americanos.

Idem lib. xi. collocat a mari Caspio versus Oriëtem Scythas Nomades, qui, inquit, usque ad mare Orientale & Indiam porriguntur. Quum itaque Scytharum gens tam late patuerit, haud difficile est credere illos in oppositam Americæ continentem trajecisse. Quod vero non respondeant per omnia mores & instituta, id ex eo fit, quod ne Scytharum quidem omnium vnum fuerit vitæ institutum (vt scribit Strab. ex Epho-



ro, lib. 7.) quosdam enim eo immanitatis progredi, ut humanis etiam vescantur carnibus: contra alios ab aliis etiam animantibus abstinere. Saltem ex iis quæ dicta sunt patet Americanorum mores magis cum Scythis quam cum Germanis convenire. Porro neque Tartari, qui hodie illam partem Asiæ incolunt ubi quondam Scythæ egerunt, iam per omnia conveniunt cum Scythis illis antiquis; nam multas vxores ducunt (ut scribit Ioannes de Plano Carpini) quum Scythæ tantum vnam habuerint. Neque victus neque amictus satis conveniunt. Habent tamen alia quæ cum quibusdam nationibus Septentrionalis Americæ consonant. Inter quæ imprimis est, forma corporum. Tartari (inquit idem) inter oculos & genas plusquam alij homines sunt lati. Genæ etiam satis prominent à maxillis. Graciles sunt generaliter in cingulo, exceptis quibusdam paucis. Pene omnes sunt mediocris stature. Barba fere omnibus minime crescit. Aliqui tamē in inferiori labio & in barba modicos habent crines, quos minime tondent. Super verticem capitis in modum clericorum habent coronas, & ab aure vna vsque ad aliam, ad latitudinem trium digitorum similiter omnes radunt. Secundo cultus & veneratio. Nam licet vnum Deum credant factorem omnium visibilium & inuisibiliū; tamen Solem, lumina, ignem venerantur,



adorant & aquam & terram. De vita æterna & damnatione perpetua nihil sciunt: credunt tamen quod post mortem in alio seculo viuant, greges multiplicent, comedant, bibant, & alia faciant, quæ in hoc seculo à viuentibus fiunt. Diuinationibus, auguriis, auspiciis, veneficiis, incantationibus multum intendunt. Nec ingenia malè conueniunt: Homines sunt immundi in sumendo cibum & potum, & aliis factis suis. Etiam cibus: Cibi eorum sunt omnia quæ mandi possunt. Comedunt canes, lupos, vulpes & equos; & in necessitate carnes humanas.

Qui porro superioribus annis è Russia illas regiones lustrarunt, narrant iuxta *Pechoram* Samoedas habitare Principi Moscouiæ subjectos: à *Pechora* autem versus Aquilonem esse *Vaygat*, iuxta quæ loca habitent syluestres Samoedæ, qui Anthropophagi esse feruntur. De Promontorio Tabin Geographi nostri multa: Gerardus autem Mercator eorum facile princeps suspicatur inter nouam Zemblam, & Tabin mare esse dulce: quod argueret Oceanum iuxta illa loca in angustias conclusum ab ingentibus fluminibus temperari & salsuginem deponere.

Operæpretium autem fuerit hic pauca adjicere de Samoedis, qui iuxta flumē Obij degunt: obseruatum enim à Russis. Hunc



populum non habere vllas vrbes, sed gregatim inter se & pacifice degere, ac senioribus aliquot regi, in victu esse immundos & ferarum, quas caperent, carnibus victitare, frugum panisque nullam habere notitiam: sollertes esse atque industrios admodum sagittarios, arcus è lento quodam & flexibili ligni genere conficere, lapidibus exacutis, vel & piscium spinis premunitos. hisce feras trajicere, quarum maximus inibi est numerus: suere quoque piscium spinis, quæ pro acubus ipsis essent, sicut animalculorum quorundam nerui pro filo, atque ita conferere quibus se induerent pelles. quarum pilos æstate quidem extrorsum, hyeme vero introrsum verterent: domos suas tegere Alcium aut similium animalium pellibus, quas nullo haberent loco.

Eosdem esse summos idololatrias, sortilegos & incantatores in confesso est.

Itaque hic quoque manifestissime similitudo morum inter has gentes & incolas Septentrionalis Americæ deprehenditur, & quidem longe maior quam cum Norvagis aut aliis Gentibus Germanicæ originis. Et longè proclivius est ab hac parte incolas in novum orbem inducere quam à Norvagia per Islandiam & Groenlandiam, & cæteras regiones eis vicinas. Potuerunt enim vel rhedis suis super glaciale Oceanum vehi, & ita in Americam trajicere; siquidem na-



uibus hîc nihili opus fuerit: atque eodem itinere etiam plurima animalia his familiaria potuerunt transcendere. Quibus accedit quod his equorum copia aut vsus non tribuitur; quod viro Clariss. obstitit ne posset credere è Scythia incolas in Septentrionalem Americam venisse. Atque hoc iter agi potuit extra circulum Arcticum, & per terras non tam glaciei & profundis niuibus obnoxias: quanquam hæ gentes illas quotidie magna industria superent. Quum Groenlâdia omnis quam proximè ad ipsum polum Arcticum accedat, & parentibus fretis sit diuisa.

*De Islandis & Groenlandis.*

Islandi antiquitus ( vt tradit Angrimus Ionas) Aristocraticum repub. statum eligentes, Ciuitatem suam in Tetrades, à singulis mundi cardinibus denominatas diuiserunt; eas rursus in tertias præter Borealem cæteris maiorem, in alias quartas. Tertias vero istas rursus in suas partes diuidebant; alias quidem decimas, alias paulo aliter, quas *Hreppar* nominabant, quarum vnaquæque ad minimum xx. colonos continebat, certo sensu definito. Tertias autem illas & Borealis tetradis quartas nominabant *pyng* (credo potius thing, nam illam literam quæ conuenit cum θ Græc. sæpe effert per p) Deorum Septentrionalibus primus erat



*Thor* : cui alios tres adiungebant *Freyer*,  
*Niordur*, *As*. Qui omnes Reges fuerunt,  
 Arctoris enim gentibus familiare fuit Re-  
 ges defunctos pro diis colere: sed horum  
 cultus ad Islandos non peruenit. Islandi  
 diis suis homines immolabant ad grande  
 saxum eos collidentes: sed tantum duo-  
 bus locis, neque diu ea immanitas du-  
 rauit.

Mendicos alere vetabant, nisi vel morbo  
 vel ætate, sine vlla sua culpa id accidisset.  
 Præfectus prouincialis dicebatur *Godar* &  
*Hoffgodar*. Conuentum iuridicum sum-  
 mum appellabant *Althing*. Iudices omnes,  
 actor, reus, testes, in foro initio actionis  
 omnem dolum, omnemque iniustitiam san-  
 cte abnegabant: hisce conceptis verbis *Hjal-*  
*pe* mior suo *Freyer* og *Niordur* og hui *Al-*  
*matte* *As*. nostrates diceret *Helpe my soe*  
*Freyer*, oock *Niordur*, oock de *Almächti-*  
*ge As*.

Adiuuet me ita *freyer* atque *Niordur*, &  
 ille omnipotens *As*.

Rempubicam suam certis etiam scriptis  
 legibus gubernarunt.

Matrimonia non nisi inter licitos gradus  
 contrahebant, & coram testibus stipulaban-  
 tur cum spondentibus.

Stuprum, raptum, adulterium, incestum  
 grauissime puniebant: sed & basia atque  
 amplexus clandestinos

Patris



Patris matrisue familias defunctorum hereditatem capiebant filij familias, dein filia, si filij deessent. Tutelæ ius hereditariæ successionis ordinem sequebatur.

Atque hæc quidem in Islandia obtinuerunt ante Christianismum quem demum anno millesimo admiserunt.

Gronlandia ( vt idem narrat ) primum adita ab Erico, Ruffo anno Domini 982. Hic primus omnium versus occidentalem plagam, ex patria nauigans, terram reperit, cui post triennium ( quod ibidem exegit ) Gronlandiæ nomen indidit, eamque mox incoluit & Gentem condidit Gronlandicam, in terra antea prorsus deserta, sedibus positus in sinu à suo nomine dicto *Erisckfjoordur*, extructo pago, *Brattalyd* vocato, & altero, in vltiore sinus ripa huic opposito cui nomen *Stockanes*.

Gronlandi post annos xviii, hoc est anno c i o ( quo & Islandia totaliter ) ad Christianum nomen conuersi sunt, opera & deuotione Olai Tryggoni, Norvvagiæ R. cui negotio Leyfus Erici ruffi Gronlandicæ gentis conditoris filius, præfectus est, in Norvvegia prius sacro fonte ablutus.

Gronlandiam veteres diuidebant in Orientalem & Occidentalem: vnde colligo ( inquit Angrimus ) ad Meridiem & Septentrionem non fuisse habitatam. In Orientali Gronlandia parochiolæ constitutæ sunt



duodecim: in Occidentali tantum quatuor. singulæ nomine notatæ. Hinc Episcopi additi, nempe Anno c i o c x x i. quidam Ericus, sed quantum suspicor, cathedram (quæ Gardensis dicta est, *Gardar à Grenlando, biskups stoll*, sita in sinu *Einarci Fioord*) non adiit; traditur enim eodem anno Insulam Vynlandiam illis dictam, iuisse quæsitum, in quo itinere forsan periit. Suspicio illa hinc est, quod Arnhaldus à Lundensi Episcopo Scaniæ circa annum c i o c x x i v. rogatu Regis Norvvegiæ ordinatus, à plerisque primus Episcoporum Gronlandiæ numeretur, cum scilicet ante annum, hoc est Anno 1123. Gronlandi Norvvegis tributarij facti essent.

Monasterium in Gronlandia nullum unquam commemoratur. Ecclesia vel Cathedra Gardensis D. Nicolao fuit dicata, quem constat isto seculo, à nautis, ac præcipue tam longinquas oras petentibus cultum fuisse.

Arnhaldi in Episcopatu Gronlandiæ undecim successores, distinctis temporibus numerantur. Ad annum usque c i o c c c l x x i. Quo Henricus quidam præfuit, cuius successor Andreas Anno c i o c c c c l x i Insulam attigit. Post hunc autem annum alium est de Episcopis, nedum monachis Gronlandiæ, qui nulli fuerant, silentium. Hæc paulo prolixius ex Angrinio Iona retu-



limus, ut liqueat, Gronlandos statim postquam ibi incolere cœperunt Christianos esse factos: minusque verisimile esse, quod supra Clariss. Vir. Hugo Grotius asseruit, incolas Americæ Septentrionalis, aut ab Islandis aut Gronlandis ipsorum propagine, originem accepisse. Nam quum utriusque tamdiu Christianismum fuerint amplexi, & semel acceptum tam constanter coluerint, non est rationi satis consentaneum, tam politeiam quam religionem apud gentes eiusdem originis ita plane extinguere potuisse.

## OBSERVATIO QUARTA.

**H**Actenus à parte orientali aditum ad Americam quæsiuimus, nunc & ab Occidente est inuestigandus. Continens Americæ vtriusque longissimis terrarum spatiis se extendit ad mare Pacificum à sinu Californiæ & Promontorio S. Lucæ ad promontorium Mendocinum atque ultra haud dubio ad ipsam Asiam. Præterea in ipso mari Pacifico seu meridionali superioribus annis è Peruvia nauigando versus Occidentem iuuentur sunt Insulæ Salomonis, admodum grandes & multæ, intervallo circiter octingentarum leucarum: & communis opinio obtinet haud longè ab illis abesse Continentem terram; neque verò absimile credit Iosephus de Acosta lib. i.



cap. 6. illam se coniungere cum terris quæ sunt vltra fretum Magallanicum. Verum superioribus annis à nostris atque etiam aliis fuit deprehensum satis latum mare, ( quantum nondum satis constat ) interesse inter illas Insulas ad fretum Magallanicum & terras illas australes de quibus agit Aco-  
sta. Vt si illas coniungere libet omnino magno gyro ambiendum sit, ( intra an extra circulum Antarcticum non dixerim, neque constat ) ad Nouam Guineam, atque ita regrediendum ad fretum Magallanicum. Certè, vt credit Aco-  
sta, Noua Guinea Continens censetur neque longe dissita ab Insulis Salomonis. Vt autem de hisce Insulis Salomonis aliquid dicamus : Lopez Vaz testatur, eas inuentas fuisse cum Licentiatus de Castro pro Rege esset in Peruuia : sitas autem esse octingentas leucas ab ora Peruuie, ad altitudinem vndecim graduū ab Æquat. versus Austrum: priori nomen inditum Izabella alteri & quidem maiori Guadalcanal; Secundum cuius oram nauigarint leuc. centum quinquaginta : vtrisque autem nomen Salomonis insularum datum, quia credi volebant R. Salomonem inde suum aurum petiisse.

Antonius de Herrera Historiographus Regis Hispaniarum in descriptione Indiarum cap. 27. Ora, inquit, nouæ Guineæ initium capit, centum leuc. versus orientem ab



Insula Gilolo, ad vnum gradum, paulo plus aut minus ab Æquatore versus Austrum, atque ita in longitudinem protenditur versus Ortum, trecentis leuc. donec ascendat ad quintum aut sextum gradum; Dubitatum haftenus an sit Insula an vero Continens, quia in tantum se extendit, vt videri posset se iungere cum Insulis Salomonis aut prouincia Freti Magallanici versus Austrum, verum hoc dubium iam solutum, quia qui nauigarunt secus partem australem eiusdem freti affirmant, illam non esse Continentem, sed insulas, & sequi spatiosum mare, & inter eos qui id asserunt est D. Richardus Aquinas eques Anglicus, qui inter illas insulas quadraginta quinque dies errauit.

## ANNOTATIO.

**N**Omen huius Equitis Richardus Hawkins, de cuius nauigatione alibi diximus; idem autem postea à nostris Belgis obseruatum post fretum Lemairium inuentum, vt ante dixi. Ab ora maris, inquit Herrera, tellus nouæ Guineæ videtur bona, & incolæ conspecti sunt Nigritæ, & obiacent oræ multæ insulæ, cum suis portibus, quorum non extat particularis notitia, quia rarò hic nauigatum fuit: loca in quibusdam tabulis Geographicis signata.



sunt; *Aguada* à prima facie terræ ad vnum gradum, quinque & triginta leuc. versus Ortum; & octodecim leuc. ultra hanc portus *Santiago* & insula *de los Cressos* patens in longitudinē sexdecim leucas, ex aduerso portus *S. Andree* quadraginta leuc. à *Santiago*; & magis versus Ortum fluvius *Virginum* & *la Vallen* exigua insula ante fluvium *S. Augustini*, circiter quinquaginta leuc. à portu *S. Andree*; & iuxta fluvium *S. Petri*, & *S. Pauli*, ante portum *S. Hieronymi*, & paruula Insula iuxta *Puntasalida*, quadraginta leuc. à *S. Augustin.* quem vocant *de Buenapaz*, & ultra hanc *el Abrigo* & *Malagente* quinquaginta leuc. à *Puntasalida*, & inter cæteras vna insula gentis blancæ, & *la Madre de Dios* ante *Buenaayan* & *de la Natiuidad de nuestra Sennora*: quæ vltima earum quæ hætenus fuere visitatæ: & veluti è regione eius versus Arcum Insula *Caymana*, in alto iacens inter alias insulas sine numero. Ora meridionalis nondum cognita est. Primus hanc nouā Guineam detexit *Aluarus de Saavedra* anno *MDLXXVII.* missus à *Marchione Vallis* vt ab illa parte inuestigaret Insulas aromatíferas, & hinc in reditu ad nouam Hispaniam à tempestatibus abreptus. Insulæ *Salomonis* quæ distant octingentas leuc. ab ora *Peruuiæ*, quibus hoc nomen dedit opinio diuitiarum, & vocant illas *Occidentales*, ratione *Peruuiæ*: ab



illa enim primum ad illas peruentum ab Aluaro de Mendoza, ex mandato Licentiatæ Lupi Garfiae de Castro, Gubernatoris regnorum Peruuia, anno CIOIO LXXVII. Qui primus has terras vidit erat adolescens nomine Treio: iacent autem à septem ad duodecim gradus ab Æquatore versus Austrum, & citciter mille quingentas leucas à Ciuitate Regum (vulgo Lima,) sunt multæ numero, sed octodecim inter illas insignes, quædam quæ trecentas leucas ambitu complentur, aliæ ducenas, aliæ centum, aliæ quinquaginta & ita porro; præter multas quarum oræ nondum prænaugatæ; crediturque cum noua Guinea esse coniunctas, & terris quæ sunt à freto Magallanico versus occasum. Omnes istæ insulæ videntur fecundæ & habitabiles com meatibus abundantes & pecore: reperti in illis fructus aliquot Castellani, porci & Gallinæ magno numero. Incolæ partim sunt colore, quali Americani, partim candido, partim rubro, partim etiam nigro, quod argumentum est, cum noua Guinea coniungi, vnde tantam mixturam tam diuersarum gentium hîc confluxisse probabile est. Hactenus Herrera, qui plura nomina insularum desiderat, ipsum adeat. Sufficit enim ad propositum nostrum: à terris illis quæ iacent cis & vltra Fretum Magellanicum versus Occidentem alias terras quam longissime ab-



esse, & patens esse illa parte mare tam versus Austrum, quam versus Occasum: ita ut hac via incolas difficulter in meridionalem Americam possimus introducere, & aura nobis aduersatur. Nec quicquam nos adiuvat ea pars terrarum quæ pone Iauam maiorem, licet longo intervallo, à Belgis nostris fuit inuenta & à nauis nomine, qua uehebantur, Concordia dicitur: licet credibile sit illam cum noua Guinea esse coniunctam. Vnica spes est in illa terra quæ fretum Lemaire ab Arcto ingredientibus ad Iauam est, neque enim adhuc quicquam obstat quo minus illa cum aliis terris possit coniuncta credi, quæ proxime accedunt ad Insulas orientis. Atque ad hunc finem quædam hîc adiungenda ex Itinerario Richardi Havvkins Equit. Angli, de quo supra Herrera. Is quum peteret fretum Magallanicum & iam peruenisset ad nonum & quadragesimum gradum & triginta scrupul. ab Æquatore versus Austrum, & secundum computum suum circiter quinquaginta leucas abesset à Continente Americæ, excepit illum ventus occidentalis ipsi aduersus: ita ut secundo Februarij viderent eminus terram versus Africum, neque coniectura assequi poterant quænam esset, siquidem nullæ hydrographicæ Tabulæ terram hac parte exhibet ad eum modum sitam, ad latitudinem octo & quadraginta graduum



versus Austrum. Secus autem oram illius nauigarunt versus Aquilonarem plagam, bi-  
duo integro, ita vt ratione inita iudicarent  
se circiter sexaginta leucas secus illam pro-  
mouisse. Terra autem illa erat campestris  
& habitata, videbant enim crebros ignes.  
Verum quum propius oram accedere & in  
terram descendere non daretur, & ventus  
mutaretur, illa omissa, cursum versus Fre-  
tum Magallanicum direxerunt. Mihi autem  
non dubium est hanc terram coniungi cum  
illa quæ fretum Lemairium contingit: &  
probabile est illam produci primum ex ad-  
uerso promontori j Bonæ Spei, & deinceps  
tendere circa polum Antarcticum versus  
Terram illam naus concordia, fortassis etiã  
per illam coniungi cum Terra dos Papaos,  
quæ in Tabulis nostris appellatur. Nam  
omnia hæc quidem adhuc incerta sunt, ni-  
hil tamen hæcenus inuentum à nauiganti-  
bus quod contradicat.

Exstat præterea Relatio de Terra hac Au-  
strali Petri Fernandez de Quir ad Regem  
Catholicum, Latinè edita ab Hesselio Ge-  
rardi. Quod ad regionum istarum, inquit,  
nouiter detectarum amplitudinem attinet,  
iudicando ex iis quæ ipsemet vidi, quæque  
Capitaneus Ludouicus Paez de Torres,  
obedientiæ meæ archithalassus Maiestati  
tuæ exposuit, longitudo earum tanta est,  
quanta totius Europæ, minoris vsque ad



mare Caspium Asiæ, Persiæ, omniumque  
tum Oceani, tum Mediterranei maris hisce  
regionibus adjacentium Insularum, Anglia  
& Hibernia comprehensis. Est videlicet  
occultus hic tractus, quarta Globi terre-  
stris pars, ac tam late patet, vt in eo veri-  
similiter possint esse duplo plura regna at-  
que dominia, quam sint ea quorum tua  
Maj. hodie dominus est. Nec habent hæ  
terræ vicinos Turcas, Mauros, aliàsve na-  
tiones vicinis suis infestas. Regiones nobis  
conspectæ omnes intra Torridam Zonam  
sitæ sunt, & pertingit earum pars vsque ad  
Circulum æquinoctionalem, latitudinis  
graduum 90. vel alicubi pauciorum, &  
post pauca. Refertus est totus hic tractus  
innumerabili incolarum multitudine, quo-  
rum alij candido, alij fusco & eorum, quos  
Hispani Mularos appellant, persimili, alij  
denique mixto quodam colore sunt. Ca-  
pilli nonnullis nigri, longi, soluti: aliis  
crispi, villosi, aliis denique flauï & admo-  
dum rari. Quæ sane diuersitas magni cu-  
iusdam inter eos commercij, crebrique  
conuentus signum est. Nec videntur vlla  
prorsus arte imbuti; nec arces habent nec  
muros, nec Regem, nec Legem. Simples  
tantum gentiles sunt, in factiones diuisi,  
nec vnquam satis concordēs. Arma quibus  
vtuntur, sunt arcus, sagittæ (nullo veneno  
imbutæ) clauæ, fustes, hastæ, ac tela missi-



lia, omnia tantum ex ligno. Velant pudenda. Sunt munditiæ studiosi, tractabiles, alacres, eaque in benefactores gratitudine, quam ipse non semel expertus sum.

Domus eis è ligno, palmarum frondibus rectæ. Ollis vtuntur fictilibus. Machinas quoque textorias norunt, aliasque eiusmodi elegantias. Marmorarij sunt. Tibias, tympana, cochlearia fabricant è ligno. Oretoria ipsis sua & sepulchreta. Horti in arcolas pulchre digesti, septi ac limitibus suis distincti. Magnum iis vsum præbent cochleæ margariti feræ: è quibus cuneos, scalpra, ferras, ligones, aliaque id genus instrumenta, tum & globulos collo appendendos conficiunt. Insulani nauiculas habent affabre elaboratas, & ad trajiciendum percommodas, argumentum minime fallax, quod vicini sint nationibus magis excultis. Cuius rei & illud non vanum indicium, quod & verres & gallinaceos castrent.

Panem habent è triplici ferè radicum genere, quarum ingens passim prouenit copia, atque huic conficiendo minimum sane laboris impendunt, nihil enim quam torrent rapices vsque dum sint percoctæ.

Fructus in hoc tractu quam plurimi & quidem eximie boni. Platani senum generum. Amygdala quadruplicia. Prægrandes obi, genus cotoneis nostris & magnitudine



& gustu pene adsimile: nuces innumeræ, mala medica, & citrea, quibus barbari non vescuntur, alij denique non minus suaues, quam prægrandes fructus, quos & vidimus & gustauimus. Multæ insuper & quidem insigniter crassæ arundines Sacchari. Innumerabilis pene palmarum numerus, &c.

Quod ad carnes attinet, magna porcorum est copia nostratibus adsimilium, multæ gallinæ, capi, perdices, anates, turtures, columbæ, palumbes & capræ alteri capitaneo visæ. Significarunt nobis Indi & de vaccis quoque & bubalis. Cætera non est opus persequi. Quiuis autem qui Americanorum habitum & mores nouerit, statim animaduertet magnam similitudinem inter has nationes: vti maximè verisimile sit eandem esse originem: sed quo pacto ab vna regione in alteram venerint, id solum haud in procliui est explicare.

#### QVINTA OBSERVATIO.

**H**Aud dubio ex linguæ cognitione, magna de origine gentium conjectura potest fieri; itaque hic quædam adjungenda putauì quæ de Gentium illarum linguis obseruauimus, sed ne Lectorem oneremus aut tædio afficiamus in paucis morabimur, sumemusque tantum exempla à duabus nationibus, Huronibus & Mexicanis quorum illi



procul ad Arctum, hi pene ad extremum Septentrionalis Americae versus Austrum incolunt. Statuemus autem vocabula ex opposito, ut facilius similitudo aut dissimilitudo animaduerti possit. Ordinem autem à nominibus propriis partium corporis humani.

## Huron.

## Mexican.

Scouta	<i>Caput</i>	Tzontecentli
Arochia	<i>Capilli</i>	Tzontli
Ayemtfa	<i>Frons</i>	Ixcuaitl
Ahonatta	<i>Aures</i>	Nacaztli
Acoinda	<i>Oculi</i>	Ixtelolotli
Aongya	<i>Nares</i>	Yaçtli
Andara	<i>Maxilla</i>	Camachalli
Ascaharente	<i>Os</i>	Camactli.
Ahta	<i>Labia</i>	Texipalle.
Aschonchia	<i>Dentes</i>	Tlantli.
Dachia	<i>Lingua</i>	Nenepilli
Ohonra	<i>Collum</i>	Cocotl
Oüachia	<i>Pectus</i>	Yelchiquiuhtli
Etondreha	<i>Humeri</i>	Ahcolli
Ahachia	<i>Brachia</i>	Matzotzopatli
Ayochia	<i>Cubiti</i>	Molicpiti
Ahonressa	<i>Manus</i>	Maytl
Eteingya	<i>Digiti</i>	Mahpilli
Ohetta	<i>Ungues</i>	Iztitl
Tonra	<i>Venter</i>	Xillantli
Ontara	<i>Umbilic<sup>9</sup></i>	Xiçtli



Huron.		Mexican.
Ethnonuha	<i>Dorsum</i>	Cuitlapantli
Tocha	<i>Latus</i>	Yomotlantli
Ofcoinha	<i>Viscera</i>	Cuitlaxcolli
	<i>Iecur</i>	Yeltepachtli
Auoiachia	<i>Cor</i>	Yollochtli
	<i>Pulmo</i>	Chichitl
	<i>Lien</i>	Taxixtecon
	<i>Renes</i>	Netloctetenca
Ochingoda	<i>Genua</i>	Tlanguaitl
Anonta	<i>Cruca</i>	Metzquanhyotl
Eindechia	<i>Sura</i>	Cotzli
Achita	<i>Pedes</i>	Icxitl
Chogoute	<i>Tali</i>	Xoquochtlantli
	<i>Nervi</i>	Tlalhuyaotl
Outsmoiata	<i>Vena</i>	Yetzalhuotl
Auoitsa	<i>Caro</i>	Nacatl
Angon	<i>Sanguis</i>	
Onna	<i>Ossa</i>	
Ouoicheinta	<i>Cerebrum.</i>	

## Nomina numerorum.

	Hur.	Mex.	Sankikan.
1	Escate	Ce aut Centetl	Cottè
2	Teni	Ome	Nyffe
3	Hachin	Yei	Nacha
4	Dac	Nahuy	VVyue
5	Ouyche	Maciulli	Parenach



Hur.	Mex.	Sankikan.
------	------	-----------

6	Houdahda	Chicuacen	Cortash
7	Sotaret	Chicome	Nyffas
8	Atteret	Chicuey	Gechas
9	Nechon	Chicunahuni	Pescon
10	Assan	Matlaçtli	Terren
20	T eni qui voiffan.	Zempohualli.	Myffy-nach.
100	Egyo tvvoiffan.	Macuilpohualli	Cot-tapach.

## Confanguinitatis gradus.

Hur.	Mex.
------	------

Ayftan, Aihtaha	<i>Pater</i>	Tahtli
Anan Ondouen	<i>Mater</i>	Nantli
Ayein	<i>Filius</i>	Tepiltzin
Ayein	<i>Filia</i>	Teuchpoch
Ataquen	<i>Frater</i>	Teoquichtiuch
Ataquen	<i>Soror</i>	Tehneltiuch
Achota	<i>Auus</i>	Tecoltzin
Houatinoron	<i>Patruus</i>	Tethahtzin
Achota	<i>Ania</i>	Tezihtzin
Harha	<i>Matertera</i>	Teahuitzin
Earaffé	<i>Cognatus</i>	Tétex

## Dignitatum gradus.

Auhoindiou	<i>Dominus</i>	Teuthli
	<i>Domina</i>	Zihuapilli
	<i>Servus</i>	Tlacoti



## Colorum differentia.

Onienta, Onquata	<i>Candidus</i>	Iztac
Sieinsta	<i>Niger</i>	Tliltic
Odfinquarae)	<i>Viridis</i>	Quiltic
Otsehiaye	<i>Ruber</i>	Chichiltic
	<i>Cæruleus</i>	Texutic
	<i>Luteus</i>	Coztic

## Avium aliquot nomina.

Sondaqua	<i>Aquila</i>	Cuauthtli
Oraquan	<i>Corvus</i>	Acatlotli
Taron	<i>Anas</i>	Canauhtli
Tochingo	<i>Grus</i>	Tocuilcoyolt.

## Quadrupedum nomina.

Sconoton	<i>Cervus</i>	Mazatl
Quenton malisia	<i>Cuniculus</i>	Tuchtli
Anarifqua	<i>Lupus</i>	Cuetlachtli
Gaguenou	<i>Canis</i>	Chichi
Andasatay	<i>Vulpes</i>	Coyotl
Tiron	<i>Felis silvestr.</i>	Miztli.

## Insectorum nomina.

Stinonchoquey	<i>Formica</i>	Azcatl
Tsivoy	<i>Pulex</i>	Tecpin
Touhauc.	<i>Pediculus</i>	Atemitl.

## Ignis &amp; eius accidentia.

Affista	<i>Ignis</i>	Tletl
Ohexra	<i>Ciris</i>	Nextli
		Actfisto-



Aetstiorasse Carbo ardens Tlexochtli  
Tleinsta Carbo extinctus Tecolli.

In omnibus hisce vocabulis eandem rem significantibus videmus summam differentiam: sed frustra quis quærat inter nationes tam longè distitas cum Fr. Gabriel Sagar-  
dus, è cuius Dictionario Huronum vocabu-  
la descripsimus, in præfatione testetur, ipso-  
rum linguam plane esse diuersam à vicino-  
rum Algoumequinorum linguâ, Montagne-  
tarum & Canadentium. Cuius dissimilitu-  
dinis hæc profert exempla. Hurones canem  
vocant *Gagnenon*: Epicerini *Arionce*, Mon-  
tagnetæ *Alimoy*. Hurones mi pater dicunt  
*Aystan*, Canadenses *Notaoui*. Hurones mea  
mater *Anan*, *Ondouen*, Canadenses *Necao-  
ni*. Matertera Huronibus dicitur *Harba*,  
Canadensibus *Neronsisse*, Panis Huronibus  
*Andataroni*, Canadensib. *Paconechigan*. Nô  
te intelligo, Hurones dicunt *Danstantearon-  
ca*, Canadenses *Nomaquinisitotatin*. Expe-  
riamur iam idem in verbis & loquutionib.

Hur.

Mexic.

Naché Quo vadis? Campa tiauh? [ca?  
Tontatsi issa Quomodo vocaris? Tleinmoto-  
Totatse, neckya Quomodo vocatur? Tleitoca  
[on?

Aonhéon Agrotat Cuix Mococohua.  
Ahoüiaken Est Negligens Huelah yel.  
Conuoditte hahattay Estne hac via? Cuix  
yehuatlin inohtli

M



Andachoenne *Mendax* Iztlacatini  
 Xchihay *Ne plora* AhmoXichocā  
 Teskeanki *Vidistine?* Cuix otiquittac  
 Etsondenon *Veni mecum* Tehuatl nona-  
 huac Xihualla  
 To hahattey *Monstra viam* Xinechmo-  
 chti in ochtli  
 Tſirattaé *Cœlum nubilum est.* Cenca huel  
 Yecuichehua incahuit.

Ex his licet paucis satis apparet nullam  
 conuenientiam esse inter has linguas, neque  
 in his verbis, neque in construendi modo:  
 vnum solummodo hic verbum quod non-  
 nullam similitudinem habet Xichihay &  
 Xichoca: cætera toto cœlo differunt. Idem  
 credo appareret si aliorum barbarorum lin-  
 guæ nobis cognitæ essent.

Adjicio hîc vocabula è lingua Maquaasio-  
 rum qui in ea parte Americæ Septentriona-  
 lis degunt quam nostrates vocant *Nouum*  
*Belgium*, quemadmodum à Belgis nostris  
 obseruata inueni.

Partes corporis humani.

<i>Caput</i>	Anonsi,	<i>Capillus</i>	Anochquis,
<i>Aures</i>	Ohochta,	<i>Nasus</i>	Oneyatſa,
<i>Lingua</i>	Ovvanisse,	<i>Guttur</i>	Ohonckvva,
<i>Dentes</i>	Onavvi,	<i>Brachia</i>	Onenta,
<i>Manus</i>	Osnótſa,	<i>Digiti</i>	Onataſſa,
<i>Pollex</i>	Otichkera,	<i>Vngues</i>	Otsira,



*Humerus* Onirare, *Spina dorsi* Oroch-  
quine,  
*Pedes* Ossidau, *Vesica* Onhaha,  
*Pudenda maris* Canderes, *Fœmina* Oneera,  
*Vir* Etli. *Fœmina* Coenhecti.

Cognationum gradus.

*Pater* Ragina, *Mater* Distan,  
*Patruus* Ragenonou, *Cognatus* Rackesie.

Numerorum nomina.

1 Onsat, 2 Tiggeni, 3 Assie, 4 Cayere,  
5 VVisch, 6 Iayack 7 Tladack, 8 Sate-  
gon, 9 Tyochte, 10 Oyere, 40 Tavvalle,  
100 Onscat teneyavve.

Animalium nomina.

*Cervus* Aque, *Felis* Adiron,  
*Vrsus* Ochquari, *Castor* Sinite,  
*Lutra* Iavvine, *Vulpes* Senadondo,  
*Lupus* Ochquoha *Canis* Irhar,  
*Lepus* Tantaneege,  
*Grus* Tali, *Cygnus* Kragequa,  
*Anser* Kahanck, *Aquila* Scaskarivvanasi,  
*Piscis* Cinsye, *Salmo* Ohekeront.

Variarum rerum nomina.

*Sol* Carackvvero, *Stella* Asistock,  
*Aër* Careyago, *Semen* Cana,  
*Lapis* Oieya, *Caro* Ovvare.



<i>Farina</i> Athefera,	<i>Fluvius</i> Canaderage,
<i>Via</i> Iohati,	<i>Lardum</i> Odoffera,
<i>Os</i> ossis Ostie,	<i>Pluvia</i> Esteronde,
<i>Montes</i> Ononda,	<i>Æstas</i> Otteyage,
<i>Hiems</i> Augustuske,	<i>Arundo</i> Oneggeri.

## Verba aliquot.

<i>Sudare</i> VVagideria,	<i>Pingere</i> Endatkona,
<i>Pugnare</i> Ioddireyo,	dere,
<i>Dormire</i> Aghidavve	<i>Concumbere</i> Sinexati
<i>Plorare</i> Onstara.	<i>Ridere</i> Aquayesse,

## Colorum nomina.

<i>Candidum</i> Crage,	<i>Nigrum</i> Cahonsye
<i>Cianeum</i> Ossiuenta,	<i>Rubrum</i> Onegonseia.

## Adjectiua.

<i>Magnus</i> Quane,	<i>Parvus</i> Canyevva,
<i>Latus</i> VVotstooha,	<i>Crassus</i> Cates,
<i>Æger</i> Agthihi	<i>Mortuus</i> Avvaheya,
<i>Malus</i> Aquinachoo,	<i>Fortis</i> Asserie,
<i>Curvus</i> Carente,	<i>Pulcher</i> Iankonque,
<i>Pauper</i> Agotsioha,	<i>Nequam</i> Scronquaese.

Operæpretium fuisset etiam linguam Cus-  
censem cum aliarum gētium Americae me-  
ridionalis linguis cōferre: sed nullus auctor  
ad manū ex quo petere possimus nisi admo-  
dum pauca. Obseruat Garcilassus de lauega,  
Patres liberos suos vocare *Churith*, matres  
autem *Vani*, item fratres se inuicē appellare



*Huanque*, sorores *Nanna*: Si autem frater sororem alloquatur, dicit *Pana* non autem *Nanna*, ne & se fœminam profiteatur: Soror autem ob similem causam fratrem compellans non dicit *Huanque*, sed *Tora*; nec sororem compellans *Pana* sed *Nanna*. Quæ nihil commune habent cum Mexicanorum idiomate; vti *Vnu* aqua quæ Mexicanis *Atla*. Peruani *Ylla pantac* vocant tonitruum cum fulmine conjunctim: Mexicani vocant Tonitruum *Tlatlatzinil*, fulmen *Tlahuetequiliztli*.

In eadem Peruvia obseruat Petrus de Cieca, Pontem è saxo constructum appellari *Lumichaca*: apud alios *Gorron* piscis: *Anzer* Sal. Apud Peruvianos *Sopay* malus dæmon qui illos exagitat. *Vrco* aries, *Llama* ovis qualis ipsis domestica nostratibus nequaquam similis. *Camac* Creator, *Pacha* mundus. *Mocha* Sol apud incolas Taramæ provinciae Peru. Collæ amplissima natio, Annum vocant Mari: Lunam & mensem *Alespaquexe*, diem *Anro*. Verum obseruat Cieca cap. 116. Tantam inter incolas illius tractus fuisse linguarum diuersarum multitudinem, vt singulæ pene provinciae haberent peculiarem, licet postquam ab Ingis fuerunt subiugati etiam Cuscensem intelligerent & loquerentur.

In eadem hac Meridionali America latissime se diffundit lingua Brasiliensium, licet



ſuis dialectis diſtincta: eius hic ſpecimen  
dabo vt comparatio à curioſis inſtitui poſ-  
ſit, eique adjungam linguam eorum popu-  
lorum quos appellant Iaos, qui incolunt  
inter duo nobilia flumina Amazonum &  
Oronoqui.

## Partes corporis humani.

Bras.		Iaos.
Acânga	Caput	Boppe
Abâ	Capilli	
Ciba	Frons	
Nambî	Aures	Pannaëc
Teca	Oculus	Vocre
Apiingoâra	Nares	Hoenaaly
Iurû	Os	Hopatali
Tanha	Dentes	Hioecely
Apecû	Lingua	
Aiûra	Collum	Boppomery
Potiâ	Pectus	Pyelupo
Atiiba	Humerus	Hoomotaly
Aceôca	Guttur	Ieene
Gibâ	Brachium	Iapelly
Inbô	Manus	
Popitêra	Palma	
Mua	Digitus	
Micapê	Ungues	
Tiguê	Venter	Holopotaly
Puruâ	Umbilicus	
Atucupê	Dorsum	



Piâ	<i>Iccur</i>	
Nhiâ	<i>Cor</i>	Hoppelabolle
Piriquity	<i>Renes</i>	
Cama	<i>Mamma</i>	Mannaty
Vba	<i>Femur</i>	
Tendipiâ	<i>Genua</i>	Goenaly
Tetimâ	<i>Crura</i>	Pollely
Pî	<i>Pedes.</i>	Poepu

## Consanguinitatis gradus.

Tuba	<i>Pater</i>	Papa
Cîg	<i>Mater</i>	
Taira	<i>Filius</i>	Moron
Tagîra	<i>Filia</i>	Comi
Tigueîra	<i>Frater</i>	Ourony
Teindîra	<i>Soror</i>	Comi
Tutîra	<i>Patruus</i>	
Ciîra	<i>Matertera</i>	
Tamuja	<i>Anus</i>	
Aija	<i>Ania.</i>	

## Promiscua nomina.

Abâ	<i>Vir</i>	
Pitanga	<i>Infans</i>	
Cunumi	<i>Puer</i>	
Cunumigoacu	<i>Adolescens</i>	
Cunha	<i>Mulier</i>	
Cunhatai	<i>Puella</i>	
Ibâca	<i>Cælum</i>	Capou
		M iij



Coaran	<i>Sol</i>	VVeyo
Iau	<i>Luna</i>	Nonna
Iautatâ	<i>Stella</i>	Chirika
Ibitinga	<i>Nubes</i>	
Amana	<i>Pluvia</i>	Kenape
Amanibâ	<i>Grando</i>	
Ibutâ	<i>Ventus</i>	Pepeite
Amancunuga	<i>Tonitru</i>	Tonimeron
Amanbuaba	<i>Fulgur</i>	
Tupa uel Tupana	<i>Deus</i>	
Iurupari	<i>Diabolus</i>	
Angâ	<i>Anima</i>	
Tetê	<i>Corpus humanum</i>	
Tatâ	<i>Ignis</i>	Ouapoto
Iy	<i>Aqua</i>	
Ibî	<i>Terra</i>	Soye
Ara	<i>Aër</i>	Pepeite
Miapê	<i>Panis</i>	
Coô	<i>Caro</i>	
Pirâ	<i>Piscis</i>	
Oca	<i>Domus</i>	
Tâba	<i>Pagus</i>	
Moroaucupara	<i>Amicus</i>	Baino
Amotarennbâra	<i>Inimicus</i>	
Nheengû	<i>Mutus</i>	
Abâ ecapicoeima	<i>Cæcus</i>	
Iba	<i>Arbor</i>	VVeve
Ibirapâra	<i>Arcus</i>	Hoerappe
Vûba	<i>Sagitta</i>	Mapporoe
Paranâ	<i>Mare</i>	Parona



Itâ	Lapis	Tapou
Cuauî	Cervus	Oussari
Iaguarete	Tigris	Aroua
Tajatuiguata	Aper	Pingo
Ting	Candidum	Topocoume
Cun	Nigrum	Topioroume
Inbaeu	Edere	Ouaonine
Vû	Bibere	Euenike
Quera	Dormire	Vniguené
Iaeô	Porare	Ouamome
Puca	Ridere	

## Numerorum Nomina.

Br.

Iay.

1 Oyepe	Tevvyn
2 Mocoj	Tage
3 Mocapira	Terrevvavv
4 Oioirundi	Tagyne
5	Mepatoen
6 Reliquis carent,	Tevvyn Ieclyckene
7 sed digitis ma-	Tage Iecklyckene
8 num & pedum	Terrevvavv Ieclyckene
9 ostendūt maiores	Tagyne Ieclyckene
10 numeros, & si	Iemerale mepatoen
11 proprij non fuffi-	Tevvine abopene
12 ciunt aliorum	Habopboppene
20 quoque ostentāt.	Pemoene

Obferuandū autem apud Mexicanos  
numerorum nomina simplicia esse vsque



ad quinque, ab eo incipiunt duplicare ut chichuacen, &c. Eundem autem morem videre est apud Yaos, nisi quod illi superiores numeros in principio adjiciant, Mexicani in fine. Decem Mexicani proprio nomine efferunt, ita & Yai.

Hoc quoque hic notandum, Hurones hariolos suos, quibus & medicis utuntur, appellare *Loki*, quæ vox magnam affinitatem habet cum Anglo-Saxonum voce *Lake* quæ ipsis medicum sonat, uti Lacedom medicinam.

Insularium, qui penitus ab Hispanis extincti, pauca admodum vocabula accepimus. Petrus Martyr scribit Hispaniolæ incolæ, vocasse Cœlum *tures*: domum *bóá*, aurum *cauni*, virum bonum, *tayno*, nihil *mayáni*. Idem dec. 3. Aduertendum est, inquit, nullam inesse adspirationem vocabulis ipsorum, quæ non habeat effectum literæ consonantis: imo grauius adspirationem proferunt, quam nos *f*, consonantem. Proferendumque est quicquid est adspiratum eodem halitu quo *f*, sed minimè admoto ad superiores dentes inferiori labello: ore autem aperto, ha, he, hi, ho, hu, & concusso pectore. Hebræos & Arabicos eodem modo suas proferre adspirationes video. Ibi- dem c. 8. hæc verba notat. *Teitoca* esto quietus: *Techeta cynato guamechyna* Dominus multum irascetur: *Guaibbâ* vade.



## OBSERVATIO SEXTA.

**O** Peræpretium quoque fuerit obseruare, quam notitiam numinis habeant barbari, & quem cultum illi vel falso impendant.

Fr. Sagardus in Historia sua de Huronibus cap. 18. de religione barbarorum obseruat; Eos qui versus *Miskou* & Portum regalem incolunt, venerari Spiritum quendam quem appellant Cudoüangi, & mirâ de illo credere quæ Spiritui maligno optimè cõueniant. Souriquosios, vti ab aliis acceperat, omnino credere vnum esse Deum qui omnia creauerit, dein plures in terram defixerit sagittas, è quibus hominum genus ortum & propagatum fuerit, sub illo tamen adhuc credere Filium, Solem & Matrem; quorum filius quidem & Sol boni sint, mater autem pessima, vtpote quæ homines deuoret: nec Patrem vsquequaque bonum esse; & similia deliria. Hurones autem, de quibus ipsi potissimum sermo, credere (quamquam non bene sibi consent) Creatorem qui fecerit mundum vocari *Tosacha* & lingua Canadensium *Atachacan*: huic adhuc superesse auiam *Ataensiq.* Vtrumque procul à se degere, neque sibi quicquam de illis comperitum, nisi quod à quodam Aattiouadaron acceperint, qui se illum vidisse asserat, &



vestigia pedum illius in rupe quadam ad ripam fluminis, tuguriumque illius nihil à cæterorum barbarorum casis differre, sementem quoque facere, aliaque ut cæteri homines; imperium tamen habere in omnes animantes. Hunc natura perfecte bonum esse & rebus omnibus incrementum largiri: Auiam autem scelestam esse & sæpe perdere quæ nepos largiretur. Illum numquam mori, sed ubi senuit, reiuuenescere. Suspiciunt quoque spiritus quosdam, quos generali nomine vocant *Oki*, tam propitios quam malignos: atque adeo hanc vocem usurpant de omnibus, quæ captum ipsorum superant.

Credunt quoque animarum immortalitatem, easque à corpore solutas, astra petere & per viam lacteam (quam propterea appellant *Atiskein Andabarey*, id est semitam animarum) contendere ad *Yosacham*, ut coram eo & auia eius choreas agant. Non tamē à necessitatibus corporis post obitum absolui, quare vnâ cum cadaueribus varia utensilia tumulant, ut iis in altero orbe uti possint.

Barbari quos *Ioannes Davis* inuenit ad fretum sui nominis, idololatræ sunt & incantatores. plurimas imagines etiam in cymbis suis circumferunt.

Vvilhelmus Baffin (qui & freto à se lustrato nomen dedit) narrat incolas Gron.



landiæ, Solem venerari; nam Anglis appropinquantes pectora tundeant & exclamabant *Iliout*, neque propius accedere sustinebant, antequam Angli idem fecissent.

Barbari qui in parte Nouæ Franciæ degunt, credunt Diabolum esse Deum, licet illum non adorent: magicis artibus supra modum indulgent. Qui iuxta fluuium Sagadahoc incolunt, quendam malignum spiritum nominant *Tanto*, qui illos singulis nouiluniis exagitat, & cogit illos metu ad sui venerationem: malum enim ipsi agnoscunt.

Incolæ Virginiae (vt refert Thomas Herriot) credunt multos esse Deos, quos appellant *Mantoc*, sed diuersorum graduum; vnum tantum principem & magnum Deum, qui fuerit ab æterno. Qui cum proposuisset mundum condere, fecit primum alios Deos principalis ordinis, quibus veluti mediis & instrumentis vteretur in creatione & gubernatione secutura: & postea Solem, Lunam, stellas vt paruos Deos & priorum illorum instrumenta. Credunt omnes illos Deos formam habere humanam, quare eos eiusmodi imaginibus repræsentant; quas vocant *Kevuasovnock*; vna sola dicitur *Kevuas*. Has collocant in ædiculis aut templis, quæ vocant *Machikomuck*, vbi orant, cantant, & sæpe immolant. Credunt immortalitatem animarum: easque à corpore



solutas, statim secundum opera quæ fecerint, aut deferri ad cœlum, habitaculum Deorum, ut ibi perpetua felicitate fruantur: aut ad ingentem puteum subterraneum in Occidentali parte terrarum illarum, in quo perpetuo vrantur. Hunc vocant Popogusso.

Alij in eodem tractu præcipue venerantur Diabolum, quem vocant *Oke*; habentque in adoratoriis suis illius imaginem horribili forma. Alij eundem appellant *Menetto* vel *Menutto*. Vtrumque autem nomen etiam attribuunt omnibus rebus quæ ipsis mirabiles videntur.

Floridani qui ad mare degunt, videntur Solem imprimis venerari, nam abluunt se ante illius ortum, itemque post occasum; nec cibum capiunt antequam hæc peregerint. Alij quidam qui intra Continentem degunt, venerantur numen aliquod quod *Aguar* vocant & in cœlo habitare autumant, ipsisque pluuias & alia necessaria largiri.

Incolæ iuxta Ceuolam aut Cibolam præcipue Aquam venerari creduntur, quia de fementi incrementum.

Incolas Nouæ Mexicanæ, referunt Hispani, multa idola colere, & in singulis penædibus habere oratorium Diabolo adornatum, in quo ipsi cibum apponunt,

De Mexicanorum religione & cultu multa



diximus in Americæ descriptione, quæ non repetimus. Videndus Iosephus de Acoſta, qui ſcribit eos primo loco coluiſſe Vitziliputzli, quem tota illa natio nominabat omnipotentem, & dominum omnis creaturæ. Poſt quem Solem adorabant. Bene autem obſeruat, diabolum cum non poſſet ex animis hominum eximere ſummum illum Deum, id dediffe operam vt illis perſuaderet, præter eum etiam plures alios eſſe qui propriam haberent potentiam & authoritatem, ad bene aut male faciendum hominibus, atque hanc perſuaſionem difficillime admodum illis adimi. Idem lib. 5. cap. 10. ſcribit Reges Ingas feciſſe ſtatuas è ſaxo ſibi ſimiles, quas appellabant *Guaoiquies*, id eſt germanos, quibus eadem veneratio impendebatur quæ ipsis. Qualem Nebucadnezarem ſibi feciſſe legimus in S. Scriptura. Neque hic quicquam repetimus de Iucatanenſibus, de quibus ſupra diximus.

Denique totus ille terrarum tractus qui ab Noua Hiſpania pertinet ad Iſtumum Panamenſem, quoad ſuperſtitioſos ritus, cultum Diaboli & hominum euſcerationes atque immolationes non multum differt à Mexicanis.

Sed tranſeamus iam ad meridionalem Americam. Qui Darienem prouinciam incolabant, nulla habebant templa aut adora-



toria ; præcipue venerabantur Diabolum qui horrenda forma interdum iis appar-  
bat : credunt tamen vnum Deum esse in cœ-  
lis , nimirum , Solem & Lunam eius coniu-  
gem , itaque illos venerantur . In Vrakā co-  
lunt superstitiose idolum Dabaibæ ; cui &  
mancipia immolant ; ferunt autem eam esse  
matrem Creatoris omnium rerum .

In prouincia quam hodie vocant *Sancta  
Martha* venerantur Solem & Lunam , iisque  
suffumant varias gerbas . Mancipia quoque  
immolant .

Eorum qui Cumanam incolunt , Dij sunt  
Sol & Luna , maritus & coniux & suprema  
numina . Quum tonat & fulgurat admodum  
sibi metuunt , Solem iratum credentes : inter  
idola sua , quæ venerantur , potissimum ha-  
bent vnum figura Crucis Sancti Andreæ ,  
quam credunt se munire aduersus dæmo-  
nes nocturnos ; & collis infantium appen-  
dunt .

Qui inter Oronoquen & flumen Ama-  
zonum degunt aut potius incertis sedi-  
bus vagantur , habent magos suos , qui-  
bus valde obnoxij sunt , quia & medici-  
nam inter eos exercent & vitæ mortisque  
veluti arbitri sunt , qui variis præstigiis il-  
los miseros terrent . Cæterum Solem &  
Lunam venerantur , quæ sidera viuentia opi-  
nantur , non tamen ea adorant aut iis quic-  
quam immolant . Præter paucos , præsertim  
Yaos



Yaos, qui pro numine colunt *Tamoucm*, quem in superiore aëris regione degere & inferiora hæc pro nutu suo regere profitentur. Credunt animas defunctorum qui bene egerunt, transferri ad cælum quod vocant *Caupo*, quæ male egerunt, ad *Soy* quod in visceribus terræ collocant, defuncto aliquo è primoribus mancipium eius cædunt ut illi ministret in altera vita.

Marashavvacæ qui procul intra continentem agunt, colunt Idolum saxetum inde ad id constructa. Formam hominis repræsentat sedentis super calces suas, genibus diuaticatis quibus cubitis innititur, palmis explicitis, & ore hiante.

In interiori regione, quam magnum flumen Magdalænæ secatur, hodie vocatur novum regnum Granadæ, plerique barbari diabolum colunt, eique & idola fabricant, & captivos suos crudeliter immolant.

De Brasiliensium religione multi multa scripserunt, & nos compendio diximus in Americæ descriptione. Summa est, illos neque ullum Deum novisse, neque adorare quicquam: quare neque ullum nomen in ipsorum lingua reperitur quo Deum exprimas, nisi forte *Тиръ* quo excellentiam quandam summam designant: unde Tonitru vocant *Тиръ си-ninga*, id est strepitum factum à suprema excellentia, ab *асининъ* strepere. Fulgur autem *Тиръ беръба*, id est splendorem excellentiæ,



ab *aberâb* resplendere. Cœlum & inferos pariter ignorant: licet animas post separationem à corpore superesse credant, & nonnunquam in dæmones conuerti, & ad campos irriguos, variisque arboribus amœnè confitos traductas ibidem choreas agere. Spiritus malignos impensè metunt, quos *Curipira*, *Taguaj*, *Macachera*, *Anhanga*, *Iurupari*, *Marangi goana* vocant: sed diuersis significationibus. Nam *Curipira* significat numen montium. *Macachera* numen viarum viatores præcedens: Petiguares fingunt boni nuntij paranympum: è contra *Tupiguaes* & *Caryoes* medicum humanæ salutis hostem. *Iurupari* & *Anhanga* significant simpliciter Diabolum. *Marangi goana* non significat numen, sed animam separatam, vel aliud quid instantem mortem prænuntians, ipsismet non satis notum, & tamen illud maxime timent; ita vt interdum subito illius terrore exanimentur. Multos habet inter se magos & præstigiatores quos vocant *Page*; & *Caraiba* est illis potestas miracula perpetrandi: quare Lusitanos, quia multa faciebant ipsorum captū superantia, vocabant *Caraibas*, etiam hodie. Alij barbari eiusdem tractus spiritus illos malignos vocant *Coropio*, vt Antonius Kniuenis refert, alij *Aignan* vti Lerijs: Alij quoque eosdem vocant *Anasaly*; quos supra modum metunt. Differunt omnes hæ natio-



nes in variis, sed eadem pene Idololatria & superstitio inter illas obtinet. Nec alia est ratio innumerarum prope gentium quæ intra continentem ad vtramque ripam magni fluminis *de la Plata* degunt.

De Chilensium religione nihil certi accepimus: quam illos communiter iutare per dæmoniū quod vocant Eponamon, quum fidem suā obligare volunt. De Peruvianorū prolixè scripsit Acosta, & nos compendio quædam iam ante diximus, plura autem in Americæ descriptione. Hic tantum hoc addo, quum Idololatriæ obiectum sit, & aliqua generatim, vt Sol, Luna, ignis, &c. aut particulatim, vt hic aut ille fons, mons, arbor & similia in quibus non species, sed indiuiduum colitur: Peruvianos in posteriore hac Idololatriæ specie omnes gentiles longè superasse, ex qua ipsis natæ innumerales quas vocant Guacas.

Ex omnibus autem quæ diximus apparet gentes vtriusque Americæ, quasdam habere leuem quandam Dei cognitionem, easque omnes esse Idololatrias; plerasque omnino nullam. Sed à maligno spiritu regi & misere torqueri. Plurimasque adeo omnem humanitatem pene exuisse.



**D**E Politico eorum regimine aliquid dicendum puto, quia ex eo quoque indicium originis capi potest. Duæ omnino prouinciæ hic repertæ quæ iusti imperij formam habebant, quum Hispani illas intrarent; in Septentrionali quidem parte Mexicana, in Australi Peruuia. De quibus non est necesse plura dicere, quum Acoſta in ſua Hiſtoria plene explicauerit, & nos in Hiſtoria Americæ.

Apud multas præterea nationes inuenta fuit aliqua ſaltem regiminis politici forma quamquam admodum laxa & imperfecta. Nam docet nos F. Sagardus, Hurones habere aliquam reipub. formam, quippe & principes aut duces ſuos agnoſcere, qui dignitatem illam ad liberos transmittant: eoſque eſſe duplicis functionis, vnos res bellicas tantum curare & *Garihona doutagueta* appellari, alteros rem ciuilem & *Garihona andionxra* dici, qui & alios ſub ſe habeant præfectos in ſingulis municipiis & pagis ſuæ prouinciæ, atque hoſ ſe cum regibus Europæ comparare. Illis & ſuum eſſe conſilium publicum conſtans è ſenioribus municipij atque prouinciæ, qui præconio in domum principis aduocentur; vbi princeps deliberaſſenda proponit, & cæteri ſuo ordine ſententiam dicunt.



Ita & Hochelagenſes, vt refert *Quartieri*, habebant ſuum principem, *Agouhanam*, quem ſummopere venerabantur, & ferarum pellibus inſidentem, inque humeros ſublato circumgeſtabant.

*Souriquoſis*, *Attegouautanis*, aliſque plurimis nulli perpetui duces, pro occaſione belli eliguntur deſtituunturque, quos variis nominibus appellant. Alij *Sagamos* quod apud multas gentes uſurpatum in noua Anglia, Belgioque & parte Virginiae. *Souriquoſij* autem præter eos habent ariolos ſuos, quos vocant *Autmoins*, tanta dignatione, vt ipſi reguli plerumque id enim munus affectent & obeant. Alij qui partem illam incolunt quæ hodie Virginia dicitur, ad magnum ſinum *Chesapeake*, regulos ſuos appellant *Vveroancees*, & inter eos authoritate præcipuus ab Anglis commemoratur *Pavvhatan*, Idem nomen agnoſcunt, & illi Virginiae populi quos *Raleghus* primum adiit.

Porro Floridani duces ſuos quos habent innumeros pene in ſingulis prouinciis, vocant *Paracoſſi*.

*Tlaſcalenſibus*, qui Mexicanis vicini, Hiſpanis aditum aperuerunt ad oppidum Mexico ſubiugandum & imperium illud deſtruendum; Democraticum vel potius *Aſtocraticum* erat imperium.

*Mechoacani* etiam ſuum regulum tunc



habebant satis late imperantem. Ad eundem modum & alia prouincia in illo tractu, de quibus singulatim dicere longum esset.

In illa autem Californiæ parte, quam Franciscus Dracus Nouam Albion appellauit, inuentus regulus, qui magna pompa ad Anglos accessit, cum magno satellitum agmine, quorum vnus sceptrum præferebat, cum duabus coronis, quæ e plumis erant confectæ.

Insulares quoque, qui Hispaniolam & Cubam inhabitabant, plures regulos habuerunt, (quos illi Casiques vel Cacices appellabant,) alios aliis potentiores.

De insularibus qui Lucaias aut, vt ille vocat, Lucaias inhabitabant narrat, decad. 7. Regulos habet, his parent adeo reuerenter, vt si cuiquam præcipitium ex alta rupe aut vertice quouis imperauerit, nulla ratione adducta in medium alia, præterquam impero vt dejicias te, sine mora reguli dictum exequitur. Nulla est regi alia cura præterquàm de semetibus & venatu ac piscatione. Quicquid feritur, quicquid plantatur, &c. ad Regis imperium fit. Viritim officia diuidit ad libitum: collectæ fruges in regis coacervantur horreis: inde ad vsum populi toto anno pro cuiusque familia diuiduntur. Est ergo Regulus, vti rex apum, sui gregis æconomus & distributor.



Sed iam ad partem meridionalem transeamus : narrat Petrus Martyr dec. II. Regem quem Hispaniola Cacicum vocat, Coiba prouincia *Chebin* alibi *Tiba* : Nobilem appellat Hispaniola *Taino* : Coiba *Saccum*, alibi *Iura*. Animaduertendum autem hîc quod dicitur de *Taino*, quod accedit ad Anglosaxonum *Thegne*, quem & latine Thanum & Tainum vocant.

Idem narrat Pariensibus fuisse regulos tanquam annuos rectores vicorum primarios tantum, quos cæteri, siue bello siue pace sit agendum, sequebantur : eos autem optimates vno nomine ab ipsis *Chiaconos* appellatos.

In interiore autem continente, quæquæ Regnum nouum Granatense patet, plurimi quoque Reguli fuerunt, alij latius alij angustius imperantes, an autem peculiari nomine appellarint non obseruauî.

In Popaiana, quæ est amplissima ( vt scribit Petrus de Cieca ) nulli erant reguli, sed vicatim viuebant incolæ.

Inde peruenitur ad Peruuiam, de qua abunde dixi in descriptione Americæ. Hic tamen obiter adjiciam quæ narrat Petrus de Cieca in prima parte Chronici Peruuia, cap. 38.

Ex relatione, inquit, Indorum Cuscensium intelligitur, antiquitus in omnibus illis prouinciis quas hodie appellamus Peru,



summam fuisse confusionem: & incolas ingenio fuisse tam bardo vt vix credi possit; dicunt enim fuisse brutales, multos comedisse carnem humanam, plures se copulasse cum filiabus atque etiam matribus suis; commisisse præterea alia maiora & grauiora peccata, & magnum obsequiū præstitisse dæmoni. Habebant in iugis montium & collium castella, è quibus ob leuissimas causas bellum vicinis inferebant, & cædebant atque captiuabant quotquot poterant. Et licet hisce peccatis & sceleribus essent addicti, nonnullos tamen aliquam curam habuisse religionis: ita vt in multis partibus huius regni magna templa fuerint constructa, in quibus diabolus colebatur (qui sæpe se illis videndum offerebat) & idolis immolabant. Et quum incolæ harum prouinciarum ad hunc modum viuerent, surrexerunt grandes tyranni in prouinciis Col-lao & in vallibus Yungarum, & in aliis partibus; qui inter se belligerabant, & magnam vastitatem terris & clades hominibus inferebant, ita vt multa castella excinderentur; & hæc ferocia atque sæuitia in dies incrementum capiebat. Hæc quum ita se haberent in hisce prouinciis, duo germani quorum alter dicebatur Mangocapa, se supra alios extulerunt. Hic ædificauit oppidum Cusco, & tulit leges; ipseque & eius posterum se dixerunt Ingas, id est reges, seu



maiores principes. Tantúmque aliis præualuerunt, vt imperium extenderent à Pasto ad Chilen longitudine mille & ducentarum leucarum.

Quæ hîc proluxius retuli, vt intelligant lectores quam probabiliter vir Clariss. has gentes & imprimis Mangocapam à Sinis accersat. Acosta denique scribit lib. 5. cap. 4. Ingarum insignia fuisse arcum cœlestem cum duobus anguibus ad latera secundum longitudinem.

Chilenses quoque duces suos & superiores agnoscunt vocântque *Ape*, quanquam non sit tanta illorum dignitas quanta Regum aut Principum.

Post hos sequuntur iam barbarissimæ gentes quæ ad Fretum vsque Magallanicû pertingunt: atque ab illo, ( vt alteram iam oram obeamus ) pertinent vsque ad magnum flumen de la Plata & ultra: nam licet variæ sint nationes, linguis & moribus diuersæ, tamen eadem est feritas, eadem omnis humani cultus & imprimis politici ordinis ignorantia. Neque melius cum illis comparatum est, qui intra Continentem degunt, vti in Historia nostra obseruauimus.

De Brasiliensibus, qui amplissimas regiones occupant ad mare Atlanticum, narrat Lerus: Etsi reges aut principes inter se nullos habeant, sed pares sint ferè dignitate;



tamen hoc illis à natura inditum est, vt seniores, quos *Peoreru pickeh* nominant, propter rerum experientiam suspiciant & obseruent: in singulis itaque pagis non aspernandum illis præstatur obsequiũ. Oblata hi occasione vel inambulantes, aut lectis suis pensilibus insidentes cæteros ad fortitudinem hortantur. Inter alios tamen huius gentis populos etiam regulos habent, quos vocant *Murabixâba* & duces belli, quos vocant *Marâna îba*, milites autem *Marana abicoâra*.

## OBSERVATIO OCTAVA.

**D**icendum quoque aliquid de statura horum incolarum & proceritate aut pusillitate corporum; de gigantum ossibus & in Mexico & in Manta inuentis nihil repetam, ea tantum persequar quæ adhuc hodie videntur.

Narrant Angli se ad intimum sinus *Chesapeake* gremium inuenisse populum barbarorum, qui *Sasquesahanoxi* dicuntur, proceros admodum, & qui præ Anglis & vicinis suis barbaris gigantes videri possint, Iconem vnius dedimus in Historia Americæ lib. 3. cap. 14. Huius crura iuxta furas, tres quartas partes vlnæ Anglicæ crassa erant, è quibus reliqua corporis moles æstimari potest: cæterũ membris erat bene compositis,



& decorus aspectu, coma capitis supra dextrum humerum promissa, læua capitis parte rafa, & à fronte ad occiput per medium verticem instar cristæ erectâ. Contrâ in eadem pene regione memorant VVigcomocos pusillo corpore instar nanorum.

Narrat & Nicolaus Duran è societate Iesu, Anno cio 15 cxxvi. In hisce regionibus (loquitur de Paraguana) etiam gentem sermonē adeo terfo vtentem reperi, vt elegantia ac nitore Latino parum cedere videatur: adeo copiosus est vt quatuor Deum sy nymis exprimat. Particulæ ac verba sunt geminata: ita vt vehementer sim admiratus tam cultum idioma in gente tam barbara reperiri: non ij tamen se barbaros arbitrantur: pro totius enim Indiæ generosissimis atque inuictissimis se gerunt? statura sunt adeo præalta vt extento brachio eorum vix capita attingere possim: alacri comique ingenio sunt, atque incredibili in quiduis ex Europa allatum auiditate feruntur.

Quæ Magallanus de gigantibus ad fretum Magallanicum prodidit, ea falsi coarguunt Angli qui cum Draco ibidem fuerūt: agnoscunt quidem proceros admodum esse, sed non tantum Europæos excēdere vt pro gigantibus haberi possint.

Nostrates quoque qui postea eadem loca adierunt, nullos ibidem gigantea statura inuenerunt, ita vt illud in medio relinquamus.



Considerandus quoque reliquus corporum habitus. Quos Martinus Forbisherus ad fretum sui nominis inuenit, ij erant lata facie, grandibus oculis, rubrica faciem picti. Canadenses quoque vnctionibus suis colorem mutant, quem à natiuitate nostro similem habent, ab vnctura oliuastrum. Armouchiquosios, scribit Quarterius, esse deformes, exiguis capitibus, brachiis gracilibus vti & fœmoribus, longis cruribus: ita vt iusta membrorum proportio desit.

Virginienſes quoque ſe pingunt miris modis, & quo pictura deformior eſt, eo magis ipsis placet: alioqui candidi nascuntur.

Floridani his vicini cutem primum pungunt, deinde herba quadam pingunt colore qui elui non potest. In quibusdam Floridae partibus quæ magis ad Austrum vergunt, tradiderunt Hispani, iuxta *Autem* homines esse gigantea statura, optimos sagittarios.

De Patarabuyis qui nouam Mexicanam incolunt, narrant Hispani, eos quoque esse vasto corpore, & faciem brachia & crura punctulis distinguere.

Cæterum populi qui Nouam Hispaniam & vicinas prouincias ad Isthmum vsque Panamæ & vltra incolunt, fere eiusdem sunt conditionis quantum ad staturam, licet in cultu corporum non parum differant.



In meridionali parte Americæ se tantum pingunt quum prodeunt in bellum, in provincia Dariene. Plurimi autem & in illa continenti & adjacentibus insulis corpora sua rubrica tingunt.

Marashavvacæ, Caribum natio, aures dicuntur habere supra fidem longas. Omnes autem isti Caribes sæuissimi sunt Anthropophagi: licet etiam infiniti pene alij populi in hac parte Americæ eadem infamia notentur.

Petrus de Cieca scribit, Canchos qui in vicinia Anzermæ degebant, fuisse tam vasto corpore vt parui gigantes videri possent.

His proximi sunt licet magno interuallo Brasilienses, in quibus nihil deforme obseruant, præter depressum & latum nasum; cutem autem inficiunt succo è fructu Genipapo expresso, qui atrium colorem inducit, sed tantum ad aliquot dies. Quidam eorum & cutem incidunt, & notant quibusdam punctulis & secturis. Alij & vasto corpore esse narrantur, vt *VVaymores*, & iis adhuc proceriores *VVaytaquazes* iuxta promontorium frigidum. Contra *VVaynasses* pumilo corpore esse dicuntur, qui Insulam grandem incolunt; vti & *Pories* procul intra continentem degentes. Cæterarum gentium ad mare Atlanticum vsque ad Fretum Magallanicum, & trans illud ad mare Pacificum, vsque ad Chilen pene idem



est corporum habitus, præter paucos de quibus iam ante diximus.

In Chilenſibus, vti neque in Peruanis quicquam occurrit quo ad ſtaturam corporis; cultiores ſunt reliquis omnibus barbaris, qui partem hanc Americæ incolunt: vbi Quito tranſieris vſque ad Iſthmum Panamæ eadem eſt barbaries & ferocitas; paucae in hac parte Americæ ſunt gentes, quæ aut non guſtarint carnes humanas, aut non hodiæque appetant, præter eas quæ jugum Hiſpanicum acceperunt.

Vt autem appareat quam frequens incolis America olim fuerit vſque ad aduentum Hiſpanorum, breuiter hic ratio ineunda myriadum, quas illi exciderunt. In Inſula Hiſpaniola ex tribus myriadibus hominum; cum Bartholomæus de las Caſas ſcriberet ad Carolum V. Imperatorem, vix trecenti erant reliqui, nunc nulli: magna illa Inſula hodie vix à viginti millibus poſſidetur, longe maximam partem nigris.

Cuba & aliæ inſulæ ad eundem modum indigenis exhaustæ, & in Continenti aliquot prouinciæ, haud minores Hiſpaniæ ſingulæ, in quibus haud minus quam duodecim myriades exciſæ.

In Noua Hiſpania & vicinis prouinciis ab anno 1518. ad 1530. ſupra quatuor myriades exciſæ.

In Naco & Honduris ab anno 1524. ad



1535. supra duas myriades. In Guatimala ab anno 1524. ad 1540. ad quatuor aut quinque myriades. Nec minor numerus in prouincia S. Marthæ.

In Venezuela quatuor aut quinque myriades breui tempore perierunt.

Tædiosum esset singula persequi, videmus iam ad triginta myriadas deletas, & quantula pars est huius vastæ continentis, in qua hæc facta narrantur. Si his Peruuiana excidia, si Brasiliانا, si ea quæ ad flumen de la Plata facta sunt adiungerentur, quantus myriadum numerus fieret. Ex hisce autem apparet quam frequentes incolis inuenerint has regiones Hispani: & multæ adhuc sunt prouinciæ incognitæ, quas habitari satis constat.

#### OBSERVATIO NONA.

**D**icendum quoque aliquid de connubiis, & quæ ad familias pertinent, quia ex iis quoque inditium gentilitatis capi potest. Quia autem de singulis populis dicere nimis longum est, de pluribus obiter dicam; & quidem primùm in Septentrionali parte.

F. Sagardus de Huronibus scribit in hunc modum: Nous lisons que Cēsar loüoit grãdement les Allemans, d'auoir eu en leur ancienne vie sauuage telle continence, qu'ils reputoient chose tres-vilaine à vn ieune



homme, d'avoir la compagnie d'une femme ou fille avant l'age de vingt ans. Au contraire des garçons & ieunes hommes de Canada, & particulièrement du pais de nos Hurons, lesquels ont licence de s'addonner au mal si tost qu'ils peuvent, & les ieunes filles de se prostituer si tost qu'elles en sont capables, voire mesme les peres & meres sont souuent maquereaux de leurs propres filles. Plusieurs ieunes hommes au lieu de se marier, tiennent & ont souuent des filles à pot & à feu, qu'ils appellent non-femmes, *Atenonha*, parce que la ceremonie du mariage n'en a point esté faite, ains *Asqua*, c'est à dire compagne, ou plustost concubine, &c. Describit dein ritus matrimonij, quos nihil attinet hic referre. Ils gardent trois degrez de consanguinité, dans lesquels ils n'ont point accoustumé de faire mariage : sçavoir est du fils avec sa mere, du pere avec sa fille, du frere avec sa sœur, & du cousin avec sa cousine. Non seulement les hommes procurent divorce quand les femmes leur en ont donné quelque sujet; mais aussi les femmes quittent facilement leurs marys quand ils ne leur agreent point. Les marys ne sont pas seuls en la iouissance de la femme, quelques mariez qu'ils soient; car la nuict venue les ieunes femmes & filles courent d'une cabanne à autre, comme font en cas pareil les ieunes hommes



hommes de leur costé, qui en prennent ou bon leur semble, sans aucune violence toutefois, remettant le tout à la volonté de la femme. Et pource que les enfans d'un tel mariage ne se peuvent asseurer legitimes, ils ont cette coustume entr'eux, aussi bien qu'en plusieurs autres endroits des Indes Occidentales, que les enfans ne succèdent pas aux biens de leur pere; ains ils font successeurs & heritiers les enfans de leurs propres sœurs, &c.

Atque hæc quidem paulo prolixius ipsius Authoris verbis hic retulimus, ut ex iis pateat quam bene hæc cum moribus veterum Germanorum quadrent; nam Hurones hi omnium proximi sunt ad originem quam vir Clariss. illis gentibus dedit. Nihil autem hic apparet nisi filij sororum hæredes, sed ob causam tam futilem & probrosam, ut quiuis videat hoc à Germanicis moribus non descendere. An plures simul vxores habuerint non dicit hic author; de vicinis illorum in reliqua noua Francia testantur authores, illos plures vxores habuisse. Et viduæ denuo nubunt hic passim. Neque Virginia incolæ aliter se habent, aut qui his vicini sunt Floridani: apud quos viduæ marito in bello extincto capillos radunt, neque denuo nubunt antequam coma succreuerit. Apud hos autem & Sodomitarum abominations vigent & publicè exercentur sine dedecore. ○



Polygamia passim hic obtinet; de incolis quoque circa Cinaloam narrant Hispani, eos neque à matre, neque sorore, neque filia abstinere, eo amicitiam intendi affirmantes. In illis quoque partibus Sodomia regnat.

De Mexicanis & aliis eorumdem subditis diximus in Historia Americæ.

Apud Nicaraguanos polygamia fuit, licet vnam pro principali vxore haberent.

Sed transeamus ad Meridionalem Americam. Incolis prouinciæ Vrabæ hanc consuetudinem adscribit Cieza: filij hæreditatem patrum adeunt, si nati sint è principali conjugē. Coniungunt se cum filiabus fratrum germanorū, & Primores habent multas vxores. In quibusdam prouinciis vicinis indecorum putant virginem incorruptam ducere. In aliis promiscuè ducunt filias & sorores; & vt plurimum iam corruptas. Primores plurimas ducunt, tenuiores paucas aut quantas possunt. Filij parentum hæreditatem capiunt. Si illi desint, filij sororum, non autem fratrum.

Obseruat Cieza, plerasque fœminas in illis regionibus sine dolore parere: & vbi pepererunt, statim & se & partus suos in in flumine abluere.

In Quimbaya quoque filij hæreditatem patrum capiebant, aut si deessent filij, germanæ.



A Paſto incipit Peruuia, de cuius incolarum connubiis ſatis multa diximus in Hiſtoria Americæ. Hoc tamen notandum, hic paſſim obtinuiſſe vt filij è principali vxore hæreditatem paternam adirent, cæteris excluſis.

Polygamia quoque hic paſſim obtinuit. Obſeruat autem Cieza Peruanos abhoruiſſe à peccato Sodomitico, præterquam in *Puerto Veyo* & inſula *Puna*.

Si cæteras quoque regiones huius Americæ Meridionalis obeas, inuenies vbique polygamiam, & ſummam in connubiis conſuſionem: & vt verbo dicam, ferinam barbariem.

## OBSERVATIO DECIMA.

**D**icendum quoque aliquid de modo habitationum & ædificiis. Et primum obſeruandum in vtraque parte Americæ reperiri multos Nomades, præſertim in Septentrionali parte iuxta *Quiuiram*; & *Chichemecas* pene omnes eſſe tales, atque ad eundem modum alios. Plerosque autem qui hic certas ſedes habent, nonniſi viciſſim agere, & habere ædes è ſtipitibus factas & foliis aut palea, aut etiam arundine leuiter tectas; quosdam etiam nullas, & ſub dio agere.

In parte porro Septentrionali ædes è



saxo factas repertas in Noua quam vocat Mexicana, vnde olim veros Mexicanos egressos esse, creditur: circumcirca interea degunt homines barbari seminudi, sine vllis certis laribus aut vllo ordine politico. Primi qui domos incolunt lapideas, vocantur *Iumani*, siue Parabuyes, qui mares iuxta atque fœminæ facies atque artus lineis quibusdam signant; robusto corpore & longè vrbaniore moribus quam vicini illorū, *Conchi*, *Passuagates*, aut *Tobesi*. Iumani autem illi vestiti erant, leuēque aliquam cognitionem habebant religionis, cœlum enim intuentes, quod sua lingua vocabant *Apalito*, numen designabant & dominum vniuersi profitebantur. Hic & in progressu intellectum, multos populos versus occasum habitare eisdem moribus.

Ab his locis deflecentes versus Arctum inuenerunt Nouam illam Mexicanam, vbi ædes inuentæ vastæ, & quatuor contignationibus in altitudinem substructæ, cum multis atriis, conclauibus & tepidariis aduersus frigus: tam mares quam fœminæ vestiebantur ad Mexicanorum normam; utebantur & calceis & ocreis, quæ è taurino corio aut ferino consuta erant.

Apud *Cunames* ad eandem plagam etiam domos calce illitas, & variis coloribus pictas inuentas tradunt. Mira præterea narrant Hispani de *Acoma*: de lacu *Conybas*,



& magnificis ædificiis quæ in oppido maximo quod illi assidet reperiuntur. Sed vereor ne hæc omnia in majus extollantur, ut solitum eis qui alios ad eiusmodi expeditiones student incitare: Notissimum enim est quam misere sæpe decepit fuerint qui eiusmodi relationibus temerè crediderunt.

De Mexicanis haud dubium est, vasta ædificia præsertim publica, è saxo habuisse, de quibus authores consulendi, & imprimis Acosta: dixi & multa in Historia Americæ. Peruenit ea structuræ ratio ad *Tncatanos*, ultra hos non reperta vulgo.

In Americam Meridionalem ingressis rursus occurrunt mapalia, etiam in fastigiis arborum, nidorum instar, instructa; alia ex aquis super stipites & palos educta: doneq; perueniatur ad fines Peruuix: mapalia autem alicubi satis ampla, verum è stipitibus, aut grandibus & validis arundinibus coniuncta, & stramine tecta.

Statim ubi ingressus fueris fines Imperij Ingarum Peruanorum, occurrunt magnifica ædificia è grandibus saxis exstructa, & via illa militaris, viarum Romani Imperij æmula: de quibus omnes Scriptores Hispani loquuntur. Atque hic primo loco celebrat Cieza Palatium Carangue, è grandibus saxis substructum, inter se compositis sine vllò cæmento: habens interius stagnum itidem è saxis coagmentatum; & magnificum tem-



plum Solidicatum: Eiusdem structuræ plura deinceps sequuntur Otabalo, Cochesqui, Quito, Mulahalo, Tacunga, Muliambato, Mocha, Riobamba, Cayambi, Teocaxas, Tiquizambi, Chancan, Cannaribamba & Hatuncannari, Thomebamba superbissimū ædificium, de las Piedras, Tamboblanco, Calua, Caxas, Guancabamba, & ita porro vsque ad Ciuitatem Cusco: fuere autem non tantum palatia ista, sed & Armamentaria. De ipsius Cusco magnificis ædificiis mira narrant, vt de Arcibus & Templis. Omnem autem admirationem superant quæ referunt de Tiaguanaco. Qui desiderat horum omnium molem & magnificentiam plenius cognoscere, legat. cap. 14. lib. 6. Iosephi Acoftæ: qui scribit se in ruderibus illius ædificij mensum vnum saxum triginta octo pedes longum, & octodécim latum, in parietinis tamen Arcis Cuscsensis adhuc longè maiora spectari. Miranda quoque narrant de Arce Guarco, & de aliis magnis ædificiis passim per prouincias exstructis, quorum ruinæ adhuc visuntur cum stupore; ita vt cum antiquis structuris nostri orbis quo ad molem & magnificentiam comparari possint, & sola architectonices industria & nitore superentur. In reliquis huius Meridionalis Americæ regionibus nihil tale reperitur; nam neque vlla ibi visa oppida, ne ædificia quidem vlla ex saxo



sed tuguria & mapalia, vt apud alterius partis incolas plerosque, exceptis eis de quibus diximus.

## OBSERVATIO VNDECIMA.

**O**bseruanda quoque temporum ratio, nam ex ea quoque aliquod indicium fumi potest. Mexicani diuidebant annum in octodecim menses: vnicuique mense attribuebant xx. dies, qui efficiunt ccclx, reliquos quinque nulli mense annumerabant, sed collocabant per se, quibus nihil planè agebant, ne sacerdotes quidem immolabāt, sed omnes feriabantur, & alij alios visitabant. Primus autem anni dies ipsis erat qui nobis xxvi. Februarij. Mensibus nomina erant à festis quæ in illis agebantur, aut anni tempestate. Seculum eorum erat quinquaginta duorum annorum. Plura de his dixi in Historia Americæ. Peruanis autem annus constabat tot diebus quot noster; eumque diuidebant in duodecim menses. Ordiebantur illos à Ianuario vt nos, singulisque erāt sua nomina & festa. Verum Inga Pachacuto id mutauit, & annum ordiri voluit à Decembri. Vtrique autem Septimanarum vsum ignorarunt, nam Mexicanis erant tredecim dierum, Peruanis nullæ.

In multis partibus Septentrionalis Americæ nullam temporum rationem habent,



quam per Lunas : quidam etiam omnino nullam.

Ad eundem modum pleræque illæ gentes quæ ab Vrabæ sinu ad magnum flumen Amazonum incolunt, haud aliam temporum rationem ineunt quam per Lunas: dierum autem numerum per lignorum in fascem collectorum congeriem conseruant: cui quotidie aut addunt aut demunt pro renata.

*Ex libro decimo Historia Brasiliensis  
Emanuelis de Moraes nondum  
edita.*

#### OBSERVATIO DVODECIMA.

**E**GO vero libenter credo Americanos oriundos non ab vno populo, nec vna in parte, sed à Carthaginensibus, & ab Iudæis, idque temporis longo tractu, diuersis in locis. A Carthaginensibus, quia proditum est nouas inuenisse, & remotissimas regiones, omni amænitate, & fertilitate insignes: sed quia cunctos inflammarat fœlicissimi soli nuntium, legibus cautum, ne quis illo iterum nauigaret, ne Carthago bellorum tumultibus afflicta desereretur: cumque hanc ob causam cessaret nauigatio, cessauit & contractus, & gens illa facta est agrestis, diuisaque in varias familias, huc



illucque discurrens, sine aliquo communi principe, varias regiones occupauit, & vnaquæque propria sibi finxit vocabula. A Iudæis vero, quia Brasilienses, Iudaïcos mores, excepta circumcissione, induerunt. Primo Iudæis non licebat quascunque sibi jungere vxores, sed ex certa, & determinata tribu, vt habetur cap. vlt. Numer. v. 7. & deinceps, vbi hæc leguntur. Omnes enim viri vxores ducent de tribu, & cognatione sua: & cunctæ fœminæ de eadem tribu maritos accipient, vt hæreditas permaneat in familiis, nec sibi misceantur tribus. Brasilianis quoque fuit solemne, antequam ad castra Christi transfirent, consanguineas suas ducere, sororum filias primum, harum defectu alias. Secundò Iudæi patris nomine condecorabant, non tantum parentes suos, sed eorum quoque fratres, & reliquos ascēdentes, ad multas generationes; sic Angelus Iosephum interpellauit dicens: Ioseph fili Daui, noli timere; non quod Dauid Iosephi esset pater, à quo longissima serie distabat, sed quia ex maioribus eius erat: Ita Brasiliani more Iudaïco vocant patres, suos quoque patruos, & amitas similiter matres. Tertiò Iudæi Lachrimas magni faciebant, integro mense suorum funera flentes, vt videre est in obitu Moyſis, de quo dicitur Deuteuron. 34. vers. 8. Fleueruntque eum filij Israël in campeſtribus Moab triginta



diebus. Et lib. I. Mach. legimus de inclyto illo Machabæo. Et planxerunt eum omnis Israel planctu magno: alios in re clarissima facio missos: Brasiliani quoque lachrymas maximi faciunt, easque habent in potestate: suos integro mense ad minimum plorant, sine vlla intermissione aliquando, ita ut contingat multis, in fletu perire: Et quod mirandum est carorum aduentu circumdatis collo brachiis (ut sæpissime vidimus) cum effusa comploratione excipiunt. Quartò Iudæi dum eorum res vigeat, longis vestimentis delectabantur: sic Iacob dilecto suo Iosepho tunicam fecerat talarem: eadem utebantur tempore Christi Domini nostri Scribæ, & Pharisei, Euangelio id attestante: quinimo, & consuetudo pictorum obtinuit iam Iudæorum effigies vestimentis, ad pedes vsque demissis nobis proponere: maiores suos in hoc quoque Brasilijs imitantur egregie: longa vestis cordi illi est, & fœminæ omnes, quæ vestitum iam portare didicerunt, vna talari tantum tunica utuntur: Et si semen Brasilium rogaueris, quo vestimentorum genere maxime capiatur? Statim respōdebit, pallio longo. His, & aliis rationibus permoti hanc sententiam suam amplexi: Eandemque tenent multi viri docti, in Brasilia degentes, quamuis nonnulli repugnent arundineis innixi fundamentis. Ipsorumque Americanorum multi, ab an-



riquissima traditione edocti, maiores suos agnoscunt Iudæos, illos diuinitus è mari seruatos fuisse affirmantes : Nec nos multum mouet eorum sententia, qui non de mari rubro hæc intelligunt, sed ad memoriam vniuersalis diluuij referunt, cuius apud illas nationes vestigia reperiuntur, quamuis obscura, & admodum confusa: quia illæ distingunt diluuium à mari rubro, asserentes maiores suos, fastigia arborum ascendisse altissimarum, & ibi Noëmici diluuij euasisse periculum, quod non diuinitus factum, dicunt, sicuti de mari rubro affirmant.

## APPENDIX.

**D**E Brasilianorum lingua, quantum ad vocabula, supra dixi: addam nunc etiã pauca de ipsorum Grammatica & constructione, quia genus linguæ ex his optime intelligi, & cum aliis comparari potest. Grammaticam integram edidit P. Iosephus de Anchieta Prouincialis Societatis Iesu in Brasilia, Conymbricæ 1595. E qua hæc decerpsi.

1. Brasiliensium lingua non habet f, l, s, z, rr, nec mutam cum liquida vt cra, pra, &c. Sed loco s, in principio & medio dictionis seruit c, cum zeura.

2. Adjectio ad actiua in conjugationibus



verborum, & formatio futuri ex indicatiuo, & optatiui atque præteriti imperfecti & conjunctiuo, nonnihil variat apud nationes eiusdem linguæ; nam à Pitiguaribus Parai-bæ, vsque ad Tamoyos fluminis Ianuarij, pronuntiant verba integra desinentia in consonantes, vt *Apâb*, *Acen*, *Apen*, *Aiûr*; atque particulis temporum prædictorum interponunt *i*, asperum, vt in futuro *Apâbine*, *Acêmine*, *Apênine*, *Aiûrine*. Tupes vero qui S. Vincentij Capitaneatum incolunt, numquam pronunciant vltimam consonantē in verbis affirmatiuis, vt pro *Apab* dicunt *Apâ*, &c. Et in flexis *Apâne*, &c. Veruntamen in desinentibus in *c*, aut *g*, omnes communiter interponunt *i*, vt *Accpiâc*, *Acepiâcine*, &c.

3. Omnes dictiones quæ desinunt in quatuor vltimas vocales, habent accentum in vltima & notantur circumflexo: quæ in *a*, partim in vltima & notantur eodem accentu, partim in penultima & notantur acuto. Verba maximam partem habent accentum in vltima quomodocunque desinant.

4. Nomina non habent casus aut numeros distinctos, præter vocatiuum; in quibus hæc differentia obseruanda, quod quæ habent accentum in vltima, nihil mutantur in omnibus casibus; quæ in penultima, perdunt vltimam vocalem in vocatiuo, vt *tûba*, *tûb*, &c.



5. Nomina substantiua componuntur cum adiectiuis, ita vt substantiua semper præcedant; & si habeant accentum in vltima, manent integra: sin in penultima & concurrant cum vocali, perdunt vltimam vocalem, vt pro *Tuba etc*, *Tubete*, pater verus: si cum consonante, perdunt totam vltimam syllabam, vt *Tuba catu*, *Tucatû*. Si substantiua componantur cum substantiuis, eadem fit mutatio.

6. Numeri non ascendunt supra quatuor, & communiter præponuntur substantiuis, vt 1. *Oiepe*, 2. *Mocoy*, 3. *Mocapir*, 4. *Oyoirundic*. possunt & postponi facta diuisione.

7. Pronomina habent aliquot casus: vt Nominat. *Yxê*, *xá*, ego. Dativ. *Yxêbe*, *yxêbo*, *xêbe*, *xêbo*, mihi. Plural. Nomin. *Orê*, *yandê*, nos. Dativ. *Orêbe*, *yandêbe*, nobis. Nominat. *Endê*, *Ndé*, *Nê*, tu. Dativ. *Endêbe*, *Endêbo*, *Ndêbe*, *Ndêbo*, tibi. Plur. Nominat. *Peê* vel *Pé*, vos. Dativ. *Peême* vel *Peêmo*. Accus. *Opô* vel *Pé*. Vocat. *Peê* vel *Pé*. *Xê*, *Ndé* vel *Nê*, *Pé*, etiam sunt adiectiua, vt meus, tuus, vester. *Xejára*, meus dominus, *Ndejára*, tuus &c. *Yxê*, *endê*, *peê*. semper sunt substantiua: *Orê*, *Yandê*, itidem sunt adiectiua, noster, a, um. *C* cum Zeura & *j* sunt pronomina relatiua in omnibus casibus & numeris, & significant is,



ea, id. O est reciprocum, suus, a, um. In constructione, ( excepto Nominatio & Dativus qui indifferenter ponuntur ) pronomen semper præponitur, siue sit substantivum siue adjectivum.

8. Licet omnia verba unam habeant formam conjugandi, tamen possumus dicere duas habere, quia negativum augetur certis particulis, quibus discernitur: ut indicativus Affirm. *Aincâ* occido, Negat. *Na-incâi* non occido: In imperativus affirm. *Eincâ* occide tu, Negat. *Eincâ umê* ne occidas.

9. Præpositiones semper postponuntur nominibus; sunt autem fere hæ: *Mô* in, *Pê* in, ad, a, cum dativus. *Bô* in, per, *cupê* a, *çui* de, ex, præter; *çocê* supra, super. *Tobaquê* coram. *Tenondê* ante de tempore: *çupî* per, de loco. *Cotî* versus. *Cecê Ri*, propter, pro, in, a. *Pocê* com, in eodem lecto. *Pupê* com, instrumentale: *Pabê* com, societatis. *Ndi*, idem *Tâ*, cum suis compositis, *yabê*, *yabenbê*, *yacatû*, *yacatutenbê*, secundum.

10. *Pê* cum nominibus iuncta quæ desinunt in *ba* absorbet ultimam syllabam, ut *Taba* vicus, *Tapê* in vico:

11. Verba neutra fiunt activa, interponendo *mo* vel *ro*, ut *agebir* redeo, *Aimogebir*, *arogebir* facio ut quis redeat.




12. *Ae* vel *Aipoaë* neutrum, ut in latino, inquam, is, it, est irregulare in aliquibus temporibus, ut *ae* inquam; *Naey* vel *aipondæy* non dico: in imperat. *Erè* dic tu. in infinitivo *E* dicere &c.

FINIS.
















c  
F 643  
L 742 n P











